

obeyikan.com

الشَّيْح

الكتاب: الشيخ
المؤلف: محمد عبد الرازق
تصميم الغلاف: أسامة علام
تدقيق لغوي: أحمد أسامة
رقم الإيداع: 2016/25095
الترقيم الدولي: 978-977-778-095-7

20 عمارات منتصر – الهرم - الجيزة
ت: 02 35860372
Noon_publishing@yahoo.com
جميع حقوق الطبع والتوزيع محفوظة للناشر

للنشر
والتوزيع

الشَّبَح

رواية

محمد عبد الرازق

للنشر
والتوزيع

oboiikan.com

الإهداء

إليك أنت وحدك
بك أكتفي بالدنيا وما فيها

oboiikan.com

أشرف صابر

هناك أشياء كثيرة تحدث في حياة كل منا، تؤثر على مصير أقداره .. أشياء لا نعرف لها سببًا.. تحدث بلا مقدمات، بدون موعد مسبق.. لكنها يكون لها أبلغ الأثر في تشكيل ما يليها من أحداث.. قد تبعث تلك الأشياء على الضيق أو الضجر كالجلوس مع شخص سمج أو امرأة ثرثارة.. أو أخرى تشكو للقاصي والداني مشكلاتها مع زوجها وابنائها.. أو الشباب الذي ينعى سوء حظه.. ذاك الحظ العثر الذي قتل طموحه وحطم آماله الباسمة عندما اصطدم بالواقع العبوس.. فبعد أن كان الحماس يملأ قلبه، كانت طموحاته لا سقف يحدها، أصبح سقف حجرته الذي يدنو من رأسه هو أقصى H منياته..

عن نفسى فالوضع يختلف قليلاً.. فأنا أتكيف مع كل الظروف، علمتى مهنتى القاسية ومن قبلها الحياة، أن أتأقلم مع كافة المتغيرات.. لكن.. على الرغم من ذلك لم أستطع التخلص من شيئين ما زالوا يسببان لى الضيق.. أصاب بالاختناق عند الحر الشديد، ويحاصرني الضجر في الزحام الرهيب.. وكلاهما متلازمان ودائمان بطبيعة الحال في مجتمعنا.. في أغلب الأحيان كى أكون منصفًا..

عندما كانت ترتفع درجات الحرارة عن معدلاتها الطبيعية في فصل الصيف كنت على الفور أتقدم بطلب إجازة إلى السيد اللواء مدير الإدارة.. أهرع إلى حسناوات شرم الشيخ أو إلى الطبيعة الخلابة في الغردقة.. على أقل تقدير أفر

إلى الإسكندرية هربًا من هذا الجحيم المقيم على أرض المحروسة، الإسكندرية في مفهومى تعنى الأماكن النائية الغير مطروقة بالبشر في الساحل الشمالى.. دائمًا أفضل الذهاب في الأوقات التي تخلو فيها تلك المدن من المصطافين، دومًا أختار الأوقات والأماكن الغير مزدحمة.. إن أردنا الدقة أفضل دائمًا الأوقات التي تكون فيها هذه المدن خالية من المصريين.. حتى لا يجتمع الحرمة الزحام..

معظم الوقت أفضيه وحدى على الشاطئ، أجلس مع نفسى، أحاورها وتجاوزنى.. اتذكر معها كل ما مربنى من أحداث سعيدة كانت أو حتى حزينة.. لا يهم.. المهم أن أجلس مع نفسى.. طوال أكثر من اثنان وثلاثين عامًا هي كل رصيدي في هذه الحياة لم أفكر مطلقًا في الزواج، كيف لشخص عاقل أن يلقي بنفسه في التهلكة بإرادته.. المدام متعبة، الأولاد مرضى.. ناهيك عن خزنة الأموال المفتوحة ليل نهار، والمطلوب منك دائمًا أن تملأها بالجنيات.. هذا بخلاف ملايين الأسئلة اللانهاية التي تطرحها عليك الزوجة المصرية.. أين كنت؟ متى ستعود؟ لماذا تأخرت؟ ماذا تحب على الغذاء؟ لماذا لم تعد تحبني؟.. أسئلة تتبعها أسئلة بدون إجابة نموذجية.. في كل الأحوال هوفخ لم يستطع النجاة منه إلا قلة محظوظة.. أنا منهم بالطبع.. وعلى الرغم من أن وظيفتى تقتضى توجيه الأسئلة الكثيرة المتنوعة إلا أننى لم أجد في نفسى القدرة يومًا على تحمل هذا النمط التقليدى من الحياة الزوجية.. ومن هنا اتخذت قرارى الحاسم بالابتعاد نهائيًا عن النساء.. إحم إحم.. ليس كل النساء بالطبع.. فقط عزفت عن النساء الراغبات في الزواج، زهدت في فكرة الزواج بالتبعية....

معذرة فقد تماديت في أحلامى وأمنيائى، فكل ما ذكرته عن حياة العزوبية لم يكن إلا أمنية كنت أتمنى تحقيقها ولكن ليس كل ما يتمناه المرء يدركه، لقد وقعت في الفخ وتزوجت، لم تكن رغبتى ولكنها رغبة والدتى التي كانت دائمًا تقول لى: (نفسى أشوف ولادك قبل ما أموت)، ولأنها الغالية وليس في حياتى أغلى منها وخاصة أننى وحيدها فقد استسلمت لرغبتها، وبالتالي لم أعترض على العروس

التي أصرت على اختيارها بنفسها، كان زواجًا تقليديًا مثل أغلب الزيجات في مصر، ولكنني عاملت زوجتي بما يرضى الله، ولقد كانت جانزتي هي مولودي الأول، ولقد شاءت الأقدار أن يكون ذكرًا، كما تمنيت منذ ليلة الزفاف، ولكنني كنت أتمنى أن أعود لحياتي السابقة، قبل الزواج، الصيف والبحر والهواء العليل والوحدة.... ويبدو أن الله قد استجاب لدعواتي فأتى هذا الصيف ساخناً جداً، ولكن بدون بحر ولا شيطان ولا أحلام، بل كان حافلاً بالعمل وليس غيره، كانت البداية بعد أن تم الإبلاغ عن جريمة قتل غامضة.. ولما كنت أحظى بثقة السيد اللواء مدير مباحث الجيزة فقد تم إسنادها إليّ..

ومع بداية ارتفاع درجات الحرارة في مثل هذا الوقت من صيف القاهرة، وازدحام شوارع مدينة الألف مئذنة بالبشر، عاودتني تلك الحالة المقيتة من الأختناق وأنا متوجه في طريقى للعقار رقم (.....) شارع الأهرام بالجيزة.. موقع الجريمة..

كنت طوال الطريق من المديرية وحتى موقع ارتكاب الجريمة أزر في ضيق بعد أن شعرت بأن الهواء قد خلا من عنصر الأكسجين.. كان الهواء مشبعًا برطوبة خانقة أثّرت على وضوح رؤيتي وقدرتي على التنفس.. أصبحت أشك أنها قد أضعفت سمعى أيضًا، فلم أكن قادرًا على الاستماع إلى زميلي الرائد أحمد حسين وهو يلقي على بكلمات متناثرة من حينٍ لآخر عن الجريمة، عن البلاغ الذي قدمه بواب العمارة التي وجدت بها جثة القتيل.. كنت أستمع إليه بنصف عقل فقط، أما النصف الثاني فقد كان يفر من قبض الواقع بخيالات وهالوس عن جميلات شرم الشيخ وزرقة مياه الغردقة، ذاك الجو الساحر البديع الذي كنت أحلم به دائمًا في مثل هذا التوقيت من العام..

بعد عناء ميري في زحام المرور ومكابدة سائقى الميكرو باص والتوك توك الطائش وصلنا أخيرًا إلى المكان المنشود.. تحول اختناقى وضجرى إلى غضب عاصف عندما وجدت أكوام من البشر يتجمعون حول العقار الذى وقعت به الجريمة.. عقدت

حاجبى وأنا أترجل من السيارة الميرى ثم أشرت إلى اثنين من العساكر بالتعامل مع هذا الجمع، حتى استطيع المرور وأنا والرائد أحمد.. اندفعوا إليهم وأزاحوهم بعنف ليصنعوا ممراً صغيراً استطعت العبور من خلاله أنا وزميلي.. فى نفس اللحظة التى مرع الينا فيها بواب العقار الذى ما أن رأنا قال وهو يلتقط أنفاسه بصعوبة ربما لإدمانه لنوع معين من المخدرات أولكبر سنه الظاهر من الشيب الذى كسى معظم شعر رأسه:

- أهلاً وسهلاً يا بيه، الهوات سبقوكم لفوق.

أومات برأسى متفهماً حديثه فقد كان يقصد رجال المعمل الجنائى، الذين كان من المفترض أن ياتوا بعد أن نعين مسرح الجريمة لرفع البصمات وأخذ الأدلة ولكنه الزحام، ألعنة الله عليه.. ركبنا المصعد بصحبة هذا البواب الغريب الذى ضغط بإبهامه على زر الطابق العاشر.. كان مظهره مربباً يبعث على الشك وهو يبسمل ويحوقل باستمرار، بطريقة تدعو للضجر.. عنفته وأمرته بالصمت حتى نصل إلى وجهتنا..

فور أن وصل المصعد إلى الطابق المنشود سبقنا البواب إلى الشقة التى وقعت بها الجريمة.. تبعته أنا وزميلي بهدوء وثقة.. لم تكن تلك هى الجريمة الأولى التى تسند إلى بل كنت قد حللت ألغازاً وفككت طلاسم جرائم أشد منها غموضاً.. دلفت إلى المكان وأنا أشعل إحدى سجائرى نفاذة الرائحة، والتى كانت تساعدنى على التفكير الهادئ بعد أن يأخذ دخانها الكثير من توترى وحدتى..

«المقدم أشرف صابر بنفسه! الظاهر الموضوع كبير واحنا ما نعرفش»..

علت شفتى ابتسامة ساخرة وأنا ألتفت إلى قائل العبارة السابقة.. كان صديقى الدكتور إبراهيم طلعت، أحد أهم رجال الطب الشرعى فى مصر فى هذه الأونة ورئيس المعمل الجنائى أيضاً، مددت يدي لأصافحه وأنا أقول بنبرة هادئة:

- ومدام الدكتور إبراهيم هنا هو كمان، يبقى فعلاً الموضوع فى غاية

الأهمية، معلىش أسف على التأخير، البلد زحمة جداً.

- ولا يهملك يا باشا.

قال عبارته ثم تبادلنا عبارات الترحاب بسرعة قبل أن نتنقل إلى مباشرة عملنا، خاطبته بنبرة جادة:

- ها طمنى، إيه الموضوع؟

ولأن الدكتور إبراهيم يعلم أنى رجل عملى، لا أحب إضاعة الوقت فقد دخل فى الموضوع مباشرة، قال بلهجة عملية وهو يقرأ التقرير الذى سلمه له أحد رجاله بعد انتهائهم من فحص موقع الجريمة فى حين أخذ بصرى يجوب المكان متفحصاً كل شئ بدقة شديدة:

- الجثة لرجل فى العقد الثالث من العمر، توفى نتيجة عدة طعنات مباشرة من آلة حادة قاطعة فى منطقة الصدر والبطن، يشتبه فى كونها سكيناً حاداً وهذا واضح تماماً من آثار الجروح القطعية فى المنطقتين المذكورتين.. كان إبراهيم يتحدث وأنا أتحرك فى المكان مرتدياً قفازاً بلاستيكيًا شفافاً من النوع الطبي.. اقتريت بهدوء من جثة القتيل.. كشفت الغطاء عن نصفها العلوى لتطالعى ملامح صاحبها.. رأس بيضاوى، به صلح خفيف، عيناه بنيتان شاخصتان إلى فراغ الغرفة، له فم كبير ممتلى بالطعام وبعضها تم قيؤه على الأرض، نحيل.. قاطعتى صوت الدكتور إبراهيم وهو يقول بصوت هادئ:

- أنا ما كملتلكش باقى التقرير المبدأى..

التفت نحوه وأنا أقول بحدة:

- مستنى إيه يا دكتور ولا محتاج عزومة؟

تنحنح الدكتور قليلاً ثم قال بنبرة متوترة:

- وجد بالجثة محل الفحص المبدأى بتر بالعضو الذكرى، وهذا واضح بالعين المجردة.. لكن يحتاج الرأى النهائى إلى إتمام إجراءات تشريح الجثة لمعرفة سبب الوفاة الفعلى وهل يرجع لطعنات الصدر والبطن أم يرجع للتزيف الحاد الناتج عن بتر العضو الذكرى..

مطلعت شفتى في ضيق وأنا أكشف باقى الغطاء لتظهر جثة القتيل عارية تمامًا
أمامى لا تسترها أية ملابس.. ترقد على ظهرها في وضع عجيب بعد فتح ذراعاه عن
آخرهما وبعدهما ما بين ساقيه لمسافة كبيرة.. وقفت على قدمى وأنا أخلع القفاز
الطبي عن كفى.. أخذت أحك أنفى في حركة لا إرادية لازمتنى منذ أن شاهدت قتيلًا
للمرة الأولى في حياتى ولم أحتمل رائحة العفن الصادرة من جثته.. كان الوضع
برمته مريبًا يثير الكثير من التساؤلات.. لماذا قُتل هذا الرجل عاريًا؟ لماذا قطعوا له
ذكره؟.. لا بد أنها جريمة نسائية غرضها الإنتقام.. اللعنة على النساء.. دائمًا فتش
عن المرأة..

قاطع صوت الدكتور إبراهيم من جديد إسترسالى في الأفكار حين قال:

- على فكرة، إحنا مالقيناش العضو المبتور.
- التفت إليه وقلت بغضب:
- يا سلام، أُمال يعنى انت فاكرانه قطعه وبعدين هيرميه جنب الجثة..
- أكيد احتفظ بيه لغرض ما.
- تنحج الدكتور إبراهيم في إحراج وهو يقول:
- الموضوع كله فيه حاجة مش مفهومة، تحس إن القاتل عاوز يوحى لينا
إنها جريمة عاطفية، لكن خبرتى بتقول إن الموضوع وراه حاجات تانية أكبر من
كده.

ازداد حنقى وضيقى من فلسفته الغير مبررة، بعد أن كنت قد أقنعت نفسى
أنها جريمة عاطفية أملًا في حل تلاسمةا وحتى أفر من هذا المكان الذى أصبحت
رائحته مع شدة حرارة الجولا تطاق، قلت بسأم:

- طب معاليك تفتكر إيه نوع الجريمة دى يا دكتور.

تجاوز الدكتور إبراهيم سخريتى وقال مستطردًا:

- مش شرط تكون الجريمة عاطفية لكنها ممكن تكون انتقامية لغرض
آخر.. يعنى مثلًا إحنا وجدنا في غرفة النوم آثار سائل منوى يرجح أنه للقتيل
ووجدنا على جسده شوية آثار منه برضه..

قاطعته وأنا أقول مفكرًا على طريقة شرلوك هولمز:

- تقصد إنه كان شاذًا!!

هز الدكتور إبراهيم رأسه وهو يقول:

- لا لا، مش قصدى كده.. لكن قصدى إننا لازم نسيب كل الإحتمالات مفتوحة.

أومأت برأسى موافقًا مقالته ثم تحركت تاركًا الجثة، أدت وجهى فى أرجاء الشقة أتأمل ما بها من أثاث متجاوزًا غرفة النوم التى كنا نقف فيها.. كانت الشقة تتكون من غرفتين وصاله كبيرة بها مكتبين خشبيين أحدهما كبير والأخر صغير.. وبعض مقاعد متناثرة فى المكان بشكل عشوائى.. أما الغرفة التى بها الجثة فهى متوسطة الحجم بها فراش متواضع، رقدت فوقه جثة القتيل بوضعها المريب.. بجانبه كومود موضوع عليه هاتف أرضى.. الإضاءة فى المكان خافتة تبعث على الهدوء والاسترخاء، تنبعث رائحة زكية مختلطة برائحة حشيش أنبأتنى خبرتى العملية أنه من نوع جيد مما يضى على المكان مزيدًا من الغموض.. العديد من زجاجات الخمر الفاخرة ملقاة فى جوانب الغرفة بعد فراغها من محتواها.. كاسيت ضخم به شريط قديم لمطرب يدعى الرئيس بيرة..

- النيابة وصلت يا باشا.

قطع تأملاتى أحد المعاوين وهو يخبرنى بقدم وكيل النيابة، الذى أسرع لمقابلته، وأخذت أحدثه عن الجريمة وما توصلنا إليه حتى الآن، ثم تركته يعاين المكان بنفسه وواصلت عملى فأشرت بيمينى للبواب فأسرع إلى مهرولاً فى نفس الوقت الذى كان زميلى أحمد يتحدث إلى أحد رجال المعمل الجنائى..

«تحت أمرك يا بيه».. قالها البواب بصوت مرتعش وهو يقف وقفة أقرب لوقفه العساكر فى مراكز التدريب.. أيقنت بتوتره إلا أننى رغبت فى زيادة هذا الإحساس لديه حتى لا يتعبنى فى استخراج المعلومات المطلوبة.. نظرت إليه طويلاً نظرة متفحصه متمرسه، لم أسأله على الفور كعادتى عند بداية حديثى مع أحد

المشتبه فيهم، التقطت إحدى سجائري النفاذة وأشعلتها ببطء، سحبت منها نفساً طويلاً بهدوء مميت متعمداً زيادة معدل الأدرينالين في دمه.. نفخت الدخان بقوة في وجهه قبل أن أضع يدي على كتفه فجأة وأقول بحزم:

- اسمك إيه؟

أجابني قائلاً وكتفه ترتعش تحت كفي:

- خدامك عبده يا بيه.

أكملت بذات النبرة الحازمة وبطريقة الطرق على الحديد وهو ساخن:

- إنت منين يا عبده؟

- أنا من أسيوط يا بيه.

- وبتشتغل هنا من إمتى؟

- من خمس سنين يا بيه

- والقتيل كان بيشتغل إيه بالضبط؟

أجابني قائلاً على الفور دون أى مراوغة أو مواردية:

- سى الأستاذ فؤاد تيسير الله يرحمه كان بينشر.

دهست السيجارة بقدمى وأنا أقول متسائلاً:

- بينشر إيه بالضبط؟

- الأستاذ فؤاد الله يرحمه كان بينشر كتب للشباب، الحاجات الثقافية

دى يا سعادة البيه.

عقدت حاجبى وأنا أفكر فى هذه المعلومة الجديدة، من المعروف عن أصحاب

دور النشر فى مصر أنهم أشخاص محترمون، لما يصدروه من آداب وأخلاق وثقافات

متعددة للمجتمع فى مصر، وفى الغالب ليس لهم أعداء.. فمن الذى سيقتل

ناشراً؟.. ماذا يمكن أن يكون الدافع وراء مثل هذه الجريمة؟..

«عم عبده، دار النشر دى فتحت من إمتى؟ يعنى إنت جيت العمارة لقيتها ولا

القتيل جه من بعدك؟».. سألته مجدداً..

ابتلع الرجل ريقه بصعوبة والتقط نفسًا عميقًا قبل أن يجيب على سؤاله
قائلًا:

- لا يا بيه هو جه من بعدى، الداردى فاتحه بقالها ٣ سنين بس يا بيه، سمعتها زى الفل، وكان كل يوم والثانى حفلات واجتماعات وهيصة. وكان بيحضر فيها ناس لهم هيبه زى حضرتك كده تمام، وكان بيبقى معاهم حريم محترمة بنات أكابر، وساعات كان الحريم والبنات بييجوا لوحدهم لما ما بيكونش فى حفلة، ولما كنت أسألهم رايحين على فين؟ كانوا يقولوا رايحين عند الأستاذ فؤاد صاحب دار الهبظ للنشر والتوزيع.

أدرت بصرى فى المكان بحثا عن أى لافتة تشير إلى اسم دار النشر، فوجدت واحدة صغيرة موضوعة على المكتب الكبير تشير إلى نفس الاسم، ابتسمت على الرغم منى حين سمعت عبده البواب وهو يقول:

- أصل الأستاذ فؤاد كان راجل بركة، بتاع ربنا مفيش فرض يسيبه أبدًا، كل كلامه كان حكم ودُرر، أمال ايه يا بيه ده هو اللى شاهر نُص كُتَاب مصر. اتسعت ابتسامتى حين تذكرت رائحة الحشيش وزجاجات الخمر التى تملأ المكان، التفتت للرجل الساذج وسألته وأنا أتجول بين جنبات الشقة:

- كنت فىن وقت وقوع الجريمة؟

صمت قليلاً ليستجمع أفكاره قبل أن يقول:

- يا بيه أنا ما أعرفش أصلًا الحكاية دى حصلت إمى، لكن هحكى لحضرتك عرفتها إزاي. كنت بجيب طلب يا باشا للست شوشو الرقاصة اللى فى الدور التاسع، ولما رجعت وسلمتها الطلبات سمعت صوت كاسيت على أوى، من شقة الأستاذ فؤاد، والأستاذ شاهين جار الست شوشو بيتضايق أوى من الصوت العالى، فخرج يبزعق وقال لى شوف حل فى الهباب اللى بيحصل فوق ده، طلعت يا بيه لقيت الباب مفتوح والصوت العالى خارج من جوا الشقة، رنيت الجرس كتير محدش رد عليًا، فدخلت وقعدت أنادى على الأستاذ فؤاد محدش رد برضو، قام

الفار لعب في عبي ودخلت للأوضة اللى جوه يا بيه، لقيته سايح في دمه يا ولداه، جريت على بره وطلبت حضراتكم تشوفوا إيه النصيبة دى.

تفرست ملامحه مليًا، كانت تشى بصدق أقواله.. مططت شفتى في ضيق حين

بادرته بسؤال آخر:

- في كام شقة في الدور يا عبده؟

- أربعة يا بيه.

- مين جيران القتيل في نفس الدور اللى كان ساكن فيه؟

- الأستاذ عبد العزيز ومدام هالة والدكتورة تغريد، ودول كلهم مسافرين،

يعنى الدور ما فيهموش غير شقة المرحوم هى اللى ساكنة دلوقتى.

قاطعنى الدكتور إبراهيم حين جاء يخبرنى بانتهاه من الفحص المبدأى للجثة

ويبلغنى أن التقرير النهائى سيكون بين يدى فور الانتهاء منه.. ودعته بعبارات

التشجيع ثم التفتت إلى عبده وتحديث إليه متابعًا:

- بص يا عم عبده، أنا عايزك تتكلم معايا بكل صراحة وبكل وضوح، كان

في أى خلافات بين فؤاد وأى حد؟ جيران مثلاً؟ كُتاب جايز؟ صحفيين إحتمال؟ أى

حد أو أى احتمال هيساعدنا كثير.

أجابنى قائلًا بلا أى موارد:

- والله يا بيه أنا سمعت إنه كان على خلاف مع كام كاتب من اللى كانوا

بيشتغلوا معاه، وقبل ما يتقتل بيومين، جاله ثلاثة منهم حوالى الساعة ١٠ بالليل،

ودى كانت حاجة غريبة ولا مؤاخذه، لأن المرحوم كان مش متعود يستقبل رجاله

في الوقت ده، دايمًا كان ضيوفه حريم ولا مؤاخذه، المهم يا بيه على الساعة ١١

كده طلعت أتظمن على الشقق وأتمم عليها زى كل ليلة، ولما وصلت للدور اللى

فيه شقة المرحوم سمعت أصوات عالية أوى خارجة من جوا الشقة، زى ما تكون

خناقة كبيرة بينه وبين التلات كتاب.

تهللت أساربرى فرحًا وأيقنت أن تعبى لن يذهب سدى فعاجلته بسؤال آخر:

- حلو جدًا الكلام ده يا عم عبده، تعرف مين الثلاثة دول؟
- طبعًا يا بيه، دول كانوا على طول بييجوا الشقة قصدى الدار..
- قاطعته وأنا أجدبه من جلبابه الصعيدي وأحدق فى عينيه بنظرة قوية أعلم تمامًا مدى تأثيرها على من يتلقاها، قبل أن أقول له بصوت غاضب:
- اتكلم على طول وبلاش لف ودوران، اسمهم إيه؟
- بنبرة مرتعشة أجب:
- الأستاذ كامل محمد، والأستاذ عمر حسين، والأستاذ ونيس فضل.
- تركت جلبابه ودفعته بغلظة، ثم أشعلت سيجارتى الثالثة وأنا أبتعد عنه لخطوات بسيطة، قبل أن أنادى على أحمد الذى أتانى على الفور قائلاً:
- أيوه يافندم.
- أشرت إلى البواب وألقيت تعليماتى إلى زميلى قائلاً:
- خد من الراجل ده أسماء الناس اللي لسه قايل عليهم وأوصافهم، وأسماء جيران القتيل فى نفس الدور، وهاته معانا علشان نكمل تحقيق معاه فى الإدارة، واستدعى كل أسماء الكتاب اللي هيقول لك عليهم، علشان نحقق معاهم.
- ألقيت أوامرى ثم تركت المكان إلى الإدارة لاستكمال التحقيق فى هذه القضية الغربية، لكن ما أثار حنقى وغيظى هو الزحام الشديد والحر الرهيب الذى شعرت معهما بنفس حالة الاختناق التى مرت بى وأنا فى طريقى إلى موقع الجريمة، كان من الواضح أن هذا الصيف سيكون ساخناً جدًا.

* * *

شهيرة فكري

طوى رجل في العقد السادس من العمر إحدى الجرائد الحكومية التي تحمل بين صفحاتها أحد التحقيقات المثيرة حول سلبيات دور النشر في مصر، والتي كان يطالعها منذ لحظات، وابتسم ابتسامة هادئة وهو يرفع بصره إلى فتاة في أواخر العشرينات، بيضاء البشرة، لها عينان عسلتان واسعتان، كعيون المها، أنف مستقيم يدل على الشموخ والكبرياء، فم صغير يحمل شفتين كحبات الفراولة، تثيران شهية كل مشتاق، تتفجر الأنوثة من كل منطقة من جسدها الساحر، ينسدل شعرها الأسود الناعم كشلال من الحرير على كتفيها الممتلئتين، كانت ترتدى جيب سوداء ضيقة، تصل بالكاد إلى ركبتيها، وبلوزة بلون السماء، اصطفت أزرارها بانتظام على جسدها المتناسق ماعدا الزر العلوي، الذي قرر مخالفة الجميع لينفتح على مصراعيه ليظهر جزء من ضوء الشمس المنبعث من جسد هذا الملاك الذي يمشى على قدمين كباقي البشر، لم تضع أى مساحيق على وجهها مما زاد من جمالها وحسنها في عيون كل من رآها أو حتى اقترب منها.

- صباح الفل يا أحلى بابا في الدنيا.

نطقت عبارتها وهي تقبل رأس العجوز الذي ابتسم في رضا وقال والسعادة تقطر من بين كلماته:-

صباح الفل على عيونك يا حبيبة قلبي.

جلست على فخذه وقالت في مرح:-

فطرت من غيرى يا حاج ولا إيه؟

وهو أنا أقدر برضه، أنا كنت بقرأ المقال بتاعك عن دور النشر، تسلم إيدك
بجد، ولسه هقرأ باقي الجورنال لقيتك هليتي على بنورك الصباح.

اختطفت الجريدة بعد سماعها لإطرائه وأخذت تقلب فيها بسرعة وهى تقول:-

هو فين؟ أنا ما شوفتهوش لسه، كويس إنهم لحقوا ينزلوه فى طبعة النهاردة،

و.....

بترت عبارتها وتغيرت ملامحها ١٨٠ درجة، فتجهم وجهها واتسعت عينها فى

دهشة، وأخذت كفها اليمنى بالارتجاف على نحو ملحوظ، مما دعا والدها إلى أن

يمسك بها ويضمها إلى صدره وهو يقول بجزع:-

مالك يا بنتى؟ مالك يا شهيرة؟ فى إيه؟

لم تُجبه على الفور، بل أخذ جسدها يرتجف لدقيقة كاملة، قبل أن تشير

إلى خبر فى صفحة الحوادث المقابلة للصفحة التى نشرها تحقيقها الصحفى،

فالتقط والدها الجريدة على الفور، وقرأ الخبر قبل أن تتسع عيناه بدوره، وهو

يلتقط أنفاسه بصعوبة ويقول بصوت متحشرج:-

مش ده الأستاذ فؤاد صديقك، صاحب دار النشر.

أومأت برأسها وهى تدفن وجهها فى صدر والدها القوى، ونحيبها يغطى على

الموقف بأكمله، مما دعا الرجل إلى أن يبعدها عن صدره برفق وهو يقول متوتراً:-

إهدى، إهدى بس، الله يرحمه ده كان إنسان محترم، وكل الناس كانت عارفاه

وعارفاه أخلاقه العالية، مين بس اللى يفكر يقتل راجل زى ده؟

مسحت دموعها بكفها اليمنى قبل أن تلتقط منديلاً صغيراً من أمام والدها

وتجفف دموعها ووجهها بأكمله، وقامت من مكانها وهى تقول:-

معلش يا بابا، هسيبك تفطر لوحذك، علشان لازم أروح الجورنال دلوقتي وأعرف الحكاية دى حصلت إزاي.

قرنت عبارتها بالفعل، فقامت من مكانها وطبعت قبلتين سريعتين على وجنتي والدها، ثم انطلقت على الفور لتركب سيارتها، وتديرها وهي تطلق العنان لمحركاتها، في نفس اللحظة التي أطلقت العنان لأفكارها، ولأسئلتها، لقد كانت مع دكتور فؤاد أمس، وكان في أفضل حال، فما الذي حدث ومن الذي اقتلع روحه من صدره، ومع الأسف لم تجد أي إجابة لأسئلتها في هذه اللحظة، ولا التي بعدها. ضغطت على مكابح سيارتها في اللحظة الأخيرة قبل أن تصطدم بشاب نحيل له شعر كثيف يعقصبه خلف رأسه، وقف أمام سيارتها وكأنه نبت فجأة من الأرض، غمغمت شهيرة:-

- مدحت.

تحرك الشاب من مكانه وفتح باب السيارة بدون استئذان وركب بجوارها وهو ينظر إليها غاضبًا ويقول:-

على فين يا حلوة، طبعًا رايحه على شغلك ولا كأن في حاجة حصلت، الراجل اللي خيره علينا كلنا مات، أو بمعنى أصح إتقتل. وحضرتك كاتبة مقال في الجريدة بتشهرى بدور النشر، وطبعًا دار المهظ على رأس القائمة، ولا عاملة حساب لعشرة ولا لعيش وملح أكلناه مع بعض، حرام عليكى. إتقى الله.

أدارت سمية رأسها للناحية الأخرى لتتفادى النظر إليه وهي تقول بعصبية:-
الكلام اللي كتبتة ما قصدتش بيه حد معين، الكلام كان للعام، وعلى رأى المثل، اللي على راسه بطحة بيحسس عليها، ثم إنى إتفاجئت بخبر موت فؤاد لما قرأته في الجورنال دلوقتي، زى كل الناس.

أسسكها مدحت فجأة من ذراعها بقوة آمتها وهو ينظر في عينيها ويقول بغضب دفين:-

عارفه لو طلع ليكي يد في قتله، أنا هعمل فيكي ايه؟

هخليكى تحصيليه، سمعانى، وأظن إنتى عارفانى كويس، لما بقول كلمة ما
برجعش فيها.

أبعدت ذراعها عنه بقوة وهى تنظر إليه شذراً دون أن تتكلم، فتح باب السيارة
ونزل منها ثم مالبت أن اختفى تماماً فى الزحام، فالتفتت أنفاسها ثم أدارت سيارتها
مرة أخرى وانطلقت إلى عملها وعقلها يعيد عليها السؤال الذى حدثها بها نفسها
منذ قليل، من قتل دكتور فؤاد؟

انخرطت سيدة فى أواخر العقد الثانى من العمر فى بكاء مريروهى تحتضن
طفلاً صغيراً لا يتجاوز سنه الرابعة من عمره، انكمش الصغير فى صدر أمه بخوف
مبهم، وهو يتطلع إلى عينيها اللتان لم يتوقف منهما سيل الدموع ليل نهار، كانت
السيدة تردى فستائناً أسود اللون وتغضى رأسها بحجاب طويل من نفس اللون،
ربتت شهيرة على كتفها وقالت مواسية:-

وحدى الله يا مديحة، ربنا يرحمه ويغفر له.

أبعدت مديحة يدها بعنف وقالت بلهجة حادة من بين دموعها:-

هو كان بيعمل فى حياته غير كل خير، ده ما كانش بيفوت فرض، وكان بيراعى أكل
عيشه، وعمره ما دخل بيتنا لقمة حرام، يبقى يتعمل فيه كده ليه؟ دى مكيدة،
الناس مش عايزاه ينجح، علشان قدر يتخطاهم ويكون من أحسن أصحاب دور
النشر فى مصر، واسمه مسمع فى كل حتة، ليه؟ ليه؟

قالت كلمتها الأخيرة ثم عاودتها نوبة البكاء مرة أخرى، فاحتضنتها شهيرة
واغرورقت عيناها بدورها بالبكاء وهى تنظر إلى سمير الصغير بإشفاق، وفى عقلها
دوى نفس السؤال وبقوة:-

من الذى قتل فؤاد؟ من؟

قطع سؤالها رنين هاتف مديحة المحمول، الذى التقطته بصعوبة من جيبتها
وهى تبتعد برفق عن صديقتها وتلقى نظرة على رقم المتصل لتجدده والدها، فاجابته
على الفور قائلة:-

أيوه يا بابا، أنا كويسة الحمد لله.

صمتت قليلاً وهي تستمع إليه، قبل أن تقول بلهجة حادة ممتزجة بحزن دفين:-

أنا مش هقدر أتكلم مع أى حد دلوقتى، أرجوك يا بابا.

صمتت مرة أخرى لثوانٍ قليلة قبل أن تقول:-

حاضر، خلى بالك من نفسك، مع السلامة.

انتهت عبارتها وهي تغلق الهاتف وتضعه في جيبتها مرة أخرى وهي تمسح دموعها

وتلثفت إلى صديقتها وتقول:-

بابا بيقول لى إن ضابط المباحث عايز ياخذ أقوالى بخصوص الجريمة، هي

الناس دى إيه؟

ما بتقدرش اللى الواحد فيه.

- ده شغله ولازم يعمله علشان يوصل للجانى الحقيقى، معلش استحملى

شوية وروحي شوفيه عايز يقولك إيه.

قالت شهيرة عبارتها ولم تنتظر إجابة، فقامت على الفور من مقعدها وهي

تقول:-

أسيبك بقى دلوقتى، وهاجى لك بكرة علشان أتطمئن عليكى، بالحق هي والدة

المرحوم فين؟ عايزه أعزبها.

قادتها مديحة إلى حجرة جانبية امتلأت عن آخرها بالنساء، من مختلف

الأعمار، تتوسطهم امرأة عجوز، قاربت الستين من عمرها، تنم ملامحها عن

حزن عميق، تترقق في عينيها الدموع دون أن تنساب على وجنتها لتدل على قوة

شخصية هذه المرأة ويقينها في المولى عز وجل، اقتربت منها شهيرة لتتابعها أعين

النساء في حسد واضح على هذا القوام المتناسق الذى تتمتع به هذه الفتاة، بينما

مصمبصت بعض النساء شفاهن وهن ينظرن إلى البلوزة مفتوحة الصدر التى

ترتديها شهيرة، والتي تظهر نصف صدرها تقريبًا، وعلى الجيب القصيرة التى ترتديها

والتي تظهر استدارة الساقين وجمالهما، انحنى شهيرة على السيدة العجوز وقالت

بصوت خفيض:-

البقية في حياتك يا طنط، شدى حيلك.
رفعت العجوز عينها إلى الفتاة وقالت بعد عدة ثوانٍ وبلهجة حازمة:-
فؤاد ما ماتش يا بنتى، لسه عايش، ومحدش يعزبنى فيه.
تركت شهيرة كفها وهى تبتعد بخوف، فالتفتت إلى مديحة التى أشارت لها
بالخروج، فتحركت على الفور إلى باب الشقة وهى تنظر إلى صديقتها فى تساؤل،
فقالته مديحة على الفور وبلهجة اعتذار:-
أنا أسفة معدش، حماتى حالتها صعبة أوى، مش مصدقة لغاية دلوقتى إنه
مات، ربنا يصبر قلبها ويصبرنى أنا كمان.
قبلتها مديحة وهى تقول:-
معدى عليكى تانى، سلام.
قالت عبارتها وهى تخرج من هذا الجو الكئيب، وتنطلق إلى عملها، وقد فقدت
جرعة الحماس التى كانت تجرى فى عروقها صباحًا.

عبده البواب

- إنتى إحلويتى وإتدورتى يا بت يا سمر، خراط البنات خرطك صح.
- ربنا يخليك يا دكتور وبارك فيك.
- طب يلا خشى نضفى الأوضة اللى جوه علشان عندنا حفلة فى الدار النهاردة.
- من عيني حاضر.
- بقولك إيه، انتى حبيبتى قبل كده يا بت؟
- لأ يا بيه الحاجات دى عيب عندنا فى البلد، ده كان أبويا يقطعنى.
- ليه؟ دا أحلى حاجة فى الدنيا الحب، يعنى عايزه تقولى لى إن قلبك ما دقش قبل كده؟
- ابتسمت سمر واحمرت وجنتاها خجلاً ولم تنطق، بل ذهبت إلى الغرفة الداخلية كي تقوم بتنظيفها، فلحق بها فؤاد وبينما هى تنحنى لتنظف أحد المقاعد إذا به يحيط وسطها بذراعيه من الخلف ويقبلها من رقبته، مما جعلها تتملص منه بميوعة وهى تقول بصوت خفيض ممحون:-
لأ يا دكتور، أحسن حد يشوفنا.
أعادها إليه مرة أخرى وهو يقول:-
ما تخافيش يا بت، الدنيا أمان، أمك فى البلد، وأبوكى بعته مشوار
مش هيجى منه قبل ساعتين.
- سمر.

انتفضت بين ذراعيه قبل أن تدفعه بعيداً وهي تلتفت إلى مصدر الصوت لتجد أביها أمامها مباشرة، شاءت الأقدار أن يحضر في هذه اللحظة فقالت وهي ترتجف كقط مبلول في ليلة ممطرة:-

أبویا.

نظر إليها أביها شذراً فانطلقت مغادرة المكان في حين قال فؤاد وهو يهتدم ثيابه:-

جبت اللى قلت لك عليه يا عبده؟

أجابه عبده وهو يجز على أسنانه غضباً:-

أيوه يا بيه.

ابتسم فؤاد ابتسامة مرتبكة ثم قال:-

كویس، متشكر جداً يا عبده.

شكر البواب وهو يضع يده في جيبه ويخرج ورقة بخمسة جنميات

ثم يعطيها إليه، وهو يقول:-

خد دول يا عبده.

رد الرجل يده بقوة وهو يقول:-

شكرا يا دكتور، ده شغلى، بس أنا عايز أقول لك حاجة.

ابتسم فؤاد وهو يقول:-

إتفضل يا عبده.

صمت الصعيدي قليلاً وهو يزم شفتيه غاضباً ثم قال:-

إحنا صعبادة يا بيه، لحمنا غالى، واللى يقرب عشان ياكله، هبلاقيه مُرّ علقم،

ولو كله هبلاقيه ركب وهيشرخ فى الزور.

عقد سعيد حاجبيه وهو يقول بخبث:-

إنت بتقول لى الكلام ده ليه يا عبده.

قال عبده وهو يتطلع إليه من رأسه حتى إخمص قدميه بتائف:-

ولا حاجة يا باشا، بس حبيت أعرفك إحنا مين، وأحب أقول لك كمان إن مش
علشان الواحد بيشغل شغلانة بسيطة يبقى ضعيف، سلام يا باشا.

انطلقت ضحكة رقيقة من فم سمروهى تقف مع فؤاد فى بنرسلم العمارة،
كانت الكهرباء قد انقطعت عن المنطقة بأسرها أثناء دخول فؤاد من باب العقار،
فلمح بطرف عينه سمروهى تنزل من على السلم، فجذبها من ذراعها فى نفس
اللحظة التى انقطع فيها التيار عن العمارة، فهمت بإطلاق صرخة فزع، منعها
الدكتور بأن وضع كفه على فمها وهو يهمس فى أذنها قائلاً:-
أنا فؤاد، إهدى يا بت.

قال عبارته ثم ابعد كفه عن شفيتها الرقيقتين قبل أن يلثمها بقبلة سريعة،
فشبهت ثم أغمضت عينها وسبحت فى بحر من الأحلام الوردية، فمال على أذنها
وهمس بأحد النكات الإباحية ففتحت عينها ثم أطلقت ضحكتها الماجنة، فى نفس
اللحظة التى عاد فيها التيار الكهربى مرة أخرى إلى المنطقة، ليبدد الظلام الدامس
ويحيله فى لحظات إلى نهار صحو، ولكن هذا النهار تعكر عندما وجدت أمامها
والدها وهو يتأملها فى صمت، فانسعت عينها عن آخرهما من شدة الفزع، ولطمت
خدها فى نفس اللحظة التى أشار فيها والدها بإصبعه إليها فانطلقت تغادر المكان
وهى تنعى حظها العثر الذى أتى بوالدها فى هذه اللحظة. أما فؤاد فقد ابتسم
ابتسامة متوترة وهو يقول:-

أنا كنت طالع والنور قطع فبنتك خافت وكنت بحاول أهديها و..

قاطعه والدها قائلاً وهو ينظر بغضب عارم فى عينيه:-

خلى بالك يا بيه، العرض عندنا زى الدم بالظبط، بيكون فيه تار، ولازم ناخذ
تارنا بايدينا، وأنا حذرتك قبل كده. عقد فؤاد حاجبيه قائلاً باستنكار:-

تار إيه، وكلام فاضى إيه؟ متحاسب على كلامك يا عبده واعرف إنت بتكلم

مين.

ارتسمت ابتسامة ساخرة على شفتي العجوز ثم قال:-
لا أنا عارف أنا بقول ايه كويس، وعارف كمان أنا بكلم مين، وعندنا يا بيه
الراجل ما بيقولش كلمة غير لما يببقى قدها، سلام يا دكتور.
قال كلماته الحازمة ثم ترك فؤاد واقفاً مكانه، والخوف يثبت أقدامه في قلبه
مع هذا التهديد الصريح من هذا الرجل الذى كان من الواضح أنه لن يترك ثأره
أبداً، إذا ما دعت الأمور إلى ذلك.
- إتفضل ادخل.

انتفض عبده في مكانه وظل يحرق في وجه العسكرى الواقف على باب حجرة
المقدم أشرف
وكانه يراه لأول مرة،، والذى قطع ذكرياته كسكين حاد مربقالب من الزيد،
ولكنه تمالك نفسه ودخل سريعاً إلى الحجرة وهو يرفع كفه بالتحية لسيادة
المقدم الذى رد تحيته بصرامة ثم أشار إليه بالجلوس وهو يقول على الفور:-
إيه اللى تعرفه عن القتل يا عبده؟
مال الرجل على المكتب وهو يقول:-
ما أنا قلت لجنايبك قبل كده يا باشا، إنه كان ابن حلال وكان.. قاطعه أشرف
قائلاً:-

أنا عارف الكلام ده كويس، لكن أنا بسأل عن علاقته واهتماماته، أصحابه،
قرايبه، إيه اللى تعرفه عنهم؟
أجابه العجوز على الفور قائلاً:-
كلهم ولاد حلال يا بيه، ما يتخيروش عن حضرتك. نفث أشرف غضبه من
أسلوب الرجل الملتوى، مع دخان سيجارته التى أشعلها مع دخول البواب إلى
الحجرة، فاعتدل في مقعده ثم نظر إلى دخان سيجارته وقال بهدوء يسبق عاصفة
قوية:-

إسمع يا عبده، أنا أحب لما أسأل حد سؤال يجاوبني على طول، من غير لطف ولا
دوران، يا أبيض يا إسود

اللون الرمادى ما بجمهوش، إخلص وقول لى إيه اللى تعرفه علشان أنا لسه ورايا شغل كثير.

تلثم الرجل وأنفاسه تتردد سريعًا فى صدره ثم قال:-

والله يا بيه هو ده اللى أعرفه، أصل أنا مليش أى كلام مع حد، أنا بشوف شغلى وبس.

التقط أشرف نفسًا عميقًا وهو يحدج عبده بنظرة صارمة قبل أن يقول:-
ماشى يا عبده، إتفضل دلوقتى، ولو إحتجت لك هبعث لك، ما تسافرش ولا

تروح فى أى حتة، طول

ما التحقيقات شغالة، فاهم؟

أوما العجوز برأسه موافقًا لكلام أشرف، ثم هم بمغادرة الحجرة فناده
أشرف قائلاً:-

الضابط أحمد أخذ منك أسماء الكتاب والكاتبات اللى فى الدار؟

أجابه عبده:-

أيوه يا باشا كله تمام.

أشار إليه أشرف بالانصراف بتأفف، فأسرع بمغادرة المكان على الفور، وبينما
هو يغادر المديرية

بأسرها ابتسم ابتسامة ساخرة وفي قرارة نفسه انطلقت زفرة ارتياح اشتاق
لها طويلاً، لقد تحقق

له ما أراد، ولم يعد هناك ما يسمى بالدكتور فؤاد على وجه الأرض.

شوشو شاهين

إسمك وسنك؟

ألقي أشرف صابر بسؤاله بصراحة واضحة على سيدة في العقد الثالث من العمر، لها وجه مستدير، يحمل أنف مستقيم وعينان خضراوتان ساحرتان، وفم صغير بوابته شفتين ممتلئتين شهيتين، يزين رأسها شلال من الشعر الأصفر الناعم، أما القوام فحدث ولا حرج، ترتدى فستان ضيق قصير للغاية، يكشف نصف فخذا، تهتدت بعمق ثم قالت:-

شوشويا بيه، ٣٢ سنة.

نظر إليها أشرف وعيناه تلتهمان صدرها العامر، ثم قال وعلى شفثيه ابتسامة خبيثة:-

إسمك اللي في البطاقة، مش إسم الشهرة.

- شوقية عبد الحميد.

أجابته وهى ترفع حاجبها الأيسر، وتبادلته الابتسامة قبل أن تميل بصدرها على المكتب وتقول بدلع:-

تحت أمرك يا باشا.

تراجع في مقعده وهو يختلس النظر إلى صدرها الممتلئ، ثم قال بلهجة عملية:-

إيه معلوماتك عن الحادث؟

تراجعت بدورها وهي تشعر بالهزيمة من تراجع ضابط المباحث أمام أسلحتها الفتاكة، ثم قالت:-

ولا حاجة يا باشا، سمعت صوت دوشة خارجة من شقة المرحوم الدكتور فؤاد خرجت أشوف في إيه لقيت البواب جايب الحاجات اللي طلبتها منه وجاى لى، وقبل ما أقول له يشوف إيه اللي بيحصل، لقيت المدعوق شاهين جارى خارج يزقق وعامل له غاغة، رجعت على الشقة وبعد شوية لقيت دوشة كبيرة فى العمارة والناس بتقول إن الدكتور فؤاد إتقتل.

زم أشرف شفتيه وقال:-

هو فؤاد كان دكتور؟

أجابته بلهفة قائلة:-

أيوه يا بيه، ده كان دايماً يقول إنه دكتور فى الأدب والحاجات الثقافية دى.

ألقي عليها بسؤال آخر وهو يتأمل ملامحها قائلاً:-

ما روتيتش الشغل ليه فى اليوم ده يا شوقية؟

ابتسمت مرة أخرى وهي تلاعب حاجبها قائلة:-

دى أجازة إجبارية، باخدها خمس ست أيام كل شهر.

عاود سؤالها مرة أخرى بجديّة:-

تعرفى إيه عن الدكتور فؤاد يا شوقية؟

أجابته على الفور قائلة:-

كان راجل جدع، وكله ذوق وحنيه، ولسانه بينقط شهيد، كان فى الطالعة

والنازلة يسلم عليا، لأ وإيه كان ابن حظ كمان يا باشا.

عقد حاجبيه ثم قال:-

يعنى إيه ابن حظ؟

يعنى كان كل حين ومين، كنت بسمعه بيدندن بأغانى شعبية من بتاعتنا، فى

الحمام يا باشا.

ابتسم أشرف على الرغم منه ثم قال:-
يعنى أفهم من كده إن علاقتك بالقتيل كانت علاقة سطحية.
تكلمت بهدوء مباغت قائلة:-

والله يا بيه مش سطحية أوى، فى مرة من المرات كلمنى على السلم، يومها النور كان قاطع وقابلنى على السلم وقال لى وقتها إنه نفسه ينشر لى كتاب أحكى فيه قصة حياتى. طرت من الفرحة أول ما قال لى كده واتفقنا على إنى أبقى أجي له فى المكتب وأمليه وهو يكتب، حاكم أنا لا يعرف أقرا ولا اكتب، وقال لى أول ما الكتاب يخلص أحضر عشر تلاف جنية تكلفة الكتاب، روحت له مرتين بالليل، بعد ميعاد قفل الدار، وبدأت أحكى له وهو يكتب والدنيا كانت زى الفل، بعد القعدة الأولى قال لى هاتى معاكى الفلوس المرة الجاية و.....

قاطعها أشرف قائلًا:-

وجبى له الفلوس؟

أجابته قائلة:-

طبعًا يا بيه جبتهم له فى المرة اللى بعدها، لكن عزرائيل إتدخل وخده قبل ما الرواية تكمل.

ابتسم لتعليقها ثم قال:-

طب إتفضلى يا شوقية، ممكن أستدعيكى تانى لو احتجت لك، بس الأول هتنزلى مع الأمين صبرى علشان تقولى كلامك ده فى محضر رسمى.

قامت من مكانها بدلال وهى تقول:-

تحت أمرك يا باشا فى أى وقت.

قالتها وهى تستدير ببطء مغادرة مكتب ضابط المباحث الذى تعلقت عيناه بأردافها المستديرة قبل أن يتهدد ويحدث نفسه قائلًا:-

الله يرحمك يا دكتور فؤاد.

إيه الأخبار يا أحمد، في جديد؟

نطق أشرف بهذه العبارة وهو يتطلع إلى زميله النقيب أحمد حسين الذي دلف إلى الحجرة، فهز أحمد رأسه نفيًا وهو يقول:-

مع الأسف يا فندم مفيش جديد، لكن إحنا استدعينا جار القتيل علشان التحقيق وهو في طريقه لهننا دلوقتي.

تراجع أشرف في مقعده وقال:-

الأستاذ شاهين.

وقبل أن يجيبه زميله، ارتفع صوت طرقات قوية على الباب، أعقبها دخول أحد العساكر وهو يقول باحترام:-

في واحد عايز حضرتك اسمه الأستاذ شاهين يا فندم.

- خليه يدخل على طول.

ألقى أشرف أوامره للعسكري ثم اختلس النظر إلى أحمد الذي تعلق عيناه بالباب الخشبي الكبير، الذي فتح على الفور ودخل منه رجل وقور في العقد الخامس من العمر، أصلع الرأس تمامًا يرتدى حلة كاملة على الرغم من ارتفاع درجات الحرارة في هذه الأونة من العام، ابتسم ابتسامة باهته حاول بها إخفاء توتره وهو يقول:-

صباح الخير يا فندم.

رد أشرف تحيته قائلاً:-

صباح النور يا أستاذ شاهين، إتفضل.

جلس الرجل على المقعد المواجه لمكتب الضابط وهو يفرك يديه ويختلس النظرات إلى النقيب أحمد الذي جلس أمامه مباشرة، تعمد أشرف الصمت لثوانٍ ليزيد من تأثيره على شاهين، وعندما وجد أن الرجل لم يعد يحتمل بادره قائلاً:-

أستاذ شاهين، إيه معلوماتك عن الحادث؟ وإيه اللي تعرفه عن الدكتور

فؤاد؟

ابتلع الرجل ريقه بصعوبة قبل أن يقول مندفعاً وكأنه يلقي عن كتفيه بحمل ثقيل:-

دكتور فؤاد كان راجل محترم وكل الناس بتحبه، لكن كان ليه شطحات كده غريبة شوية، ويوم الحادثة سمعت صوت دوشه كبيرة أوى وصوت كاسيت عالي جداً خارج من شقة المرحوم، ناديت على عبده البواب، وقلت له يروح يشوف في إيه وبصراحة انفعلت جداً لأنى ما بحبش الصوت العالي، لقبته بيكلم الست شوقية الرقاصه اللى كانت سبب اللعنة اللى نزلت على العمارة من يوم ما جت سكنت فيها، طلع عبده ونزل بسرعة، وشه مخطوف وبيرتفش وقعد على السلم وهو بيقول إن فؤاد إتقتل.

شعر أشرف بخيبة أمل فى كلام شاهين، والذى كان يأمل أن يجد فيه ثغرة يستطيع من خلالها حل لغز القتل، حيث أنه جاء مطابقاً لنفس كلام شوقية، ولكنه عقد حاجبيه فجأة وقال:-

يعنى إيه كان له شطحات غريبة؟

ابتسم شاهين بخجل وقال:-

يعنى كنت فجأة بسمعه بيغنى فى الحمام.

لوح أحمد بكفه بعدم اهتمام وقال:-

طب وفيها ايه، أنا ساعات بغنى فى الحمام وانا بستحى، عادى يعنى.

قال شاهين على الفور:-

لا يافندم مش عادى، الشقة بتاعى شباك المطبخ بتاعى يبطل على شباك حمام المرحوم، فكنت أغلب الوقت بسمعه وهو فى الحمام سواء كان بيستحى أو فى الحمام بيقضى حاجته، كان بيغنى أغانى كلها دلح وخلاعة زى مثلا (.....) والحمد لله إنى عايش لوحدى وإلا كانت بقت مصيبة، وفى أوقات تانية كنت بسمع كلامه لما يببقى فى حفلة عنده فى الدار، كلام متزن وراسى، بس كان دايماً يحب يشكر فى نفسه أوى.

ردد أشرف كلام شاهين وهو يتبادل النظرات مع أحمد، وفجأة أطلق ضحكة عالية ساخرة استمرت لنصف دقيقة كاملة حتى أن عينه دمعت بشدة قبل أن يتناول منديلا من علبة المناديل الموضوعة على مكتبه، ويمسح به عينيه ثم يقول وهو يغالب ضحكاته:-

إنت بتشتغل إيه يا أستاذ شاهين؟

ابتسم الرجل على الرغم منه وقال:-

مدير حسابات شركة للأمل للاستيراد والتصدير.

استند أحمد بمرفقيه على المكتب وقال وهو ينظر في عيني شاهين مباشرة:-

متشكرين جداً يا أستاذ شاهين، هنتزل مع النقيب أحمد لغاية تحت علقشان تقول كلامك ده كله في محضر رسمي، ولو افكرت أى حاجة تانى يا ريت تقولها لنا، إتفضل.

لم يعد هناك ما يقال بعد كلمات أشرف الحاسمة، فقام شاهين من مكانه ثم ألقى السلام على الحضور، وغادر الحجره يتبعه أحمد الذى ناداه رئيسه قائلاً:-

خلص مع الأستاذ شاهين وتعالى لى تانى يا أحمد.

مرت نصف ساعة على رحيل الرجل، ورجع أحمد مرة أخرى إلى الحجره فبادره أشرف قائلاً:-

إيه رأيك فى كلام الراجل ده.

أجابه أحمد على الفور:-

صاديق وما بيكدبش.

عقد أشرف حاجبيه وقال:-

فعلاً عندك حق، بس ده برضه ما يخرجهبوش من دايرة الشبهات.

جلس أحمد على المقعد المقابل لأشرف وقال:-

إيه اللى بيدور فى دماغك بالظبط؟

نظر إليه أشرف لثوانٍ قليلة ثم قال:-

الى بيدور في دماغى إن كل الناس الى كانوا قريبين من القتييل محل شبهه حتى مراته نفسها.

ابتسم أحمد بسخرية وقال:-

افهم من كده إنك هتستجوب كل اللي يعرفوه؟

بادله أشرف الابتسامة وقال بهدوء:-

طبعًا، ولو حكمت هستجوب الحى بتاعه كله، بص يا أحمد القضية دى فيها نقطة غامضة، ولازم هوصل لها، الأول هات لى أسماء الكتاب والكاتبات اللي قالهم لك عبده البواب، وبعد كده مهمتك تجيهم لى يا بطل علشان نحقق معاهم واحد واحد كده ونعرف حكايتهم ايه، وأولهم طبعًا الثلاثة اللي قال عليهم عبده إنهم اتخانقوا مع القتييل قبل الوفاة، صدقنى يا أحمد كلمة سر القضية دى كلها مع الثلاثة دول، يلا ربنا معاك.

- حاضر يا فندم.

قال أحمد عبارته وهو يغادر مكتب رئيسه لتنفيذ أوامره، بينما ضغط أشرف على زر الاستدعاء الموضوع على مكتبه، فاستجاب له العسكرى الرابض على باب المكتب، فتح الباب على الفور وهو يودى التحية العسكرية باحترام قائلاً:-

تحت أمرك يا فندم.

-هات لى قهوة سادة يا ابنى.

-تحت أمرك يا فندم.

ذهب العسكرى لإحضار القهوة، بينما استرجع أشرف حديث شاهين حتى وصل إلى الاغانى التى كان يرددھا فؤاد فوجد نفسه يردد كلماتھا، ثم وجد نفسه يضحك على الرغم منه وهو يقول:-

دا إنت طلعت حكاية يا دكتور فؤاد.

ثم عاود ضحكاته مرة أخرى، وبملاء فيه.

شهيرة فكرى

- مش هنتجوز بقى، زى ما اتفقنا؟
- أكيد طبعا يا حبيبتي.
- الداروبقت زى الفل، وإسمك بقى زى الطبل
- فى كل حته، وكل يوم والتانى بتمضى عقد واتنين
- وكل المكتبات بقت عارفك وبتطلب شغلك بالإسم.
- خمسة وخميسة، إحنا هنقرولا إيه؟
- أنا هحسدك برضويا حبيبى، دا أنا نفسى أشوفك أحسن واحد فى الدنيا.
- أنا عارف يا حبيبتي، بس إنتى عارفة إنى لازم أظبط الدنيا شوية مع مراتى
- علشان ما تحسش بحاجة.
- عارفه، وصابره لغاية ما نشوف آخرتها إيه.
- آخرتها فل إن شاء الله، إنتى بس ظبطى لنا الخبر بتاع الحفلة دى واعملى له
- تغطية كويسة، وأشوفه فى جورنال بكرة، والدنيا هتبقى قشطة.
- كل ده علشان خاطر البننت المفعوصة، اللى فاكرة نفسها بتعرف تكتب، وهى
- بومة.
- بومة!! لأ مالكيش حق، دى هيكون لهما مستقبل رائع فى عالم الأدب. وقلة
- الأدب.
- إحترم نفسك، إنت بتعاكسها قدامى كمان.

- لاعشت ولا كنت، دى تيجى فيكى إيه يا مزة
السنين.

- ماشى يا فؤاد، بس خلى بالك، لو غدرت بيا هدمرك.

- ما أقدرش على كده ومقام السيدة.

- أنا حذرتك، وقد أعذر من أندر.

مر هذا الحوار بعقل شهيرة كالبرق وهى فى طريقها
إلى المديرية، لأخذ أقوالها فى الحادثة

بعد أن استدعاها المقدم أشرف لسماع معلوماتها عن الحادث، دار هذا
الحديث بينها وبين فؤاد فى مقر الدار، يومها قامت بعمل تغطية شاملة للحفل
على أكمل وجه ويومها أيضاً لم تفارق عينها وجه حبيبها الذى انهمك فى إدارة
اللقاء بحنكة ومهارة أظهر فيها مهارته اللغوية واستعرض فيها قدرته على السرد،
وتعمده إظهار مجهوده الجبار فى إخراج هذا العمل إلى النور، و....
- إتفضلى.

قطع صوت عسكري الخدمة الواقف أمام حجرة مكتب المقدم أشرف حبل
ذكرياتها، فابتلعت ريقها ثم دلفت من الباب الكبير وقلبيها يرتجف وكأنها تعبر باباً
من أبواب الجحيم .

- إيه معلوماتك عن الحادث؟ وإيه علاقتك بالقتيل؟

ألقي أشرف بسؤاله المعتاد على شهيرة وهو يتأمل كل سنتيمتر فى وجهها، كانت
خائفة مضطربة، تلهث أنفاسها، كمن باتت تعدو فى قلب صحراء قاحلة طوال
عمرها، ولكنها على الرغم من ذلك تماسكت

وسيطرت على أعصابها بقوة تحسد عليها، فالتقطت نفساً عميقاً، ثم قالت:-

كنت عنده فى الدار من حوالى أسبوع علشان كان لازم أعمل تحقيق صحفى
عن حفل توقيع كتاب جديد، لكاتبة من الكاتبات الجدد، كان يوم جميل وتم على
خير، والكل كان مبسوط، بعد كده قابلته مرة

تانية في الدار من حوالى تلت أيام علشان آخد رأييه في الخبر، وبعد كده فوجئت بخبر وفاته زى كل الناس.

- كانت إيه علاقتك بالقتيل؟

- علاقة ود واحترام من حوالى سنتين ونص، في ندوة من الندوات الثقافية اللى كنت بعمل لها تغطية إعلامية، ولقيته بيتكلم بثقة وجراءة، ما كانش بيهمه حد، وقدر يحوز إعجاب الناس كلها في آخر الندوة، بعد كده اتعرفنا على بعض، وفضلنا على اتصال ببعض لغاية ما اتقتل الله يرحمه، كان أخ وزميل وصديق و..
- وحييب.

- إيه، حيب؟

- أيوه حيب، إنتى كنتى بتحى فؤاد، صح؟

- حضرتك جبت الكلام ده منين؟

- من دماغى، ومن خبرة أكثر من عشرين سنين في المباحث، وفي التعامل مع كل أنواع الستات، اللى بتحب واللى مشها شمال، واللى بتتمايص، وغيرها وغيرها ما شكل ولون، وإنتى يا أستاذة شهيرة

من النوع الأول، النوع اللى بيحب، ولوركزنا شوية في كلامك ممكن نقول إن المرحوم وعدك بالجواز قبل ما يتقتل، كلامى صح ولا غلط؟

ابتلعت ريقها الذى أصبح كالحجر الصوان من كلام الضابط المباشر والذى لم تستطع أن تراوغه فقالت على الفور:-

- صح يافندم، بس ده كان هيبقى في السرفطرة محدودة علشان مراته ما تعرفش، لغاية ما يجيب لها الموضوع بالتدرج.

- كنتى فين وقت وقوع الحادث؟ يعنى من الساعة ٩ ونص لغاية الساعة

١٠ ونص؟

- كنت في البيت، اتعشيت مع والدى، وبعد كده نمت على طول علشان كان

عندى شغل بدرى فى الجورنال.

- طب اتفضلى دلوقتى يا أستاذة، ولو فى أى حاجة افتكرتها ممكن تفيد القضية، ياريت تتصلى بى، وانتي خارجة خدى نمرتى من النقيب أحمد بعد ماتقولى له كل اللى قلمتولى دلوقتى فى محضر رسمى.

غادرت مكتب أشرف ومنه إلى أحمد ثم إلى سيارتها، كان سؤال أشرف لها مباغتا لأقصى درجة، لقد كشف سرها من أول وهلة، سرها الذى أخفته حتى عن والدها أقرب الناس إليها، وبئر أسرارها، ولكنها بهذا لم تكن تدرى بأنها قد فتحت على نفسها أبواب جهنم على مصراعها.

- شبيبة من أوائل المشتبه فيهم يا أحمد.

هز أحمد رأسه وهو يجلس على مقعد قريب من أشرف الذى أكمل كلامه قائلاً:-

صدقنى، الحب مش كله أحاسيس وسهوكة، والست لو حست إن الراجل بيلعب بيها، هتلاعبه هى، بس بطريقتها.

قال عبارته وهو يمرر سبابته على عنقه بإشارة تدل على القتل، فابتسم أحمد وقال وهو يخرج ورقة مطوية من جيبه ويعطيها لأشرف وهو يقول:-

ده التقرير اللى حضرتك طلبته عن حياة القتيل، الظاهر والباطن كمان، كله مفاجآت.

التقط أشرف الورقة بلهفة وقال:-

وقاعد ساكت من الصبح.

جرت عيناه على الأسطر العديدة الموجودة بالورقة، حتى توقف عند جزئية معينة، فانسعت عيناه عن آخرهما، وهو ينظر إلى زميله ويقول:-

إنت متأكد من الكلام ده يا أحمد؟

ابتسم أحمد بسخرية وقال:-

عيب يا باشا دا إحنا تلاميذك.

أطلق أشرف ضحكة عالية ساخرة، قبل أن يقول:-

دبلوم صنايع، يعنى لا هو دكتور ولا حاجة، وقدريضحك على الناس دى كلها

ويسيطر عليهم، طول السنين اللى فاتوا، طب جاب لقب دكتور ده منين؟

ثم بدأ فى قراءة التقرير من جديد ومع كل نقطة يقرأها كانت تظهر له حقائق

جديدة عن شخصية القرن، وكل قرن.

مدیحة

- یا نهار أبيض، كل دی فلوس، الله ده موضوع النشر ده طلع بيكسب يا أحمد.
استمع أحمد إلى عبارة أشرف ثم قلب كفيه وقال:-
والله مش عارف أقول لك إيه يا باشا، الراجل ده كانت الدنيا مزهزه معاها،
بس فى الآخر كل ده هيروح لمراته وابنه.

- فاضل مين فى قائمة التحقيقات؟

أجاب أحمد سؤال رئيسه على الفور وكأنه كان ينتظر هذا السؤال:-
لسه فاضل زوجته، وأمه، وشوية الكتاب والكاتبات اللى عنده اللى عددهم
خمسين كاتب وكاتبة ما بين مصريين وعرب، وأصحاب دور النشر أصدقاؤه.
ساد الصمت المكان لنصف دقيقة كاملة، لم يسمع خلالها إلا صوت مروحة
السقف الكبيرة التى تبدد حرارة الحجرة رويداً رويداً، أشار أشرف إلى زميله
وقال:-

خمسين كاتب وكاتبة! وكمان فى عرب، يا نهار أبيض، طب دول هنجيهم منين؟
وازاي كل دول أخذ منهم فلوس؟
أجابه أحمد قائلاً:-

بالنسبة للعرب ممكن نعمل لهم استدعاء رسى عن طريق سفارتهم يافندم.
لوح أشرف بذراعه فى ضجر ثم قال:-

لأطبعًا مش هنعمل كده، مش ناقصة تعقيدات سياسية يا عم أحمد، وبعدين الناس دي ممكن يكون كان صادق معاهم فعلاً وعمل لهم الكتب بتاعتهم، وبعثها لهم، الناس دي ما يهمهاش الفلوس خالص، وممكن تراضيهم بأى حاجة. طب مين أقرب ناس ليه في الخمسين دول غير العرب؟

أجابه أحمد وهو يلتقط ورقة صغيرة من جيبه ويقرأ ما بها:-
عشر كتاب وتسع كاتبات.

صمت أشرف مرة أخرى ثم عقد حاجبيه مفكرًا وقال:-

مين أقربهم للقتيل أوى؟ يعنى زى ما بيقولوا واكين عيش وملح مع بعض.

- فهمتك يا باشا، من الكتاب، الثلاثة اللي قال لك عليهم عبده البواب يوم الحادثة كامل محمد، عمر حسين، ونيس فضل، وواحد تانى إسمه مدحت هانى، وشهرته مدحت دبله.

ذكر أحمد اسم مدحت وهو يبتسم ابتسامة ذات مغزى وهو يغمز بعينه اليسرى لأشرف الذى ابتسم بدوره وقال:-

أه، أهلاً... أهوده اللي كان ناقص، ربنا يعدى القضية دي على خير، كمل باقى الأسماء.

أكمل أحمد قائلاً:-

أما البنات فإثنين بس، نجوى طارق، رانيا عامر، بس نجوى دي سابت البلد وهاجرت لاستراليا عند اخوها، من سنة تقريبًا.

قام أشرف من مكانه وأخذ يدور فى الحجرة وهو يقول:-

مفيش مشاكل من نجوى دي، إحنا مش هنلف الدنيا ورا كل واحد، لكن رانيا عامر، أنا حاسس إنى سمعت الإسم ده قبل كده، مش مشكلة دلوقتى، فى حاجة تانية مهمة جدًا، الثلاثة اللي إتكلم عنهم عبده، وقال إنهم إتخانقوا مع القتيل قبل الوفاة بيومين ازاي نسيتهم، دول أكيد مفتاح اللغز معاهم، بص إبعث استدعاء رسمى للتلاتة، أو أقول لك روح بنفسك هاتهم إنت وخالد وطارق، قسموا نفسكم

لتلت مجموعات وهاتوهم مع بعض، عقبال ما أحقق مع زوجة القتيل وباقى
الكتاب القريبين من القتيل، وبعدين ربنا يعينى على بقيتهم.
قبل أن ينطلق أحمد لينفذ أوامر رئيسه المباشر، ارتفعت صوت طرقات
قوية على باب الحجرة فأدار أشرف وجهه ناحيته وقال بحزم:-
ادخل.

أطاعه الطارق على الفور ودخل إلى الحجرة، كان أحد الضباط الذى أدى
التحية العسكرية باحترام ثم قال:-

تقرير المعمل الجنائى يافندم.

التقط أشرف التقرير من الضابط ولم ينتبه إليه وهو يؤدى التحية مرة أخرى
ويغادر الحجرة، كانت عينا أحمد تتابعان ملامح أشرف بانتباه شديد محاولاً سبر
أغواره لمعرفة نتيجة التقرير الجنائى النهائى والذى سيجيب عن الكثير من الأسئلة
الغامضة فى هذه القضية، ولكن ملامح أشرف ظلت جامدة وكأنه تمثال من
الشمع، مما دفع أحمد إلى أن يسأله:-

إيه الأخبار يافندم؟ فى جديد؟

أدار أشرف وجهه إليه وقال:-

مفاجأة..... مفاجأة يا أحمد.

ولم يعد هناك ما يقال.

- عارفه نفسى فى إيه؟

- إيه؟ قول يا حبيى.

- نفسى أبقى أغنى راجل فى الدنيا دى كلها، وأجيب لك

كل اللى نفسك فيه إنتى وابتنا.

- ربنا يخليك ليا وما يجرمنى منك ولا من حنيتك عليا.

- عايز ألبسك حرير فى حرير، وأنيمك على ريش نعام، بس العين بصيرة والإيد

قصيرة.

- معلش يا حبيبي، بكرة تعمل كل اللي نفسك فيه.
- منين بس، دا حتى شقة الجواز ما عرفتش أجيبها، ولولا إن والدك ربنا يخليه لنا عرض على إني أعيش معاكم في البيت، واداني الشقة دي. كان زمانى لا يص ومش عارف ألاقي أربع حيطان تلمنى أنا وانتى والولد.
- ما تقولش كده يا حبيبي، إنت عارف بابا بيحبك قد إيه، وبعدين ده حقى في ورث أمى، ما تفكرش في الحاجات الصغيرة دي، وخلي بالك إنت بس من نفسك.
- صباح الخيريا مدام مديحة.
- قطع صوت المقدم أشرف ذكريات مديحة مع زوجها فؤاد فالتفتت إليه وعيناها تسبحان في بحر من الدموع التي خانتها إحداها وسالت بصمت وهدوء على وجنتها الرقيقتين.
- صباح الخير.
- ردت تحية أشرف بصوت حزين خفيض، فخفض عينيه بجرح ثم قال
مواسيًا:-
البقاء لله، شدى حيلك.
أجابته وهى تمسح دموعها:-
ونعم بالله.
- أنا مقدر اللي إنتى فيه، بس إنتى عارفه أنا لازم أخلص شغلى علشان أقدر أجيب لك حقك، وحق فؤاد الله يرحمه، علشان كده عايزك تتعاونى وتركزى معايا ولو تعرفى أى حاجة ممكن تفيد القضية يا ريت تقولها لى على طول.
- أنا تحت أمرك.
- فى الفترة الأخيرة لاحظتى أى تغيير على شخصية المرحوم.
- كان متوتر شوية، وأنا قلت إن ده بسبب ضغط الشغل، لكن فى يوم من

الأيام وبالتحديد قبل الوفاة بثلاثة أيام، كان نايم ولقيته ويقول والله لا أوريهم،

عازين يضيعوني ويضيعوا شقى عمرى.

- تتوقى كان يقصد مين بالكلام ده؟

- هو فى غيرهم، أصحابه الثلاثة. كامل، وعمر، وونيس.

- وحضرتك عرفتى منين إنه كان يقصد الثلاثة دول بالذات؟

- لأنهم فى الفترة الأخيرة طلوعوا كلام مش صحيح على الداروان فؤاد بيقول

لهم كلام ويبعمل عكسه، زى عدد الطبقات اللى كان بيطلعها أقل من اللى بيقول

لهم عليه، وانه ما بيديه مش حقوقهم وحسابات مبيعاتهم، ده غير إنه قال عليهم

كلام مش كويس.

- كلام مش كويس زى إيه؟

- يعنى إنهم ما بيعرفوش يكتبوا، وإن هو كان له الفضل الأول فى إنه خلاهم

كتاب، وإن أى فكرة من أفكار رواياتهم كان هو صاحبها وهم كانوا بياخدوها

ويشتغلوا عليها وتبقى بتاعتهم.

- طب وهو ده كلام مش كويس؟

- مش عارفه والله، بس اللى أنا شايفاه إنه كان له فضل على كل واحد دخل

الدار من الألف للياء.

- طب تهى مين بقتل جوزك؟

- الثلاثة اللى قلت لحضرتك عليهم.

- قبل ما حضرتك تيجى أنا أصدرت أمر باستجواب الثلاثة دول، وزميلي فى

طريقه لهم مع مجموعة من الضباط، لكن قبل ما يمشى وصل تقرير المعمل

الجناى اللى كشف لنا عن حاجات كتير أوى فى القضية، وغير مسارها تمامًا.

- خير يافندم.

- التقرير يقول إن القتل تعرض لعدة طعنات في الصدر والبطن، لكن مش دى اللى اتسببت فى الوفاة، الوفاة حصلت نتيجة قطع للعضو الذكري من منبته، ده غير إن ضوافر المرحوم كان فيها آثار لبقايا جلد بشرى حريمى، وده معناه وبنسبة تسعة وتسعين فى المية إن اللى ارتكبت الجريمة ست مش راجل، ده غير إن كان فى سائل منوى على جسم القتل وعلى الأرض، وده بيزود النسبة اللى قلت لحضرتك عليها لنص فى المية كمان علشان يؤكد إن القتل كان بيمارس الجنس مع الست اللى قتلتها، لكن دوافع القتل إيه هو ده اللى هتبينه لنا باقى التحقيقات.

- ست!! مش ممكن!!! أكيد التقرير ده فيه حاجة غلط.

- تعرفى إيه عن الذمة المالية لجوزك، ويا ترى تعرفى إنه لا كان دكتور ولا حاجة، وكل اللى معاه دبلوم صنایع، وإنه اتجوزك ببطاقة مزورة، لإن بطاقته مش مكتوب فيها إنه دكتور.

كانت الحقائق تتوالى على رأس مديحة كالمصاعقة تلو الأخرى، فوضعت راحتها على رأسها ثم قالت وهى تحرك رأسها ذاهلة:-

مش ممكن، مش معقول، أكيد فى حاجة غلط.

- مدام مديحة البقاء لله مرة ثانية، أنا كل اللى هقدر أعمله دلوقتى إنى هصدراًم بالإفراج عن الجنة من المشرحة علشان تدفنوها بمعرفتكم، ولو احتجنا حضرتك هنكلمك علشان نكمل التحقيق، إتفضلى.

قامت من مكانها وهى تترنج كالذبيحة بعد أن حطمت كلمات أشرف سنين عمرها التى عاشتها هانئة مرتاحة البال مع زوج تعشقه عشق الجنون، لم يعرفها أشرف أدنى اهتمام وهى تغادر مكتبه، بل أمسك بهاتفه المحمول وطلب رقم أحمد ليظمن على ما وصل إليه، وهل استطاع إحضار كامل محمد أحد المشتبه بهم، استمع إلى رنين الهاتف لفترة طويلة قبل أن يقوم أحمد بالرد عليه قائلاً:-

أيوه يافندم، إحنأ فى الطرىق لىبىته، وفى قوه بقاءة النقىب آالء علشان
آجبب عمر آسبن؁ والنقىب طارق مع القوه الآالله لىبب ونىس.

- ربنا بوفقكم؁ أنا فى انآظاركم.

- آمام بافندم.

أنهى أشرف الاآصال ثم أمسك بورقه وقلم؁ وبءأ بآآب علها آآآه فى

المرآله

القاهمة؁ والآى سآكون الآاسمة.

كامل محمد

- أستاذ كامل محمد.

أوماً رجل في العقد الرابع من العمر برأسه موافقاً وهو يتلع ريقه بصعوبة، كان متوسط الطول، وسيم، بدين، يرتدى بنطلون أسود وقميص أبيض اللون، فابتسم ضابط المباحث بهدوء محاولاً التخفيف على الرجل ثم قال:-

عايزينك في كلمتين في المديرية.

نظر إليه الرجل ثم قال متسائلاً:-

المديرية !! بخصوص إيه يافندم؟

أجابه أحمد وهو يتفرس في ملامحه:-

بخصوص جريمة قتل الدكتور فؤاد.

- دكتور فؤاد مين؟

ألقي كامل سؤاله بحذر، وفرائصه ترتجف خوفاً ورهبة، ولكن ضابط المباحث دفعه برفق إلى داخل الشقة وهو يجيبه قائلاً:-

مش عارف الدكتور فؤاد ولا إيه؟ فؤاد اللي اتعاقدت معاه على نشر كتابك،

إيه ما تعرفش إنه إتقتل ولا إيه؟

ساد الصمت المكان بعد كلمات أحمد الفاصلة، ولقد قرر طرق الحديد وهو

ساخن فتابع قائلاً:-

اتفضل معانا لو سمحت.

- طب خمس دقائق غير هدمى واجى معاكم.

أشار إليه أحمد موافقًا، فتحرك إلى غرفة نومه، وغاب هناك لخمس دقائق، تبعها بأخرى، مما جعل ضابط المباحث يشعر بالقلق، فأشار لمراقبيه باقتحام الحجرة التي لم يعثروا فيها على المدعو كامل محمد، كل ما وجدوه هو شبك الحجرة الكبير المفتوح على مصراعيه، نظر أحمد من الشباك إلى الشارع الواسع الخالي تمامًا من المارة، عاود النظر يمينًا ويسارًا وإلى أعلى فلم يجد هدفه، فاندفع مرة أخرى إلى خارج الحجرة ثم إلى الشارع هو ومرافقيه، وماهى إلا ثوانٍ قليلة حتى تحركت ضلفة الدولاب الكبير في غرفة النوم، ليخرج منها كامل وهو تلتفت حول نفسه، قبل أن يخرج هاتفه المحمول ويطلب رقمًا ما بيد مرتجفه، ثم انتظر قليلًا ليقول بعدها:-

أيوه يا ونيس، البوليس كان عندى من شوية، وكانوا عايزين ياخدونى معاهم، لكن أنا طلعت أنصح منهم واستخببت فى الدولاب، حاول تهرب إنت وعمر، أنا خايف أوى.

استمع إلى كلمات ونيس القليلة، قبل أن يقول وهو يتحرك بعصبية فى المكان:-
لأ طبعًا، مش هعمل كده، مش هسلم نفسى يا ونيس، إحنا كنا مع بعض، وعملنا كل حاجة مع بعض، إيه عايزين تخلعوا دلوقتى، لا يا بابا مش كامل اللى يروح فى الرجلين ويتاكل أونطة، ألو... ألو.... ونيس، رد على .. ألو..

- مش هيرد عليك.

التفت كامل إلى مصدر الصوت خائفًا ليجد أمامه الضابط أحمد يبتسم ساخرًا وهو يعقد ذراعيه أمام صدره، وحوله اثنان من رجال المباحث، ترك الهاتف ليسقط أرضًا فى نفس الوقت الذى أكمل الضابط حديثه ساخرًا:-
مش هيرد عليك علشان هو كمان فى طريقه للمديرية هو وعمر حسين، اتفضل معنا.

ولم يعد هناك ما يقال.

- ليه حاولت تهرب؟

ألقى أشرف صابر سؤاله على كامل الواقف أمامه بجوار صديقيه، فتكلم

ونيس مجيباً:-

كان خايف يافندم، هو أعصابه بتتعب لما بييشوف حكومة وبيتصرف تصرفات

غريبة.

التفت إليه أشرف وقال غاضباً:-

أنا أذنت لك بالكلام، إسكت خالص.

ابتلع ونيس لسانه مرغماً، في نفس اللحظة التي عاود فيها أشرف النظر مرة

أخرى إلى كامل وقال:-

بتستخى في الدولار، هوده اللي قدرت عليه، طب لما تحب تستخى إبقى

استخى في مكان محدش يشوفك فيه، مش الدولار، لأ وكم ان رجل بنطونك

خارجة منه.

طأطأ الرجل رأسه لأسفل خجلاً ولم ينطق بحرف، فتابع أشرف موجهاً حديثه

لأحمد:-

خدمهم دلوقتي يا أحمد، هحقق معاهم لما آجى من جنازة فؤاد.

- هت حضر الجنازة يافندم؟

- لازم يا أحمد، عايز اشوف ردود أفعال كل الناس اللي هتمشى وراه وهدفنه.

غادر أشرف مبنى المديرية ليلقى نظرة الوداع على فؤاد، لعله يصل لطرف

الخيط الذي سيكشف من خلاله القاتل الذي أطار النوم من عينيه طوال

اليومين الماضيين، وسبب له إرهاقاً بدنياً وجسدياً لم يتعرض لهما منذ سنوات

عديدة، وهو يكره أن يكون على هذه الحالة أبداً، ولن يظل عليهما مهما كان الثمن.

الجنّازة

صلاة الجنّازة أربع تكبيرات، على من حضر من أموات المسلمين، بعد التكبيرة الأولى نقرأ الفاتحة، وبعد الثانية.....

ردد مكبر الصوت في مسجد السيدة عائشة صوت الإمام الذي بدأ في صلاته على المتوفى وأطال في الدعاء بعد الصلاة لعل الله يرحم من مات، ولمع فلاش الكاميرات العديدة في أعين المصلين، الذين امتلأ بهم المسجد عن آخره، والتي قرر أصحابها من الصحفيين تغطية هذا الحدث المهيّب، والذي يعد الأول من نوعه في الوسط الأدبي، مقتل صاحب أحد أصحاب دور النشر، وفي الخارج اصطفت أعداد غفيرة من الكتاب والنقاد وأصحاب دور النشر الأخرى من رجال ونساء بالإضافة إلى أهل المتوفى، استمر الصحفيون في عملهم حتى تم وضع الجثمان داخل إحدى السيارات الخاصة بنقل الموتى، ثم انصرفوا بعد ذلك ليكملوا تحقيقهم الصحفي الذي سيكون على رأس الأخبار المسائية، ومع انصرافهم انصرف المشيعين، وكأن حضورهم كان من أجل الظهور بوجه مشرف وواجهة اجتماعية متميزة، ولم يظل مع جثمان فؤاد غير أهله وسائق السيارة واثنين من زملاء السائق، وشهيرة فكرى، بالإضافة لرجل غريب لم يتعرف عليه أحد.

وصلت الجنّازة إلى المقابر وتم إنزال فؤاد إلى مثواه الأخير، فتقدم الرجل الغريب إلى زوجته وقال أسفًا:-

البقاء لله.

غمغمت بحزن:-

سعيكم مشكور.

تلعنم الرجل وهو يقول:-

أنا شكري الإمامي، المرحوم كان مستلف منى ١٠٠ ألف جنية قبل ما يموت،
علشان يعمل المكتبة الأخيرة بتاعته، وطبعاً حضرتك عارفه إن الميت بيفضل
متعلق بالدين بتاعه من غير دخول الجنة لغاية ما حد يسدده عنه، ربنا يرحمه،
أنا عارف إن الوقت مش مناسب، لكن أنا محتاج الفلوس بتاعتي لإني ورايا
التزامات وشغل كثير.

رفعت مديحة عينها إليه وقالت بثبات وهي تشير إلى قبر زوجها:-

أهو عندك، روح خدهم منه.

حدَّق الرجل فيها وهو يضرب كفًّا بكف ويقول:-

أخدهم من مين، يا ست بقول لك كان مستلف منى ١٠٠ ألف جنية وأنا
عايزهم.

ردت بصوت خشن يتنافى تمامًا مع صوتها الأصلي:-

وأنا بقولك روح خدهم منه، مفيش عندي كلام تانى.

تركها الرجل وهو يرفع يديه بالدعاء على المتوفي ويقول بصوت جهورى:-

حسبنا الله ونعم الوكيل، ربنا يجحمه مطرح ما راح، ربنا ينتقم منه، كان ابن
كلب حرامى.

ظل أشرف يتابع الرجل حتى اختفى عن أعين الجميع، فاقترب من الزوجة

وقال بهدوء مواسيًّا:-

شدى حيلك.

نظرت إليه وقالت ودموعها تسيل على خديها بلا انقطاع:-

عرفت مين اللى قتل جوزى يا حضرة الضابط .

أجابها قائلاً وهو يقترب منها:-

مش وقته دلوقتي، لسه التحقيقات شغالة وإن شاء الله القاتل هياخد جزاؤه.

- أنا مش هاخذ عزاه إلا لما تجيب لى القاتل لغاية عندى يا أشرف بيه.

قالت والدة فؤاد عبارتها ولم تنتظر إجابة من أشرف الذى تقدم ناحيتها كي

يعزبها، بل تحركت بهدوء مغادرة المكان بالكامل وهى تقول:-

عليه العوض ومنه العوض، إنت الجبار يا رب.

تهند أشرف وهو يغادر المكان بدوره ولم يستطع منع عينيه من النظر إلى شهيرة

فكرى التى احتضنت مديحة وأخذت تربت على كتفها مواسية، وبينما يدير محرك

سيارته ويستعد للرحيل، ارتفع صوت هاتفه المحمول فالتقطه وهو يلقى نظرة

على رقم الطالب ليجد أمامه عبارة (رقم خاص) فأسرع بالرد على المتصل لتقابلته

ضحكة ساخرة، ثم يقول صاحبها:-

شوفتنى وأنا ميت؟ أجنن وأنا ميت، صح؟ عقد أشرف حاجبيه وهو يقول:-

مين معايا؟

أجابه الصوت على الفور:-

أنا المرحوم.

أخذ أشرف يتلفت حوله وهو يبسم ويحوقل، ليعاود صاحب الصوت حديثه

مرة أخرى (ما تتلفتش حواليك يا حضرة الطابيط، الناس كلها مشيت، يلا توكل

على الله وروح كمل تحقيقاتك علشان تعرف مين اللى قتلنى، وعلى فكرة أنا أقدر

أقول لك مين القاتل، لكن مش هحرمك من متعة البحث، هكلمك تانى لما أحس

إنك قربت تكشف الحقيقة، سلام يا أشرف بيه)، انتهت المكالمة ولكن أشرف ظل

واضعاً الهاتف على أذنه اليمنى لنصف دقيقة كاملة، قبل أن ينتفض فى مكانه

مع طرقات قوية على زجاج النافذة ليجد أمامه أحد الشحاذين الذين تعج بهم

المقابر كلما جاءت جنازة إلى هذه المنطقة (الله يا بيه الله، ربنا يرحم أمواتك وأموات

المسلمين)، دقق أشرف النظر فى وجه الرجل ليجد أمامه فؤاد الذى ابتلعه التراب

منذ قليل، دفع الباب بقوة فى وجه الرجل ثم انقضى عليه ولكنه وجد نفسه

يحتضن الهواء وليس هناك أى أثر للشحاذ ولا للقتيل، أخذ يتلفت حول نفسه كالتائه قبل أن يركب سيارته مرة أخرى وهو يفكر فيما حدث له منذ لحظات، ولكنه أرجأ ذلك إلى أنه لم يذق طعم النوم منذ بدأ التحقيق في هذه القضية العجيبة. والإرهاق يأكل خلاياه رويدًا رويدًا ويصيب مخه بالهلوس السمعية والبصرية، ولكن ذلك لم يقلل من عزمته، ولم يفت من عضده، فركب سيارته مرة أخرى وانطلق إلى الإدارة لبدأ مرحلة جديدة من التحقيقات مع الثلاثة الذين يملكون حل لغز مقتل فؤاد، ولكن كل ما مر به منذ كان في شقة القتل لأول مرة وحتى الآن لم يكن ليساوى شيئًا مما هو قادم، فما يحمله الكتاب الثلاث في ذاكرتهم سيغير مسار القضية تمامًا، وحياة أشرف أيضًا.

كامل جاهز يافندم.

التفت أشرف إلى أحمد ثم قال:-

لأخلى كامل دلوقتي، الراجل ده خواف ولو ضغطنا عليه شوية هيقول كل حاجة، عن نفسه وعن صحابه الإثنين، وأحسن طريقة للتعامل مع الشخصية دى إنك تسيب صاحبها لغاية ما يستوى على الآخر، كل ما تسيبه أعصابه هتتعب أكثر ومش هنعرف نلاحق على الكلام اللى خارج منه.

تكلم أحمد وهو يبتسم ابتسامة ساخرة، وثنايا عقله تشيد بعبقرية رئيسه:-

طب حضرتك تحب تبدأ بمين؟

عقد أشرف حاجبيه مفكرًا للحظات ثم قال:-

هات لى عمر حسين، الراجل ده شكله دماغ وراسى، وهستمع بالكلام معاه.

هَمَّ أحمد بالانصراف ولكنه تذكر شيئًا فقال:-

صحيح يافندم أخبار الجنازة إيه؟ لاحظت حاجة غريبة فيها؟

حرك أشرف رأسه أسفًا ثم قال:-

أغرب جنازة حضرتها في حياتي، تخيل الجامع كان مليان على آخره بالناس

وكاميرات التصوير شغالة يمين وشمال، وأول ما الجنازة خرجت من الجامع والكاميرات بعدت عن المكان، الكل إتبخر، ومحدث مشى ورا الجنازة تقريباً، ده غير اللى كان بيدعى على المرحوم، تخيل بيدعوا عليه بدل ما بيدعوا له، القضية دى مش سهلة يا أحمد، والقتيل نفسه كان راجل غامض وكان ليه عالم خفى محدش يعرفه غيره، صدقنى اللى بقوله لك ده خبرة سنين وسنين فى المباحث. صمت قليلاً ليلتقط أنفاسه ثم قال:-

يللاهات لى عمر علشان ما نضيعش وقت، قولى صحيح، تليفونك فىين؟

ابتسم أحمد ابتسامة ذات مغزى وهو يقول:-

فى مكانه يافندم.

بادلله أشرف الابتسامة ولم يتكلم فى حين انصرف أحمد تاركاً أشرف يجهز الأسئلة التى سيبدأ بها الحوار مع المشتبه فيه الأول، لعله يخرج منه بشىء يريحه قليلاً ويعيد إليه نفسه مرة أخرى.

ثلاثة

اسمع انت وهوه، خرجونى من اللعبة دى أنا لو الظابط اللى جوه ده سألنى
عن أى حاجة هقوله علطول، أنا أعصابى مش مستحيلة.
قال كامل عبارته وهو يرتجف خوفاً ويتلفت حول نفسه بين لحظة وأخرى،
فتكلم عمر وهو يشعل سيجارته الخامسة منذ أن وطأت قدمه المديرية:-
إهدى شوية، إحنا ما عملناش حاجة علشان نخاف لكن طريقتك دى هتخليهم
يشكوا فينا.

عقب ونيس على كلام عمر قانلاً وهو يتحرك فى حجرة الضابط أحمد:-
كلام عمر مضبوط، لازم نكون هاديين خالص
واحنا بنتكلم مع الظابط، كل واحد مننا يحكى حكايته مع فؤاد بالتمام
والكمال، من غير زيادة ولا نقص.

تكلم كامل وهويلوح بذراعه فى الهواء غاضباً يا سلام، واليوم اللى اتفقنا فيه
على إننا لازم ناخذ حقنا منه بأى طريقة، هنحكى عنه هو كمان ولا إيه نظامه.
أجابه ونيس مهدوء:-

عادى خالص، إحنا ما قلناش فيه أى حاجة تديننا كلام عادى ساعة غضب.
هَمَّ كامل بالحديث عندما قاطعه دخول أحد العساكر إلى الحجرة وهو يقول
بصوت عال:-

عمر حسين، اتفضل معايا، حضرة الطابط عايزك.

قام ثالثهم ولم ينبث ببنت شفه، فاصطحبه العسكرى إلى الخارج، مما زاد من خوف كامل الذى نظر إلى ونيس عله يجد عنده أى أمل فى النجاة من هذا الموقف، ولكن صديقه زاد من توتره عندما نظر بعينيه بعيداً عنه، وهو يجهز إجابات للأسئلة التى يتوقع أن يلقيها عليه الضابط أشرف بعد قليل، الإجابات التى ستخرجه من هذا المأزق الذى يتعرض له للمرة الأولى فى حياته.

أهلاً وسهلاً، إيه المفاجأة الحلوة دى، إنتوا الثلاثة جايبين مع بعض، يادى الهنا يادى النور.

ألقي فؤاد بعبارة الترحيب السابقة على مسامع الكتاب الثلاثة، الذين حضروا إليه بدون موعد مسبق، ولقد كانت هذه هى المرة الأولى تقريباً التى يجتمع فيها الكتاب الثلاثة معاً فى الدار، مما جعل فؤاد يتوجس خيفة من هذا اللقاء، ولكنه كعادته استطاع أن يخفى ما بداخله ببراعة تستحق الإعجاب، ولقد أراد أن يأخذ زمام المبادرة فقال:-

تشرّبوا إيه؟

شكره ثلاثهم فى وقت واحد، ثم قال ونيس بلهجة عملية:-

كنا عايزين نتكلم معاك شوية.

تكلم فؤاد قائلاً:-

إتفضلوا يا جماعة، هو إحنا أغراب عن بعض!!!

خير إن شاء الله.

أجابه ونيس قائلاً:-

أنا عايز ألقى العقد بتاعى مع الدار.

عقد فؤاد حاجبيه متسائلاً وهو يقول:-

ليه يا أستاذ ونيس، حصل منى حاجة كفى الله الشر.

رَمَّ ونيس شفتيه بعدم رضا ثم قال:-

بصراحة أنا شايف إن الدارمش محققه لى طموحاتى، يعنى بحس كل يوم
إنى يرجع ورا، مفيش خطوة لقدام أبداً، وده قالقنى الصراحة، فياريت نخلص
الموضوع على خير، ونفضل أصحاب أحسن، بس بعد إذتك جهزلى حساباتى كلها
علشان نخلص الموضوع بسرعة.

التقط فؤاد نفساً عميقاً كي يستطيع السيطرة على نفسه ثم قال بعد ذلك:-
مفيش أى مشاكل، ما دام ده هيرحك، بس معلىش والله أنا آسف، مفيش ليك
أى حسابات عندى دلوقتى، السوق نايم والمكتبات بقالها فترة ما بتطلبش كتب
خالص.

تكلم عمر حسين فى هذه اللحظة قائلاً:-

يعنى إيه الكلام ده؟

التفت إليه فؤاد وقال بلهجة مستفزة:-

أعتقد الموضوع ده ما يخصكش يا أستاذ عمر. تكلم كامل فى هذه اللحظة
قائلاً:-

يعنى إيه ما يخصصوش، على فكرة إحنا طلبنا من ونيس يتكلم بلساننا،
وفوضناه بكده.

ابتسم فؤاد بسخرية ثم قال:-

فوضتوه، ليه هو احنا قاعدين فى مجلس الشعب ولا إيه؟

هَمَّ كامل بالرد عليه ولكنه تراجع عندما أشار إليه ونيس بالصمت، ثم تكلم
بهدوئه المعتاد:

بص كده، من الآخر، إحنا الثلاثة لينا نفس المطالب، وعلشان كده جينا لك
مع بعض. ساد الصمت المكان بعد عبارة ونيس الحاسمة والثلاثة يتطلعون إلى
فؤاد الذى زفر فى ضيق ثم قال بعد ثوانٍ قليلة:-

مفيش مشاكل، بس أنا مش مقتنع بالكلام ده، بس فى شوية حاجات لازم تعرفوها الأول، إنت مثلاً يا أستاذ عمر، روايتك حققت مبيعات خرافية بعد ما عدلت فيها شوية حاجات من غيرها كانت الرواية هتبقى ملهاش أى لازمة، وروايتك يا أستاذ كامل خلصت والغلاف بتاعها أكثر من ممتاز لومش عايزها، هتاخد فلوسك بعد ما نخصم اللي صرفته عليها، يعنى من الآخر هيتفضل لك ألف جنية، أما الأستاذ ونيس فروايتة يادوب مقضية التكاليف بتاعتها، يعنى برضو مش هيطلع لك فى الآخر غير شوية ملاليم.

تكلم كامل وهو ينظر إلى رفيقيه:-

يعنى إيه؟ هنطلع من مولد بلا حمص أجابه فؤاد باستهتار وهو يهز كتفيه:-

ولا حتى حب العزيز.

شمر كامل عن ساعديه وانتفخت عروق رقبتة، وهَمَّ بالفتك بالدكتور، لولا أن

أمسك به عمرو ونيس ثم قال الأخير:-

ما عندناش مانع، لو سمحت خلص لنا الموضوع ده وإلا مش هيحصل كويس.

احمرت أذنى فؤاد من فرط غضبه وهو يقول:-

إنت بتهدنى ولا إيه؟

لَوَّحَ ونيس بذراعه بلا مبالاة ثم قال وهو يتحرك نحو الباب

ويشير لزميليه أن يتبعوه:-

اعتبره زى ما تعتبره، قدامك اسبوع تخلص فيه كل حاجة وتكلمنا، وهنجيلك مرة واحدة، احنا الثلاثة مع بعض، خلص الكلام.

ترك الثلاثة المكان بعد عبارة ونيس الفاصلة، ولم يجرؤ فؤاد على القيام من مكانه، لقد أحكم الثلاثة الحصار من حوله، لقد كان يستطيع أن يسيطر على كل واحدٍ منهم منفردًا، أما وهم مجتمعون عليه، فسيكون لهم اليد العليا فى كل شىء، وهولن يسمح بهذا أبدًا، مهما كان الثمن.

أفاق ونيس من هذه الذكرى الأليمة على هزات عصبية لذراعه اليمنى، فنظر إلى مصدرها ليجد امامه كامل يرتعد بشكل مثير للشفقة وهو يقول:-

أنا خايف أوى يا ونيس، ومش عارف أعمل إيه .

ريت ونيس على ذراعه وقال بلهجة حانية:-

ما تخافش يا كامل هنتخرج منها على خير إن شاء الله . ظلَّ كامل يحدق في وجه صديقه للحظات قليلة، ثم تركه وذهب إلى ركن قصي، جلس فيه ثم ضم ركبتيه إلى صدره وأخذ يحدق في سقف الحجرة، ولم يملك إلا الانتظار.

عمر حسين

سيجارة يا أستاذ عمر؟

مد أشرف يده بعلبة سجائره الخاصة إلى الرجل الذى التقط منها واحدة وهو

يغمغم:-

شكراً.

أشعل أشرف سيجارته وتركه يشعل سيجارته بدوره، وينفث قلقه وتوتره مع

دخانها، ولم يغب

هذا التغيير عن عيني ضابط محنك تقابل مع المئات من الشهود والمجرمين،

ولقد قرأ فى عمر على

الفور، أنه من النوع الذى يستطيع التحكم فى أعصابه فى أشد المواقف

صعبة، وهنا قرر الدخول فى التحقيق مباشرة فبادر عمر قائلاً وهو ينظر فى

عينيه مباشرة:-

أستاذ عمر، كنت فىن وقت وقوع الجريمة؟

أخذ عمر نفساً آخر من سيجارته ثم قال:-

كنت فى سیتی ستارز أنا ومراتى وأولادى بنعمل شوبنج. ودخلنا سينما.

قال أشرف:-

عندك دليل على كلامك؟

أجابه عمر بهدوء:-

عندى فواتير الشراء في البيت، وأعتقد تذاكر
السينما لسه معايا.

قرن قوله بالفعل، فوضع يده في جيبه وأخرج حافظته والتقط منها أربعة
تذاكر أعطها للمقدم
الذى التقطها وفضها ليتأكد من صدق كلامه ولما وجدته صادقاً، وضع التذاكر
على المكتب ثم قال:-

تمام، أنا عايزك تحكى لى حكايتك مع فؤاد، يعنى عرفته إزاي؟ ونشرت كتابك
معاه بناءً على ايه؟ ومين اللى عرفك بيه؟ كل حاجة يا عمر، كل حاجة.
أطفأ سيجارته، ثم التقط نفساً عميقاً وقال:-
حاضر يا فندم.

وبدأ السرد، ومعه ظهرت حقائق لم تكن فى الحسبان أمام المقدم أشرف.
حقائق ستتمو معها بذور الشك فى نفسه حتى ترتفع أشجارها عاليًا.

صلى على النبى.

منذ كنت صغيرًا وأنا أستمع لصوت عم سيد الحنان الأجدى، وهو يصلى على
رسول الله بل ويأمر الجميع بالصلاة على الحبيب، كنت أجدّه دائمًا وأبدًا فى جميع
الموالد والحضرات التى كان ياخذنى خالى دائمًا إليها، بداية من مولد السيدة زينب،
ومولد سيدنا الحسين وحتى مولد سيدي الطشطوشى، كان خالى يواظب على
حضور هذه الأماكن وهو فى غاية الاقتناع أن الخير كله فى هذه البقاع الطاهرة،
وأن من ينفق على إقامة شعائرها ورعاية أهلها من الفقراء والمساكين، سيكون
له ثواب عظيم عند العلى القدير، اعتدت هذه الأماكن وسرت على الدرب بعد
وفاة خالى المفاجئة، والذى حزننى كثيرًا لوفاته، ولقد أصابنى هذا بصدمة نفسية
ظلمت أعانى منها لفترة طويلة، ولكننى عقدت العزم على مواصلة الطريق الذى
بدأه هذا الرجل الرائع وواظب عليه طوال حياته، سأكون أحسن خلف لأفضل

سلف، كنت أقف بين هؤلاء الفقراء وأنا أربت على كتف هذا، وأواسى هذا، أنفق ولا أبخل عليهم بأى غالى أو نفيس، كنت أرى فيهم الفئة المهمشة من المجتمع، لا يسمع عنهم أحد ولا يضع لهم أى اعتبار. وكأنهم فتات المجتمع التى ليس لها مكان إلا سلة القمامة، حتى جاء ذلك اليوم الذى رأيته فيه، كانت الليلة الكبيرة لمولد الحسين، وكنت أنا أقف فى الصوان الكبير أتابع توزيع الأطعمة المختلفة على الناس، وألقى نظرات متباعدة على من يؤدون شعائر الاحتفال قبل موعد الحضرة الكبيرة، وعلى الرغم من الزحام الشديد الذى يمتاز به مولد الحسين، وتدافع الناس سواء من الرجال أو النساء، إلا أننى فجأة وجدت معظم الناس تتجه نحوه، كان فى النصف الأول من

العقد الثالث، نحيل، قصير القامة، يعانى من عرج بسيط فى ساقه اليمى، تتم نظراته عن الخبث والمكر والدهاء.

اندفع الناس نحوه يرحبون به، وتوقعت أن يعطف عليهم بأى شىء سواء بالمال أو حتى بالكلمة الطيبة، وعندما وضع يده فى جيبيه، ابتسمت لحسن توقعى، ولكنه فاجأنى بإخراجه لكمية من اللب ملأت قبضته، وأخذ يوزع منها على الناس وهو يقول

(يلا هيصوا، محدش واخذ منها حاجة)، ووسط دهشتى من هذا الموقف العجيب لم أتمالك نفسى من الابتسام لتصرفه الغير متوقع، وعندما أخذ يتلفت حوله عقدت حاجبى وأنا أحدث نفسى (يا ترى بيدور على مين، ومين ده أصلاً؟)، وفجأة ارتفع صوته منادياً على حنفى مبخرة، المسؤول عن إشعال البخور أثناء الاحتفال، وماهى إلا ثوانٍ قليلة حتى جاءه رجل يرتدى ثياب بيضاء ناصعة، تتدلى من صدره كمية كبيرة من السيخ الخضراء حتى تصل إلى أسفل صدره، وتتدلى منها لحيته لتصل إلى منتصف صدره.

- فىن المحن بزيادة؟

قبل أن يجيبه حنفى اندفع رجل قصير القامة جداً، يماثل الأقزام طولاً، أصلع

الرأس تمامًا، لا يرتدى ملابس تقريبيًا، يحرك رأسه يمينا ويسارا وهو لا يردد سوى كلمة واحدة (منه له، منه له)، احتضن الرجل الغريب وعانقه بود قبل أن يقبله من وجنتيه، والأخريبتسم وهو يقول:-

وحشتى يا ابن الفقريه، إيه الحاج إبراهيم عكوة خلص دبح، ولا لسه؟
أوما المحن برأسه موافقًا، والفرحة تغمر كيانه بالكامل، فقال له الرجل وهو يشد على عضده:-

خليه يحجزلى الموزة والراس كلها، وما ينساش الكبدية، فاهم، بللا بسرعة،
إوعى تعوق.

لم يكد المحن بزيادة ينطلق إلى حال سبيله حتى مال الرجل على حنفي وقال:-
أمال فين البننت ماجدة أستيكه؟ وحشتى بنت الإيه.
أجابه مبخرة وهو يدبر عينيه في المكان باحثًا عنها، حتى رآها تتمايل يمينا ويسارًا
مع نغمات المزمارة الشعبي الذي يغني على نغماته أحد الرجال الذين يحيون الليلة
الكبيرة. كانت تقف في منتصف صوان يمتلى بالرجال الذين لم ينتهوا للكلمات
المغنى بقدرانتباههم لحركات ماجدة المثيرة، كانت تؤدي فقرتها الراقصة مع فقرتها
الموسيقية التي لا تأتي إلا في مولد الحسين من كل عام، ومع اللعاب الذي سال من
أشداق الرجال وهم يتابعون جسدها البض الذي يتراقص فتراقص معه قلوبهم،
لمحت بطرف عينها الساحرتين ذلك الرجل الغامض، فابتسمت في سعادة ولوحت
له بذراعها اليمنى فابتسم في زهو وأخذ يحرك رأسه بزهو بعد أن نظر إليه الرجال
بحقد وحسرة.

أنهت ماجدة فقرتها ثم اندفعت إلى الرجل وهي تصافحه قائلة بدلال:-

حمدلله على السلامة يا كبير، الدنيا نورت.

ابتسم الرجل وهو يلعب حاجبيه لماجدة وهو يقول:-

الدنيا منورة علشان انتى فيها يا ميجو.

أطلقت ضحكة ماجنة قبل أن تقول:-

ياه بقالى كثير محدش قال لى الكلمة دى، تسلم لى يا سيد الناس، أخبار الكتب والروايات بتاعتك إيه، إنت عارف أنا بحب القراءة قد إيه.

كنت أتابع هذا الحوار من بعيد، وعندما قررت أن اقترب منهم حتى أسترق السمع، لأعرف حكاية هذا الرجل الذى اجتمع الجميع حوله فى دقائق وتكونى أنا الذى أحرص كل الحرص على رعايتهم كل عام، سمعته يقول لما جده (الدنيا زى الفل، أنا بقيت تقريباً أحسن ناشر فى مصر، بقى عندى كتاب كتير دلوقتى، والحمد لله كتهم كلها زى الفل، وحققت أعلى مبيعات)، لم أتمالك نفسى وأنا أسمعه يتحدث عن نشر الروايات، فقد كانت أمنية حياتى أن أنشر رواية ويراها الجميع، فأنا بجانب تجارتى أهوى التأليف، لذلك فقد اقتحمت حديث الرجل مع ماجدة قائلاً وأنا أمد يدي مصافحاً إياه:-

عمر حسين، رجل أعمال.

أسرع بمصافحتى وهو يرحب بى باهتمام، ثم أشار إلى ماجدة فانصرفت على الفور، عندما شعرت بأهمية اللقاء فبدأ حديثه معى قائلاً:-

أهلاً وسهلاً يا أستاذ عمر، أنا دكتور فؤاد، صاحب دار نشر الهبظ من أشهر دور النشر فى مصر دلوقتى.

شجعتنى هذه البداية على الحديث مباشرة فى الموضوع وعلى طرق الحديد وهو ساخن، فقلت على الفور:-

أنا عندى رواية وعمايز أنشرها.

- ده شرف لينا يافندم، دى أول رواية لك؟

- أيوه.

- طيب مفيش مشاكل، ده الكارت بتاعى، فيه إي ميل الدار، ممكن تبعته عليه، ولجنة القراءة هى اللى هتحدد اذا كانت الرواية ممكن تتنشر أو لا.

- مفيش مشاكل، وده هيكون إمتى إن شاء الله؟

- إبعث إنت العمل الأول وربنا يسهل، ممكن يكون بعد شهر أو اثنين أو ثلاثة.

- مش شايف إن كده كثير أوى؟

- مش كثير ولا حاجة، الميعاد ده مناسب جداً، لإن الشغل عندي كثير أوى، أول ما تتم الموافقة على العمل، هنقول لك على تكاليف النشر، هتجيبهم معاك ونوقع العقد إن شاء الله.

- مفيش مشاكل.

- استأذنك بقى علشان ألحق الحضرة مع الناس الطيبة دي، مدديا أحفاد رسول الله.

اندفع على الفور ليقف بين الناس ويبدأ فى التفجير مع الناس وهو يلوح بمسبحة كبيرة فى يده اليمنى ويردد:-

مددوددد، مددوددد.

برجاء إلى الكارت فى يدي لأجد مكتوباً عليه (دكتور فؤاد صاحب دار نشر الهظ). تعجبت من اسم الدار ولكننى لم أبالي بهذا، كان كل ما يهمنى هو نشر روايتى وخروجها للنور، وبالفعل أرسلت الرواية للدار فى نفس الليلة التى قابلته فيها، وانتظرت ولكن العجيب أن انتظاري لم يطل، فما هى إلا عدة أيام حتى وجدت رسالة فى صندوق بريدى الإلكتروني من الدار يخبرونى فيها أنه تم قبول العمل وتم تحديد يوم الأحد القادم للتعاقد، لا أحد يستطيع أن يصف فرحتى بهذه الرسالة، فما هى إلا عدة ساعات ويتحقق الحلم، جهزت العشرة آلاف جنية، وهى التكلفة التى حددتها دار النشر الرواية. وانطلقت إلى هناك، ويا ليتنى ما ذهبت.

- أهلاً وسهلاً، دا إحنا زارنا النبى.

- الله يخليك، متشكر جداً.

رددت تحية الدكتور وأنا أدير عينى فى المكان الذى كان محط أنظار العديد والعديد من الكتاب فى هذه الآونة، تلك الدار التى ذاع صيتها فى الوسط الثقافى،

لقد نالت شهرة سريعة وانطلقت كالصاروخ بين دور النشر الشهيرة لتفرض اسمها على الجميع، كانت هذه بعض المعلومات البسيطة التي استطعت الحصول عليها طوال اليومين السابقين، كى اطمئن على مستقبلى الثقافى. تتكون دار النشر من حجرتين وصالة كبيرة تحتوى على مكتبين أحدهما كبير يجلس عليه دكتور فؤاد، والمكتب والآخر شاغر، توجد مكتبة كبيرة على الحائط تحوى العديد من الكتاب التى تحمل شعار الدار، بالإضافة لشعار بعض دور النشر الأخرى، الإضاءة قوية تنير المكان بأكمله.

- تشرب إيه؟
 - لأ، متشكر أوى.
 - لا والله لازم تشرب حاجة.
 - خلاص، لما نمضى العقد الأول، نبقى تشرب.
 - ماشى كلامك.
- أشعلت سيجارة من علبة سجائرى التى لم يكد فؤاد يراها حتى فوجئت به يقول وهو يبتسم ويلعب حاجبيه:-
- فاضية ولا محشية؟
 - عقدت حاجى متسانلاً قبل أن أقول:-
 - هى إيه اللى فاضية ولا محشية؟
- فاجأتنى إجابته وهو يطلق ضحكة ساخرة عالية:-
- الكنافة.

رددت كلمته متعجباً، ولكننى وجدته يغير الموضوع، وهو يناولنى نسخة من العقد وهو يقول:-

- تعالى نقرأ بنود العقد مع بعض.
 - أشرت اليه بالصمت وأنا أقول:-
 - ثوانى بس، ما قلتليش لجنة القراءة أعطت روايتى كام درجة؟
- كانت إجابته مفاجأة لى عندما قال عشرة من عشرة، فلقد عرضت روايتى

على الكثير من الأدباء والنقاد أصدقائي وأجمع الكل على وجود بعض الثغرات في الرواية، وأنه يمكن علاجها، ولكنني ضربت بكلامهم عرض الحائط وأرسلتها لهذه الداروها هو يفاجئني بقوله هذا، ولكنني مقتنع بأن في الأدب كل إنسان له رأيه الخاص.

- يا أستاذ عمر روايتك زى الفل، وأنا متأكد إنها هتكسر الدنيا.
قطع حبل أفكارى بعبارته الرنانة، مما زادني ثقة وبهاء، فابتسمت وبدأت في قراءة بنود العقد الواحد تلو الآخر، كانت بنوده مناسبة ومعقولة، وقعت على العقد، وقام هو بختمه بختم الدار، قبل أن يناولني نسختي التي أخذتها وقلبي يرفرف مع أوراقها القليلة جدًا، لقد كانت بدايتي الحقيقية في عالم الأدب والثقافة.

سألني مرة أخرى:-

ها تشرب إيه؟ أقولك ايه رأيك في حاجة بتلج؟

- أنا هشرب بببسى.

- بببسى!!! ماشى، هحطلك عليه بببسى.

قام من مكانه واتجه إلى مطبخ صغير غاب فيه للحظات ثم ظهر مرة أخرى وهو يحمل زجاجة طويلة نوعًا ما وكوبين وضعهما على المكتب ثم دخل المطبخ مرة أخرى لتقع عيني على الاسم البارز با لزجاجة لأجد اسم أحد أشهر أنواع الخمور، فاتبعت عيني من المفاجأة قبل أن ترتسم ابتسامة ساخرة على شفتي، فاتبعت مع قدميه من المطبخ وهو يحمل صينية صغيرة عليها مكعبات من الثلج وطبق صغير به بعض المذات وزجاجة صغيرة من الكوكا كولا.

- إنت ليك في الشرب يا دكتور؟

- قليل منه يصلح المعدة.

- أيوه بس ده حرام؟

- في خلاف بين الفقهاء، يعنى في منهم أباحه في الضرورات وفي منهم قال حرام في كل الاحوال، وما دام في خلاف يبقى نشرب لغاية ما يرسوا على رأى.

- ايوه بس ده فى نص قرأنى فى التحريم.

- بقولك إيه، صلى على النبى كده فى قلبك، وما تعكرش الليلة، أنا مقتنع باللى بعمله، وبعدين ربك رب قلوب، ومدام قلبك نظيف ودعاء الوالدين يبقى ما تخافش من حاجة أبدًا.

صَبَّ لِنَفْسِهِ كَأْسٌ وَوَضَعَ أَمَامَى زَجَاجَةَ الْمِيَاءِ الْغَازِيَةِ. تَبَادَلْنَا الْحَدِيثَ فِي مَوَاضِعٍ عَامَةٍ مُتَفَرِّقَةٍ، وَأَثْنَاءَ الْحَدِيثِ وَجَدْتَهُ يَخْرُجُ شَرِيطَ بَرِشَامٍ مِنْ جَيْبِهِ، التَّقَطُّ مِنْهُ اثْنَيْنِ قَدْ فَهَمَا دَاخِلَ فَمَهُ ثُمَّ ابْتَلَعَهُمَا بِجَرَعَةٍ مِنَ الْخُمُورِ مِمَّا جَعَلْنِي أَقُولُ لَهُ (أَلْفٌ سَلَامَةٌ عَلَيْكَ) - ده ترامادول.

- ترامادول!!! كمان، إيه يا دكتور هي كل حاجة عندك مباحة.

- فيه إيه دا كمان؟ أنا بعمل كل حاجة فى الدارينفسى، ده غير متابعة الشغل فى المطابع وغيره وغيره. فالقرصين دول بيضطبطوا الدنيا معايا علشان أقدر أواصل من غير تعب، بس يا ريت الكتاب يقدرُوا تعب الواحد علشانهم. - ربنا معاك ويعينك.

كانت عبارتى هي فصل الختام فى هذا اليوم، الذى كان مكسبى الوحيد فيه هو العقد الذى وقعته مع فؤاد. والذى سيكون بوابة العبور إلى العالم الذى أحلم به ليل نهار، عالم الأدب والأدباء.

- واتعرفت على كامل وونيس إزاي؟

قطع أشرف حديث عمر بهذا السؤال المفاجئ، فصمت قليلاً ثم ابتلع ريقه وقال:-

أول مرة قابلت كامل كان فى حفلة توقيع لونيس فى الهرم، عرفنى عليه فؤاد يومها، واتكلمت معاه شوية، بعد كده حضر حفلة توقيع روايتى بعد ما طلعت من المطبعة و.... قاطعه أشرف مرة أخرى قائلاً:-

لأعلش واحدة واحدة عليا، عايزك تحكى لى إيه اللى حصل بالتفصيل من أول ما خرجت روايتك من المطبعة لغاية حفلة التوقيع. ابتسم عمر ابتسامة حزينة ثم فتح فمه واسترسل مرة أخرى فى حكايته المريرة.

أخيرًا خرجت روايتى للنور، كنت أنتظرها كالذى ينتظر خروج أول مولود له فى هذه الدنيا، عندما أمسكت بأول نسخة بين يدي كدت أطير من فرط السعادة، لقد قطعت نصف الطريق نحو المجد والشهرة، ولم يبق إلا النصف الثانى الذى سيتحقق بإذن الله قريبًا، كنت أعتقد أن حفلات التوقيع هى الباب للنصف الثانى من الشهرة، لذلك كنت أصر على عمل حفل التوقيع الأول لى فى إحدى المكتبات الكبرى، ولكن فؤاد اعترض على ذلك، وقال أنه من حقه أن تكون أول حفل توقيع فى الدار، وبعد جدال دام لأكثر من ساعتين وافقت على رأيه. وتم عمل الحفلة فى دار النشر والحمد لله حضر عدد كبير من الأهل والأصدقاء والعديد من الكتاب الذين كنت حريصًا كل الحرص على مجاملاتهم فى حضور حفلات توقيعهم حتى يقفوا بجانبى ويساندونى يوم حفلتى، وقد كان، حضر تقريبًا كل من دعوتهم وكان كامل على رأس المدعوين، لقد كان من الكتاب الذين يحترمون الأعمال الجيدة، ولقد كنت حريصًا على أن يكون على رأس من يقول رأيه ويناقشنى فى روايتى أثناء حفل التوقيع، والحمد لله فقد أثنى على العمل أمام الجميع مما زادنى ثقة فى نفسى وفى جودة أولى رواياتى، مرت الليلة كالبرق كالليالى الجميلة، وبعد انصراف الجميع تحدثت مع فؤاد وشكرته على مجهوده وعندما سألته عن البئر الذى كان من المفترض أن يكون موجودًا اليوم قال لى:-

الواد حمادة المقص لسه ما عملهوش، علشان مشغول اليومين دول، بيجهز لمعرض الكتاب، كل دور النشر بتعمل شغلها عنده، بيعمل شغل زى الفل، إن شاء

الله البنربتاعك هينور الدنيا في المعرض، وكل عام وانت بخير.

صداقته يومها واقتنعت بكلامه حتى جاء معرض الكتاب عرس كل كاتب ومحفل لجميع القراء، بالنسبة لي كانت الدنيا تفتح ذراعها لتستقبلني بالورود والحبور، عندما رأيت روايتي تحتل مكاناً بارزاً على أحد الأرفف الرئيسية في جناح الدار بمعرض الكتاب، وقفت هناك انتظر جمهوري الصغير الذي لم يخذلني وجاء معظمه تباغاً على مدار أيام المعرض بأكملها، ومن فرط سعادتي كنت أقف مع سعيد لأبيع بنفسى روايتي وروايات زملائي الذين هذا الكثير منهم حدوى، حتى مرت أيام المعرض بسلام، ولكنني لم أر البنر الخاص بي كما وعدنى. مرت أيام المعرض سريعاً، ومن الطبيعي أن أجد روايتي في جميع المكتبات، لأن هناك قراء لا يذهبون إلى المعرض وبالتالي ليس لهم سبيل إلا المكتبات، وعندما سألت المكتبات عن عدم وجود الرواية كانت المفاجأة، لقد نفذت روايتي من المكتبات ولقد قام المسؤولون هناك بطلب الرواية من الدار ولكن فؤاد لم يرسل لهم طلبهم، بحجة أن الرواية نفذت أيضاً من الدار وهي في المطبعة الآن، لم أحتمل هذا الكلام وقررت أن أواجه صاحب الدار بهذا الحوار علني أجد عنده

إجابة لما كان يدور بذهني من أسئلة في هذه الأونة، وعندما سألته قال بهدوء الواصل من نفسه:-

- المعارض الخارجية يا أستاذ عمر، بعد معرض الكتاب في معرض الإسكندرية وبعده بإسبوعين معرض كفر الشيخ وعشر أيام من بعده وبيدأ معرض المنصورة، ومن بعدهم معرض جامعة عين شمس والشيخ زايد، وبعد ما كل دول يخلصوا ندخل بقى على الدلع بقى، معرض اتنين ونص والشوارع المصرية والنواصي المتدارية، ومعارض الفرش، معرض عمك جورج ومايكل وسمير ابو غلاف وعلى سلكه، تخيل بقى لما روايتك تلف الدنيا وتبقى عند كل الناس دى، مش قلت لك هشهرك.

- أنا عايزروايتي تبقى في المكتبات الكبيرة، كل اللي بتقوله ده ملهوش أى لازمة عندى.

- يا أستاذ أنا عارف شغلى كويس، وعارف أنا بعمل إيه.

- طب لو سمحت حاسبني، معرض الكتاب خلص، وانت قلت الحساب بعد المعرض.

- منين يا صاحبي، دى المبيعات كانت في الأرض، كل اللي اشتغلناه في المعرض خمس أيام وباقي الأيام بلح.

- يعنى إيه؟ أنا كنت موجود كل يوم في المعرض وشايف الشغل والمبيعات كانت ماشيه إزاي، وبسم الله ماشاء الله، الفلوس كانت نازله عليك ترف.

- إنت بتبص لى في رزقي ورزق عيالي، إنت كنت بتيجي على آخر النهار، والدنيا ما كانتش بتمشي غير لما انت وباقي الكتاب بييجوا للجنح.

- أنا سألت عيسوى الولد اللي موقفه معاك علشان يبيع وقال عن المبيعات في الوقت اللي احنا مش

موجودين فيه إن الدنيا زى الفل من قبل ما نيحي، يبقى إزاي تقول كده.

- بص يا أستاذ يا إما أحاسبك دلوقتي أو أطبع الطبعة الثانية، ها إيه رأيك؟
لم أستطع أن أتكلم بعد عبارته الغريبة، التي ألجمتني بالفعل. وبعد تفكير عميق اخترت أن يطبع الطبعة الثانية، وهنا جاء موعد المفاجأة الأخرى التي أتت على الأخضر واليابس، لقد اختفى تمامًا، ولم يعد له أثر، تليفونه غير متاح دائمًا، والدار مغلقة دائمًا والمرة الوحيدة التي وجدت الدار

مفتوحة وجدت هناك سوسن، نفس الفتاة التي كانت تساعد عيسوى أثناء المعرض، والتي قالت لى عندما سألتها عن فؤاد أنه مشغول ومسافر دائمًا للمعارض الخارجية.

وعندما عاد من المعارض لم يطبع الطبعة الثانية كما قال لقد أخذ باقي

النسخ من الطبعة الأولى وسافر بها للمعارض وبالتالي نسيت المكتبات روايتي التي كانت ستحتل مكاناً بارزاً بين مثيلاتها من الروايات في هذا الوقت، لقد خرجت من سياق النجومية بسبب جشع صاحب دار النشر، الذي لم يهتم بأحد إلا نفسه، لقد كان شعاره في الحياة أنا ثم أنا ومن بعدى الطوفان. ما أن انتهى عمر من حكايته حتى التقط أشرف سيجارة من علبة سجائره الموضوعه أمامه على المكتب وأشعلها وهو يتطلع إليه ويقول بهدوء:-

وطبعاً اتفقت عليه إنت وأصحابك الإثنين وقررتم تقتلوه.

اندفع عمر يقول:-

يافندم نقتله ليه؟ علشان حته كتاب لا راح ولا جه، طبعاً ما حصلش الكلام

د.د

نفث أشرف دخان سيجارته في وجهه ثم قال وهو يشير إليه:-

والله أنا لو مكانك كنت قتلته وقطعت جتته حتت، ده واحد قضى على حلمي

الكبير اللي إتمنيته طول حياتي، يبقى حياته هي الثمن.

- والله العظيم ما حصل.

نطق بهذا القسم وهو يلهث من فرط الانفعال،

فقام أشرف من مكانه واستند بكفيه على المكتب

وقال وهو ينظر في عينيه بثبات:-

أومال تفسر بإيه خوف صاحبك كامل ومكالمته مع ونيس اللي بيقول فيها، لا

إنتوا هتسيبونى لوحدي، إحنا عملنا كل حاجة مع بعض، يبقى نفضل مع بعض

للنهاية.

نظر عمر أرضاً وهو يغغم:-

حضرتك ممكن تسأله، لكن أنا ما قتلش فؤاد ولا اعرف حاجة عن موته.

عاد ضابط المباحث إلى مقعده مرة أخرى وهو يحرك رأسه ببطء ويقول:-

هسألته وهعرف منه كل حاجة، بس لو كان لك يد في قتل الراجل ده، لهوريك
أيام أسود من قرن
الخروب.

انطلق رنين هاتف أشرف في هذه اللحظة ليضع حدًا لهذه الحلقة المحكمة
من الأسئلة، فالتقطه أشرف ونظر في شاشته ليجد رقمًا غريبًا، انتظر قليلاً حتى
يستطيع التروكولر أن يحدد هوية المتصل، مرت خمس ثواني لتكتب على شاشة
الهاتف اسم عليوة الهواري، فعقد أشرف حاجبيه محاولاً تذكر هذا الاسم
وعندما فشل في ذلك ضغط على زر الإجابة فجاءه نفس الصوت الذي تحدث
إليه من قبل في المدافن وهو يقول:-

ركز في شغلك يا حضرة الضابط، وخلي بالك قدامك مهلة ٤٨ ساعة علشان
تعرف مين اللى قتل فؤاد وإلا هخليك تكره اليوم اللى اتولدت فيه.

- مين معايا.

قالها أشرف وعقله يعمل بسرعة الصاروخ، محاولاً تمييز صوت المتصل
وعندما فشل في ذلك، انطلقت ضحكة المتصل لتزيد من حيرته، وتشغل الغضب
في عروقه عندما قال:-

مراتك زى القمر، وابنك تبارك الخلاق، خلى بالك منهم وياريت تيجي تخدهم
من النادى علشان ما يروحوش لوحدهم.

- إياك تقرب لهم، إنت سامع....

- ما تدنيسش أوامري يا حضرة الضابط، ركز في شغلك واعرف القاتل وإلا حياة
أسرتك الصغيرة هتكون التمن.

أنهى المتصل مكالمته فطلب أشرف رقمًا قصيرًا من تليفون مكتبه ثم قال:-
أيمن تعالى لى حالا.

وماهى إلا لحظات قصيرة حتى طرق أيمن الباب، فبادره أشرف قائلاً:-

خد الرقم ده عندك، واعرّف لى قراره إيه، وهات لى صاحبه من قفاه.
أخذ الرجل الرقم ثم أدى التحية العسكرية سريعًا وهو ينصرف ويقول:-
تحت أمرك يا فندم.

ارتدى أشرف سترته سريعًا ثم قال للعسكري الرابض أمام الباب خلى بالك
من الأستاذ عمر عقبال ما أجي.

لم ينتظر تعقيبًا من أحد وهو ينطلق إلى النادي للاطمئنان على زوجته،
وليضع حدًا لهذه المهزلة التي تزداد يومًا بعد يوم.

* * *

ياسمين

- ياسمين، إنتى كويسة؟
- فى إيه يا أشرف، مالك؟
- طب يلا بينا لازم نمشى دلوقتى.
- لسه تمرين السباحة بتاع تامر مخلصش، أقعد بس وفهمنى فى إيه.
- هفهمك واحنا فى السكة، يلا مفيش وقت.
- قامت زوجة أشرف وهى تحرك رأسها بحيرة ثم أشارت إلى ابنها فخرج من حمام السباحة بعد أن استأذن من مدرّبه.
- وفى طريق العودة قالت ياسمين بحدّه:-
- ممكّن أعرف إيه اللى بيحصل بالطبط؟
- ابتسم أشرف ابتسامة باهتة وقال وهو ينظر إليها:-
- ولا حاجة، وحشتينى وجيت أشوفك.
- رفعت أحد حاجبها وقالت وهى تقلب شفتمها:-
- وده من إمتى إن شاء الله، دا إنت بقالك أسبوع ما دخلتتش البيت.
- ما إنتى عارفه إن ورايا شغل، هكون بلعب يعنى.
- ها، ما من ساعة ما اتجوزنا وانت وراك شغل، إشمعنى المرة دى، أشرف،
- خليك صريح معايا، فى واحدة تانية فى حياتك؟

- أيوه يا أحمد، تروح بنفسك دلوقتي، وتجييب لى رانيا عامر من تحت الأرض، دلوقتي يا أحمد، مش كمان شوية، سامع، هبعث لك عنوانها فى رسالة على التليفون، وابتعت لى اتنين عساكر على البيت عندى، دلوقتي على طول. أغلق الخط بعد أن ألقى أوامره، ثم كتب عنوان رانيا فى رسالة وأرسلها على الفور إلى أحمد، فى نفس الوقت الذى اندفعت فيه ياسمين قائلة:-

عساكر علشان مين؟

أجابهما أشرف وهو يدير محرك سيارته مرة أخرى:-

علشان يحموكى إنتى وتامر، فى واحد بيهددنى، إن القضية دى لو ما خلصتهاش فى خلال يومين، هيخلص عليكى إنتى وتامر، ولازم أحميكم، لغاية ما أخلص. أمسكت ياسمين بذراع أشرف بقوة وهى تقول بصوت مرتجف:-

إيه يقتلنا!!!! وانت هتكون فىن؟ هتسيبه يخلص علينا؟

ربت على كتفها مطمئنًا وهو يقول بهدوء:-

ما تخافيش مفيش حاجة من دى هتحصل، أوعدك لو حصل حاجة حياتى هتكون فداكم... وقد كان صادقًا.

- ها يا أيمن عملت إيه؟

استمع الضابط لسؤال المقدم أشرف بانتباه ثم تحرك لسانه مجيبًا:-

تمام يافندم، عرفنا مين هو عليوة الهوارى.

قال أشرف وهو يلوح بذراعه غاضبًا:-

طب هو فىن؟ ما جيبتهوش ليه؟ هو أنا هعرفك شغلك يا حضرة الضابط.

- يافندم مستحيل أجيبه معايا.

أجابه بهذه الإجابة المستفزة، مما زاد من غضب أشرف فاندفع قائلاً:-

مستحيل!!! ما تتكلم علطول فى إيه؟

صمت أيمن قليلاً قبل أن يلقي بقنبلة شديدة التدمير:-

لأن عليوة الهوارى ده، مات من خمس سنين.

- عقد أشرف حاجبيه وتأثير كلمات تدوى بداخله قبل أن يقول بصوت

متحشرج رغماً عنه:-

مات!!! يعنى إيه مات؟

أكمل الرجل حديثه وهو يتطلع إلى رئيسه حائراً:-

ده خط متسقع يافندم.

- يعنى ايه خط متسقع؟

- يعنى خط صاحبه مات من فترة، والخطوط دى بتأخذها عيال من الجيارة

والباطنية وأغلب المناطق العشوائية، وتبيعها بعد كده لأى حد هريان أو عليه

حكم، أو هيقوم بأى عملية إرهابية، أو أى سكة وسخة من سككهم.

- أمال مين اللى كلمنى فى التليفون؟ وجاب رقى منين؟ ابعت لى أحمد.

انطلق أيمن لإحضار النقيب أحمد فى حين أشعل هو إحدى سجائره النفاذة

وانطلقت خلايا مخه الرمادية تعيد بناء أحداث القضية، مرة أخرى، من الذى

يسعى لمعرفة القاتل غير أحد أقاربه، أو زوجته، لقد شاهد جثة فؤاد بنفسه بل

وحضر جنازته ولم يلاحظ أى شخص غريب غير الرجل الذى طلب نقوده من

زوجة المرحوم، إذًا فمن الذى يتحدث إليه، ويهدد زوجته وابنه الوحيد، بالقتل

هولن يسمح بهذا حتى لو كانت حياته هى الثمن، لن يهدأ له بال حتى يصل للقاتل

ولمن يتحدث إليه أيضًا، سيبدأ مرة أخرى ولكن

من ناحية رانيا صديقة زوجته فهى التى.....

قاطعته صوت طرقات قوية على الباب، أعقها دخول النقيب أحمد الذى

بادره أشرف قائلاً:-

جيت رانيا؟

أجابه أحمد:-

مع الأسف يافندم، رانيا عامر مسافرة شرم الشيخ عند والدتها.
ضرب أشرف بقبضته سطح المكتب غضبًا، ثم زفر زفرة قوية أخرج معها
حمم النيران التي تستعرب داخله قبل أن يقول :-
ماشى، عملت ايه مع عمر حسين؟

- موجود عندى فى المكتب فى انتظار أوامرك.

- طب خليه عندك وهات لى كامل، علشان أستجوبه

يمكن أطلع منه بحاجة.

- حاضر يافندم.

كامل محمد

من المعروف أن أدب الخيال العلمى ينقسم إلى قسمين رئيسيين، القسم الأول هو عبارة عن فكرة فانتازيا خالصة، من خيال المؤلف، والقسم الثانى عبارة عن فكرة أو نظرية تم تنفيذ جزء منها وهنا يبدع المؤلف فى وضع تخيل للجزء الثانى ومن هنا يتم وضع ال..... استمر رئيس اللجنة المصرية لأدب الخيال العلمى فى إلقاء كلمته التى يلقيها أمام الحضور فى مقر هيئة اتحاد كتاب مصر، فى المؤتمر العلمى الذى يقام كل عام فى هذا الموعد، والذى أحرص

دائمًا على حضوره، لدرجة أننى حفظت وجوه الحضور وجه وجه، وأعرفهم معظمهم معرفة شخصية

ومن يحضر لأول مرة أستطيع تمييزه بسهولة وذلك لتواجدي المستمر فى هذا المكان، لحي ولعشقى الشديد لأدب الخيال العلمى وكتابه سواء من العرب أو الغربيين. عالم ساحر يأسرك أفكار غريبة وتقنية تكنولوجية هائلة وصراع بين الثقافات والحضارات و.....

لفت انتباهى أحد الوجوه الجديدة فى هذا اليوم وخاصة عندما بدأ صاحبها فى الحديث مع رئيس اللجنة وناقشه بكل ثقة واعتداد، فى إحدى روايات هيربرت جورج ويلز أحد أقطاب أدب الخيال العلمى على مستوى العالم، كان من الواضح أنه مثقف وعلى دراية بما يقوله من معلومات عن الرواية وعن أدب الخيال العلمى بوجه عام.

ملت على أحد الحضور وسألته عن هذا الرجل فأخبرني أنه يدعى دكتور فؤاد وهو صاحب دار المهبط لنشر الكتب والروايات، والتي حازت شهرة واسعة في الوسط الثقافي في الفترة الحالية، تعجبت من اسم الدار ولكنني قلت في قرارة نفسي أن هذا الاسم جذاب على الرغم من فظاظته، انتهى اللقاء وعقلي مازال منشغلاً بهذا الرجل العجيب الذي اقتحم حياتي فجأة وبلا مقدمات، وبكل حزم اتخذت قراري وذهبت إليه.

- مساء الخير.
- مساء النور.
- كامل محمد.
- اهلا وسهلا، دكتور فؤاد.
- أنا أول مرة أشوف حضرتك هنا.
- بالعكس، أنا مواظب على حضور الندوات اللي بينظمها اتحاد الكتاب باستمرار، لكن فعلاً دي أول مرة أحضر ندوة للخيال العلمي.
- أنا عندي رواية عن الخيال العلمي وعاييز أنشرها عند حضرتك، أنا سمعت إنك صاحب دار نشر لها إسمها.
- مفيش مشاكل، الرواية دي من تأليفك؟
- طبعاً يافندم.
- أنا بسألك علشان دلوقتي بتلاقي الكاتب يسرق الفكرة من رواية ثانية وينقل الأحداث من رواية تالته وفي الآخر يقول لك أنا اللي مألّف الرواية.
- لأ طبعاً، أنا ما بعملش كده، الرواية كلها من تألّفي من الألف إلى الباء.
- جميل، ده الكارت بتاعى فيه رقم تليفونى والإيميل بتاع الدار، إبعث العمل

ولجنة القراءة

هتقيم العمل وتشوفه صالح للنشر ولا لأ.
شكرته بحرارة وأنا أمسك بالكارت بين يدي
بحرص شديد، وكأن حياتي تتمثل في هذه القطعة البلاستيكية الصغيرة.

والعمل اتقبل؟

ألقى أشرف صابر سؤاله على مسامع كامل الذى بدأ التحقيق معه منذ قليل،
فابتسم

بسخرية ثم غمغم:-

إتقبل، مع الأسف.

- مع الأسف!!! ليه؟ مش دى كانت أمنية حياتك يعنى المفروض تبقى فرحان،
لأن روايتك هتشوف النور.

- تشوف النور!!! حضرتك متفائل أوى يا حضرة الظابط، أنا اللي حصل لى

بعد كده ما يرضيش

رينا، أنا شوفت الويل وسواد الليل.

- إحكى لى، أنا وقتى كله ليك، قولى الأول تحب تشرب إيه؟

- ولا حاجة، متشكر جداً.

- أنا هشرب قهوة، تشرب معايا؟

- مفيش مشاكل.

ضغط أشرف زر صغير على مكتبه، دخل على رنينه العسكرى الرابض أمام

الباب، فأمره بجلب

اثنين من القهوة المطبوط. وعندما انصرف الجندى لتنفيذ الأمر، بدأ كامل

فى السرد

مرة أخرى، ومع كل كلمة ينطق بها كانت عينا أشرف صابر تتسعان عن
آخرهما، فما كان يحكيه الرجل لم يكن يخطر على بال أى أحد مهما سبح بخياله
إلى أبعد مدى.

تعلقت عيني باللوحة الرقمية في ذلك المصعد كبير الحجم على غير المعتاد،
والذى دائمًا ما كان يثير بداخلى مخاوف عديدة، ولكن مغاوفي لم تكمن في المصعد
فقط والذى كان يتحرك في هدوء قاتل، وكأنه عربة نقل الموتى التى تثير حفيظتى
دائمًا، ولكن فى الطابق الذى أنا متوجه إليه، فهو طابق تعمل على حراسته الأشباح
وتقوم على رعايته وحمايته شياطين الإنس، كان هذا هو موعدى المنشود مع فؤاد
والذى أطلقت عليه اسم الهبّز والى تعنى الشخص عديم المروءة والأخلاق ولهذا
أسبابه التى ستظهر تبعًا وأنا أحكى عن تجربتى المريرة، وصل المصعد فى هذه
اللحظة إلى الطابق المنشود، كان باب الدار مفتوحًا على مصراعيه، وتنبعث من
داخله موسيقى هادئة تبعث على الراحة والطمأنينة، التقطت نفسًا عميقًا قبل
أن أضغط على جرس الباب، وما هى إلا ثوانٍ قليلة وسمعت صوتًا أنثويًا ناعمًا
يدعونى للدخول، فابتلعت ريقى بصعوبة، ودلفت إلى المكان، لأجد دار النشر عبارة
عن شقة كبيرة الحجم كباقي شقق العقار، بها مكتب كبير، اصطفت عليه عدة
شهادات تقدير من العديد من الجهات التى تهتم بالأدب، وفى أحد أركان الشقة
مكتب آخر تجلس عليه فتاة حسناء لا يزيد عمرها عن العشرين، ترتدى حجابًا
وقورًا، ولا تضع فى وجهها أية مساحيق، جميلة المَحْيَا، أزالبتسامتها الهادئة
كل التوتر والقلق الذى اجتاحتني منذ أتيت لهذا المكان. رحبت بى قبل أن أعرفها
بنفسى، وأقول لها عن سبب مجيئى للدار، أشارت لى بالجلوس قبل أن تقول:
ثوانى والدكتور هيكون مع حضرتك.

مرت نصف ساعة ولم يأتى الهبّز، ثم أتمت الساعة دورتها ولم يأتى بعد، مما
جعلنى أقول لها:-

هو الدكتور هيتأخر؟

أجابتنى دون أن تنتظر إلى وهى تعبت بأضرار حاسيها الآلى باهتمام، الأستاذ فى الحمام، عنده إسهال.

لم أتمالك نفسى من الابتسام وأنا أقول:-

إسهال!!!

جائتنى الإجابة من خلفى تمامًا، عندما انبعث صوتًا هادئًا، يقول:-

عمرك ما شوفت حد عنده إسهال يا أستاذ كامل؟

التفت إلى مصدر الصوت فبادرنى قائلاً:-

أهلاً بك.

طربت أذنى عند سماعها لترحيب الهظ بى، وامتلأت عيني بطلعته الهية، لم يكن بالطويل ولا بالقصير، خمري اللون، له صلح خفيف فى مقدمة رأسه، عيناه بنيتان واسعتان تموجان بالخبت والدهاء، يرتدى بنطالاً من البلوجينز، وتى شيرت أخضر اللون فى منتصفه رسماً لميكي ماوس وهو يحتضن ميني ويقبلها، مدَّ كفه إلى ليصافحنى بهدوء فأسرعت لمصافحته، ولقد كانت دهشتى عظيمة عندما وجدته يجذبني إليه ويحتضنني، ثم يقبلني بلهفة ويقول:-

أهلاً وسهلاً، أهلاً وسهلاً، ألف مبروك عملك اتقبل.

على الرغم من دهشتى لما صنعه إلا أننى كنت سعيداً بهذا الاستقبال الحار، الذى قضى تمامًا على توترى وخوفى وخاصة عندما هنأنى بقبول عملى، على الرغم من أننى عرفت ذلك عن طريق الرسالة التى أرسلها لى على الإيميل.

جلس خلف مكتبه بوقار، ثم بدأ فى العمل على حاسبه الآلى بسرعة ومهارة يحسد عليها، ثم أشار إلى بالجلوس، فجلست على الفور، فبادرنى قائلاً دون أن ينتظر إلى:-

- تشرب إيه؟

- متشكر جداً يافندم.

- مش ممكن، إنت ضيفنا النهاردة.
- خلاص مع الحر الرهيب ده، يبقى أشرب حاجة ساقعة.
رفع رأسه إلى الفتاة التي كانت ناظرة بدورها إلى حاسمها الألى، ثم قال:-
حاجة ساقعة للأستاذ يا أنسة لو سمحتى.
أجابته دون أن تنظر إليه:-
مفيش حاجة ساقعة يا دكتور.
زم شفتيه وقال آسفًا:-
مفيش حاجة ساقعة، تحب تشرب حاجة تانية؟
خلاص لو ممكن بعد إزاتين كوباية مية.
ردت الفتاة على الفور، وهى تعقد حاجبها وتدقق نظرها فى شاشة الحاسب
بتركيز غير عادى:-
المية قاطعة.
التفتت إليها متعجبًا، فقال الهظ:-
طب معلش إنزلى هاتى لنا إزاتين مية، وب ٢ جنية عصير قصب لى فى كيس.
زمت شفتيها غاضبة وهى تقول:-
طب والشغل يا دكتور؟
ابتسم قائلاً:-
ما تخافيش، هستناكى.
قامت من مكانها على مضض، فعاد هو يلتفت إلى حاسبه الألى ويضغط على
عدة أزرار به، ليوقف شيئاً ما قبل أن يلتفت إلى ويقول وعلى وجهه ابتسامة
عريضة، ثم مديده والتقط كتاباً متوسط الحجم من على المكتب وأعطاه لى وهو
يقول بثقة:-
ده شغلنا لو تحب تشوفه.
التقطت الكتاب منه بشغف لتقع عيني على العنوان (الأية المقلوبة)، تعجبت

من الاسم، ثم ابتسمت على الرغم منى وأنا أنظر إلى الغلاف الذى كان عليه رسم لقط ضخم أبيض اللون، مكشراً عن أنيابه يعدو وراء كلب أسود من نوع الدوبرمان يبدو عليه الفزع والهلع. نزلت بعينى لاسم الكاتب (عبده مسألش)، رفعت عينى للفصل وقبل أن أتكلم هز رأسه فى ثقة وقال:-

الكتاب ده هيكسر الدنيا، والكاتب كمان ممتاز، أنا ما كنتش عايز أنشر الكتاب ده علشان كان محتاج شغل كتير، قلت للكاتب يعمل إيه، وأشرت عليه بأفكار جديدة، وعرفته إزاي يشتغل على نفسه كويس علشان يقدر ينافس الكتاب اللي فى السوق دلوقتى، وعلى فكرة الرواية دى مرشحة لجائزة الجوكر. عقدت حاجبى وأنا أبتسم قائلاً:-

حضرتك تقصد جائزة البوكر.

هز رأسه نافيًا للكامى قبل أن يتراجع فى مقعده ويلوح بكفه ويقول بلهجة العالم ببواطن الأمور:-

دى تسمية خاطئة، ومع الأسف مش كل الناس تعرف التسمية الصح للجائزة دى، الموضوع يرجع للقرن الخمستاشر، فى عهد الملك حمص الرابع ملك فرنسا، هو اللي اكتشف لعبة الكوتشينة على فكرة وهو اللي حط فيها ورقة الجوكر، كان بيحط ورقة واحدة من الجوكر فى الكوتشينة، واللى بتجيله كان بيبقى هو الكسبان، حتى لو كان خسران فى اللعب، ومن هنا جت تسمية أكبر جائزة فى الوسط الثقافى، الجوكر لأحسن عمل أدبى كل سنة. لم أستطع أن أجادله فيما يقوله، لعلنى أكون مخطئاً، فى معلوماتى المحدودة فى عالم الثقافة والأدب.

- إحنا بنشتغل فى أكثر من نوع من أنواع الورق، النوع اللي معاك ده إسمه توباكوكو، وده من أفخر الأنواع وأغلاها، لإنه مستورد، وفى نوع تانى اسمه زبدة الكراميل، وفى نوع كمان إسمه مالكى.

أتم حديثه ثم نظر إلى وقال:-

تفضل أى نوع من الورق؟

ازدادت حيرتى مع سؤاله، فقلت على الفور:-

هو إيه الفرق بين الأنواع الثلاثة؟

عقد ساعديه أمام صدره ثم أخذ نفساً عميقاً، وقال وكأنه سيلقى إحدى المحاضرات الهامة:-

توباكوكو أفضل نوع من أنواع الورق لأنه مستورد زى ما قلت لك، الورق ده بنستورده من بانكوك، وهو ورق خشن وقوى ومتين جداً، وده يرجع لإنه معمول من ورق الطوباق بتاع السجاير، وبيلفوه هناك على وراك الفراخ البدارى وهى صاحية، وبعدين يتنقع فى الخل يومين بنفس لفته، وبعد كده يفردوه على صدور الفراخ الشامورت وهى صاحية برضو، فيشد نفسه ويبقى فى منتهى القوة، علشان كده الورق ده غالى شويتين عن الورق المصرى، أما النوع اللى اسمه زبده الكراميل، واللى ناس كتير بتقول عليه زبديه، الورق ده بيبقى للمقاسات الصغيرة لإن السوق كله بيشتغل فى مقاس ٢٠×١٤، لكن الورق ده بيكون مقاسه بعد الخروج من الفرن ٩×٥، علشان بيكش أوى. وينستخدمه فى الكتب اللى بتشبه القطع الأمريكانى، اللى معروفة عندنا باسم روايات الجيب، آخر نوع هو الورق المالكى، اللى له تسمية خاطئة فى مصر، باسم البالكى، لكن الصح مالكى وده يرجع لإن المالكى الكبير الله يرحمه هو أول واحد لف فيه سندوتشات الجلاوة بالقشطة فى المحل بتاعه، ها، تحب أى نوع من أنواع الورق علشان روايتك؟

أجبتة على الفور قائلاً:-

أنا عايز أحسن نوع، أنا مش كل يوم هألف كتاب.

راح يعيثر بعدة أوراق أمامه قبل أن يقول:-

خلاص يبقى التوباكوكو، بس ده هيتكلف زيادة شوية عن اتفاننا، إحنا كنا

قلنا كام؟

وضعت يدى فى جييبى ثم أخرجت رزمة ضخمة من المال وضعتها أمامه وأنا

أقول:-

عشر تلاف جنية.

التقط النقود بأطراف أصابعه ثم قال:-

كده يبقى ناقص ألفين كمان، علشان الورق.

قلت على الفور:-

بكرة إن شاء الله يكونوا عند حضرتك.

هزرأسه متفهمًا ثم قال:-

مفيش مشاكل.

صمت قليلاً ثم قال:-

نيجي للغلاف، يا ترى في تصور معين عندك للغلاف؟ وتحب مين يعمله، سيد

كنكة، ولا إبراهيم القرد؟

تعجبت لهذه الأسماء الغربية، فقلت على الفور:-

أنا ما عنديش تصور للغلاف، لكن ممكن أتواصل مع المصمم، وناخد رأى

بعض، بس حضرتك شايف أنهى مصمم أحسن؟

قال على الفور:-

والله الإثنين أحسن من بعض، والتنافس بينهم كبير أوى في السوق، سيد كنكة

بيتميز بالمخمخة في العمل، بيعيش معاه علشان يطلع أحسن حاجة، وسموه سيد

كنكة علشان لازم وهو بيشتغل يكون جنبه كنكة القهوة والسبرتاية والشاى،

أجدع واحد يعمل السكلنس في مصر، أما إبراهيم القرد، فده حكايته حكاية، إنت

بس قول له على فكرة روايتك وسببه، هيفضل يتنطط لغاية ما يعمل لك الغلاف

الى إنت عايزه، علشان كده سميناه القرد.

لماذا لا أستطيع أن أقاطع هذا الرجل وهو يتحدث، إن لحديثه وقع السحر على

النفس، لا تملك أمامه إلا أن تندهش، وتطيعه على الفور، وهذا ما حدث معي وأنا

أقول:-

الى حضرتك تشوفه في مصلحتي إعمله.

صمت قليلاً ثم قال:-

خلاص توكلنا على الله يبقى القرد، بس ده هيكلفك ألف جنية كمان زيادة فوق الحساب.

نظرت إليه مستعظفًا، قبل أن أقول:-

حضرتك مش شايف إن كده كثير شوية.

تغيرت ملامحه على الفور وتحولت إلى غضب كاسح رهيب، وهو يرفع مصحف ضخم موضوع بجانبه على عينيه ويقول بصوت مرتفع غاضب:-

والمصحف ده على عيني، وحياة ولادى، أنا كده يبقى هدف من جيبي. أسرع قائلًا:-

أنا أسف والله، أنا معرفش، أنا لسه جديد فى الموضوع ده.

وضع المصحف بجانبه ثم أشاح بوجهه جانبًا وقال:-

خلاص، حصل خير. التقط نفسًا عميقًا ثم قال:-

عايز فتر؟

رددت كلمته متعجبًا، فنظر إلى وقال ساخرًا:-

إيه ما تعرفش الفتر، هو فى كاتب فى مصر ما يعرفش الفتر.

أطلقت العنان لتفكيرى قبل أن أقول:-

حضرتك تقصد بتر.

قلب شفتيه فى عدم رضا، ثم قال متبرمًا:-

اسمه فتر، مش بتر، يا ريت بلاش التسميات الغلط دى علشان هتضيعوا الشباب كده.

هزرت رأسى موافقًا لكلامه، قبل أن أقول:-

أيوه عايز فتر، يكون كبير ومن نوع كويس.

أمسك قلم صغير أمامه وكتب عدة أرقام أمامه ثم قال:- يبقى كده المبلغ هيزيد

٥٠٠ جنية.

هزرت رأسى موافقًا لكلامه فصمت قليلاً ثم قال:-

بمجرد دخول الكتاب للمطبعة بنعمل حملة دعاية كبيرة فى كل الجروبات الثقافية، والجرايد الإلكترونية،

وبمجرد خروج الكتاب من المطبعة بنبعث لك علشان تيجى تشوفه، وبعد كده بنعمل حفلة إطلاق للكتاب من الدار، والحفلة دى بتكون فى الدار طبعًا، ودى أهم حفلة على فكرة، عايزين نعمل مبيعات كويسة فى الحفلة دى، إعزم، كل أصحابك وقرايبك، وجيرانك، كل واحد يشتري كتابين، واحد يقراه والتانى يحتفظ بيه، وطبعًا كل كتاب الدار هيكونوا معاك وهيساندوك، وهيقفوا معاك وقفة رجالة، بعد كده بنوزع الكتاب على جميع مكتبات الجمهورية، وكمان خارج الجمهورية، إحنا الكتب بتاعتنا بتروح كل دول العالم تقريبًا، ها، نمضى العقد دلوقتى؟
أجبتة قائلاً على الفور:-

أه طبعًا، طبعًا.

ارتفع صوت خطوات أنثوية فى هذه اللحظة داخل المكان قبل أن تقول
صا حبتها:-

أنا جيت الحاجة يا دكتور.

أشار إليها قائلاً:-

سيبها عندك وجهزى صورتين عقد علشان هنمضى عقد كتاب الأستاذ دلوقتى، هو كتابك إسمه إيه صحيح؟

اجتاحت الدهشة معالم وجهى مع سؤاله، وقبل أن أجيبه ارتفع رنين هاتفه النقال، فالتقطه على الفور دون أن ينتظر إجابتى وقال:-

ألو.

صمت لثوانٍ قليلة قبل أن تهلل أساريره فرحًا وهو يقول:- الحمد لله، ألف حمد وشكر ليك يا رب، أنا قدامى شوية وهاجى علطول، مع السلامة.

أغلق الهاتف ثم التفت إلى وقال والسعادة تغمر قسامات وجهه:-

وشك حلو على.

ابتسمت بدورى وأنا أقول:-

الحمد لله ، خيريا دكتور؟

انفرجت شفتاه ليحبيب عن سؤالى ، ولم أكد أسمع إجابته حتى ارتفع حاجبى ،
حتى وصلت لمنابت شعرى ، فقد كانت أعرب إجابة يمكن سماعها في هذا الوقت
على الأقل.

- بيس ٢٠١٤

رددت هذه العبارة وأنا أنظر إلى وجه المهبط في حيرة ، قبل أن أسكت لثوانٍ ثم
أقول متسائلاً:-

حضرتك تقصد...

قاطعنى قائلًا:-

بالظبط كده ، لعبة بيس ٢٠١٤ ، وبالأبدية بتاعها كمان ، ما تتصورش أنا
وأصحابى تعبنا قد إيه علشان نجيبها ، أكثر من شهرين واحنا بندور عليها ، لغاية
ما واحد معرفة جاها معاها من الخليج ، وهيجى النهاردة من السفر وواحد صاحبي
هيقبله في المطار ويخدها منه.

ابتسمت في قرارة نفسى من بساطة الرجل وطيبته الواضحة في حديثه
التلقائى معى وهو الذى لم يرانى من قبل ، ولكن هذا لم يمنعنى من سؤاله قائلًا:-
هو حضرتك بتلاقى وقت علشان تلعب فيه يا دكتور؟ أعتقد إن الشغلانة
بتاعتكم دى بتخلى الواحد مشغول ليل نهار.

أجابنى على الفور قائلًا:-

أكيد طبغًا.

ثم اعتدل في مكانه وأكمل حديثه قائلًا بهدوء:-

بص يا أستاذ أنا ارتحت لك جدًا ، وعلشان كده هتكلم معاك براحتى ، أنا بنزل

من بيتنا كل يوم الساعة سبعة الصبح، لأنى ساكن بعيد، وبركب مواصلات كثير، طبعاً إنت بتسأل نفسك دلوقتى معقول ما عندكش عربية وانت صاحب دارنشر، هجاوب على سؤالك بكل هدوء وثقة وأقول لك لا، ما عنديش عربية، لأن شغلانة النشر فى مصر مش مربحة، يا حبيبي أصحاب دور النشر هم أمناء على فلوس الناس، لازم يحافظوا عليها، ويتقوا الله فى شغلهم وفى فلوس الناس، صدقنى لوقلت لك إن عينى ما بتشوف النوم من ساعة ما عملت دارالنشردى، المهم أكمل لك كلامى، بوصل للدارفى حدود الساعة ١٠، فى أوقات بروح على المطبعة على طول، لوفى كتاب بيتطبع وقرب يخرج للنور، علشان أشوف أخباره إيه، وفى أوقات تانية بروح على بتوع الأغلفة علشان أستلم منهم الأغلفة الجديدة، وبعد كده بارجع على المكتب، علشان أباشر باقى الأعمال من هنا، لغاية ما يبجى على الليل من غير ما أحس، يوم الجمعة هو اليوم الوحيد اللى برتاح فيه، باخده أجازة من أوله لآخره، بلعب مع ابنى على البلاى ستیشن، ولازم أروح أزور ست الحبايب علشان أأخذ البركة.

تعجبت لبساطة الرجل فى حديثه معى، وعدم تكلفه، ولكن ما كان يثير حنقى هو اهتمامه فى أوقات كثيرة من لقائنا بحاسبه الآلى، ففى أوقات كثيرة يلتفت إليه وتعبت أصابعه بأزراره دون النظر إالى حتى أننى فى بعض الأحيان كنت أشعر أنه لم يسمعنى وأنا أتحدث.

دكتور..

نادته الفتاة فالتفت إليها بسرعة ووجهه متجهم فقالت على الفور:-

فتحننا منفذ جديد للتوزيع.

سألها قائلاً:-

فين؟

قالت وهى تنظر إالى حاسبها الآلى باهتمام:-

فى بلاد السنديستان، بعنوا لنا إيميل دلوقتى بيطلبوا ٥٠ نسخة من كل عمل

من أعمالنا.

التفت إلى وقال وهو يبتسم في ارتياح:-

مش بقول لك وشك حلو عليا، خبرين حلوين في أقل من نص ساعة.

قال على الفور موجهاً حديثه للفتاة:-

جهزى لهم الشغل دلوقتى وجهزى نفسك علشان توديه لشركة الشحن،
وبلاش تركبى تاكسى زى المرة اللى فاتت، إركبى الأوتوبيس أو خدى الميكروباص من
أول الشارع.

معقول يا دكتور هاخد معايا الشغل ده كله وهركب أوتوبيس أو ميكروباص،
ده يرضى ربنا ده.

استشاط غضباً وهو ينظر إليها ويقول:-

أنا مش قاعد على بنك، دى فلوس ناس، ولازم نتقى ربنا فيها، ده شغلك،
إتصرفى.

- طب بعد إذنك عايزاك دقيقة.

قالت الفتاة عبارتها وهى تقوم من مقعدها بالفعل فاستأذن منى الهمط، ثم
قام لينفرد بالفتاة فاسترقت السمع لأجده يقول لها بصوت خفيض حاد:-
عايزه إيه؟

نظرت إليه نظرة مستعطفة ثم قالت:-

بعد إذنك عايزة أقبض، النهاردة تسعة فى الشهر وأنا ورايا التزامات، ده أنا
سالفة فلوس المواصلات من ماما.

قال لها على الفور:-

مفيش فلوس دلوقتى، أجيب لك منين؟ خلمها بكرة.

اتسعت عينها فزعاً وقالت:-

بكرة!!! مستحيل، بقول لك مش معايا فلوس أروح بيتنا.

لوح بكفه قائلاً فى ضجر:-

استلفى من أى واحدة من صاحباتك، بس أهم حاجة تودى الشغل لشركة
الشحن النهاردة.

فردت كفيها أمام وجهه وقالت:-
طب هات فلوس الميكرو باص.
وضع يديه في جيبه ثم أخرجهما فارغتين وهو يقول:-
لومعاكي إنتى هاتى.
أشارت إلى درج مكتبه وقالت:-
الراجل لسه مديك فلوس وانت حطيتها في الدرج.
زم شفتيه غاضباً ثم قال:-

إنتى بتتجسسى عليا!!!، أنا ورايا بلاوى متلتلة، لسه ورايا فلوس المطبعة
علشان الكتب المحجوزة هناك، وفلوس الأغلفة المتأخرة، وقسط الغسالة،
والديك فريزر اللى في البيت، أجييب لكم منين، يلايلا بلاش كلام فارغ جهزى العقد
بتاع الأستاذ من صورتين وهاتيم علشان نوقع العقد ونخلص.
لم ينتظر إجابتها، بل تركها في مكانها تضرب قدميها في الأرض مثل الاطفال،
وذهب إلى مكتبه مرة أخرى وهو يبتسم في وجهى قائلاً:-

إنت منورنا النهاردة.
رددت تحيته بهدوء، وما هى إلا لحظات ووجدت الفتاة تقول:-
العقد جاهز يا دكتور.
رد على الفور قائلاً:-

هاتيه هنا علشان الأستاذ يشوفه.

ناولته صورتين من العقد، أخذ واحدًا وأعطانى الآخر، ثم قال بلهجة عملية:-
إقرا العقد براحتك، ولو في أى حاجة عايز تستفسر عنها قول لى.
قرأت العقد بند بند، كان العقد يتضمن شكل الكتاب ومواصفاته واسمه،
ونسبتى من العقد التى وقفت عندها هى ومدة العقد فرفعت رأسى إليه وقلت:-
نسبتى ٢٥ فى المية بس، ده أنا دافع حق الطباعة بالكامل، وبعدين مدة العقد
٣ سنين، والمحاسبة بعد سنة من وقت خروج الكتاب، حضرتك شايف إن ده كده

مظبوط؟

تراجع في مقعده وعلى شفثيه ابتسامه واثقة قبل أن يقول:-
على فكرة مش هتلاقي دارنشر تعمل اللى احنا بنعمله هنا، ولا حتى بيكون
عندهم مصداقية في عدد الكتب اللى بتطبع، إحنا بنطبع ١٠٠٠ نسخة على
طبعيتين، طبعة أولى ٥٠٠ وطبعة ثانية ٥٠٠ برضو، وعندنا أكثر من ٨٠ منفذ توزيع
للكتب، ده غير منافذ التوزيع اللى في الدول العربية والأوروبية كمان، يعنى مش
هتبقى خايف على كتابك، وتأكد إن كتابك هيبكون في إيد أمينة، يا أستاذ ده حتى
أمينة بتنشر عندنا.

قال عبارته الأخيرة ثم أطلق ضحكة ساخرة عالية، ثم أكمل حديثه قائلاً
بجدية مفاجئة:-

وبعدين حضرتك دافع نص حق الطباعة بس، مش كلها والداردافعة النص،
علشان كده نسبتك ٢٥ في المية بس، واسأل دور النشر الثانية عن مدة العقود
والمحاسبة، ولو لقيت غير اللى بقولها لك يبقى لك حق.

ثم أمسك بالمصحف مرة أخرى وقال:-

والمصحف ده، وحياة عيالى ولا أعدمهم كلهم في وقت واحد، أنا بدفع من
جيبى، علشانكم.

ابتسمت بهدوء قبل أن أقول:-

يا دكتور أنا سألت قبل ما آجى هنا وسمعتك سابقاك، أنا موافق على كل
شروط العقد.

أعقبت كلماتى بتوقيعى على العقد ووضع رقم بطاقتى بجانب الإمضاء، ثم
ناولتهم له فأخذ نسخة وأعطانى الأخرى وهو يبتسم ويقول:-
مبروك.

ثم تذكر شيئاً هاماً فقال على الفور:-

إستنى.

ثم نادى على الفتاة مرة أخرى وقال:-

عايزينك تصورينا صورتين علشان نرفعهم على النت.
زمت شفيتها متبرمة ثم قالت:-

حاضر.

التقطت كاميرا صغيرة من درج مكتبها ثم أخذت تلتقط عدة صور لى وأنا اوقع
العقد مع المهظ قبل أن تقول:-

تمام.

قمت من مكانى وأنا أقول:-

طب أستأذن أنا دلوقتى.

قام من مكانه وصافحنى قبل أن يقول:-

بعد أسبوع من دلوقتى هيبجى لك الغلاف علشان ناخذ رأيك وبعدها
بأسبوعين هنبعت لك الرواية بعد التصحيح علشان تراجعها، وبعد كده تدخل
الطباعة يعنى على معرض الكتاب إن شاء الله، ممكن تستلم الكتاب.
رددت كلمته الأخيرة ثم أكملت قائلًا:-

مش ده وقت طويل أوى علشان الرواية تخرج من المطبعة، يعنى لسه شهرين.

ترك يدى ثم قال وهو يعقد ساعديه أمام صدره:-

لازم الكتاب ياخذ دوره فى المطبعة، لإن فى كتاب كتير لهم كتب قبلك، ولازم كل
واحد ياخذ حقه، على العموم أنا بتفق دلوقتى مع مطبعة تانية علشان تنجزلى
الشغل، ما تقلقش، أنا بهمنى الكتاب يطلع للنور زيك بالظبط، وبعدين أنا بحب
أدى وقت طويل للكاتب، والله الكتاب لو طلع قبل كده خير، هنعمل حفلة التوقيع
بعد ما نحدد مياعدها على الفيس، ونوزع الكتاب على المكتبات، ولما يبجى معرض
الكتاب يحلها حلال.

لم أتفوه بكلمة واحدة بعد كلماته الحاسمة، والتى شعرت معها بكمّ التعب
والمجهود الرهيب الذى يقوم به لنشر الثقافة فى مصر، صافحته مرة أخرى
فبادرنى قائلًا:-

معاك عربية؟

أجبتّه على الفور:-

لأ، كل مشاويرى بعملها بالتاكسى، وهو مستنى تحت.

قال وهو يبتسم فى رجاء:-

طب ما تاخذنى معاك فى سكتك، إنت ساكن فىن؟

أجبتّه وأنا أنظر فى ساعتى:-

فى مدينة نصر، بس عندى مشوار الأول فى الهرم، وبعد كده هروح على البيت.

قال لى وهو يللمل أشياءه من على المكتب بسرعة:-

جميل يعنى نفس الطريق، أنا رايج وسط البلد.

نظرت إليه مستغربًا، لتحدثنى نفسى فى هذه اللحظة وتقول:-

طب ليه ما يחדش هو تاكسى وينزل فى أى وقت، ولكنى أجبتّها على الفور

قائلًا:-

يمكن عايز يكمل كلامه معايا واحنا فى الطريق.

جهزى نفسك يا آنسة، وجهزى الكراتين اللى هتتشحن، هننزل مع الأستاذ

دلوقتى، هياخدنا فى سكته.

حاضر يا دكتور.

ردت عليه الفتاة ثم أسرعت بدورها لتجهز كراتين الشحن، فقلت له متسائلًا:-

هو حضرتك دكتور فى أى نوع من أنواع الأدب؟

أجابنى قائلًا على الفور:-

فى البواسير.

سألته مرة أخرى كى أتأكد من الإجابة فقال لى مرة أخرى:-

البواسير، إيه عمرك ما سمعت عن دكتور جراح تخصص بواسير؟

أجبتّه قائلًا:-

لأ طبعا سمعت، لكن إيه علاقة البواسير بالأدب؟

ابتسم قائلاً:-

علاقة وثيقة طبعاً، في البواسير بنريح المريض من الألم، وفي الأدب بنريح القارئ وندخل السرور على قلبه بالكتاب الجيد، وبعدين دى حكاية طويلة حكيتها لك بعدين، أستأذنك أدخل الحمام ثوانى قبل ما نزل.

تكلمت على الفور قائلاً:-

إتفضل حضرتك.

قمت من مكانى أتجول في المكان حتى ينتهى هو والفتاة من صنيعهما، حتى وصلت لمكتب الفتاة فألقيت نظرة على حاسبها الألى، لأرى جزءاً من عملها الذى يشغلها منذ أتيت إلى المكان، لتتسع عيني عن آخرهما، فما رأيته لم يكن له أى صلة بالأدب إطلاقاً فأسرعت إلى مكتب الهېز لأرى ما على شاشة حاسبه هو الآخر لأجد نفس ما رأيته على حاسب الفتاة، لعبة كاندى كراش، هى في المرحلة ال ٥٠ وهو في المرحلة ال ٥١ إذًا هو متفوق عليها، لذلك كان بيتسم من حين لآخر وهو ينظر إلى حاسبه ثم إليها.

يللا يا أستاذ.

انتفضت في مكانى وأنا أتتحرك بسرعة لأعود لمقعدى مرة أخرى، لأجد الهېز يخرج من الحمام بهدوء وهو يوجه عبارته لى، فقمت من مكانى وقلت وأنا أبتسم ساخراً:-

يللا يا دكتور.

سبع كراتين متوسطة الحجم أعتها الفتاة، فنظرت إليها وقلت والدهشة تهيش دواخل نفسى:-

كل دى كراتين.

رد على الهېز قائلاً وهو يحمل إحدى الكراتين بسرعة:-

دول خفاف يلا يلا إيدك معانا، هنحطهم في الأسانسير وهنركب التاكسى علطول.

رن هاتفه المحمول في هذه اللحظة فالتقطه دون أن يترك الكرتونة ثم قال:-
أهلاً أهلاً يا أستاذ.

قال عبارته ثم صمت لنصف دقيقة كاملة قبل أن يبتسم قائلاً:-
تمام، هكلمك بالليل.

أنهى مكالمته على الفور ثم التفت إلى وقال:-
المرّة دى خير حلولىك إنت يا أستاذ.

خير، اللهم اجعله خير.

نطقت عبارتى وعينى تتعلقان بشفتى الهىظ منتظراً إجابته بلهفة، ليفاجأنى
ونحن ندخل المصعد قائلاً:-

قلبى مرفرف زى الطير.

قالها ثم أطلق ضحكة عالية ساخرة وهو يلاعب لى حاجبيه، فضحكت على
الرغم منى، من إجابته الغربية، وقبل أن أتم ضحكى تجهم وجهه على الفور
واكتسى بجدية مفاجئة قبل أن يقول وهو يضع الكرتين فى التاكسى بعناية:-
عندك لقاء بكرة فى التليفزيون إن شاء الله، الساعة تسعة الصبح.

ارتجف قلبى فى مزيج عجيب جمع بين الرهبة والفرحة، والمصعد يصل بنا
إلى الدور الأرضى، عند سماعى لكلماته، مبنى التليفزيون المصرى، ذلك المبنى
الذى كنت لا أراه إلا فى التليفزيون فى تترات المسلسلات القديمة وبعض الحديثة،
سأكون هناك بداخله، وسيرانى الجميع على الهواء مباشرة، ابتلعت ريقى بصعوبة
وقلت متسائلاً بصوت خفيض:-

أنا هطلع فى التليفزيون؟

ابتسم ساخراً ثم قال وهو يشير لى وللفتاة بركوب التاكسى وكأنه صاحبه:-

إيه خايف ولا إيه، بص أنا هفهمك، أنا أعرف معدين كتير فى التليفزيون
المصرى، وعلاقاتى غير محدودة، زى باقات النت بالظبط، يعنى تقدر تقول لى
أعرف طوب الأرض، من صحافيين ونقاد ومراسلين ومذيعين ومذيعات، أنا بعمل

كل حاجة علشانكم وعلشان الكتب بتاعتكم تاخذ الشوا الإعلامي اللازم، كنوع من أنواع الدعاية، علشان كده كل فترة المعدين بيكلموني علشان لوفى كتاب جديد عايزين نتكلم عنه، فبودى لهم الكاتب اللي أنا عايزه وعارف إنه هيشرفنى هناك، ودى فرصتك، يلا ورينى شطارتك .

التفتت إليه لتقابلنى ابتسامته الهادئة الواثقة من المقعد الخلفى للسيارة المنطلقة إلى منطقة وسط البلد، فقلت له وأنا أحاول تمالك نفسى من فرط سعادتى:-

طب الكتاب لسه حتى ما طلعتش الغلاف بتاعه، هتكلم عنه إزاي وهنعمل له دعاية إزاي؟

ابتسم ابتسامة الواثق من نفسه ثم قال:-

مش مهم، كل ده مش مهم، هتجهز ملخص لكتابك وهديك رقم تليفون المعد اللي هناك هتكلمه وتقول له ملخص الكتاب، وبيتكلم عن إيه وفكرته إيه علشان يحط الأسئلة اللي هيسألك فيها المذيع، وبعد كده الموضوع سهل.

أخذنى الصمت لثوانى قليلة قبل أن أقول متسائلاً مرة أخرى:-

طب والغلاف، مش لازم غلاف الكتاب يتعرض على الشاشة فى التليفزيون، أنا كنت بشوف اللقاءات دى فى التليفزيون، وكان ده اللي بيحصل؟
مال بجذعه إلى الأمام ثم قال هامساً:-

لما نتعدى الأول هقول لك.

ثم سكت قليلاً قبل أن يقول وهو يضرب جبهته بكفه اليمنى ويقول بخبث:-
أه صحيح نسيت إنك عندك مشوار ضرورى بعد ما توصلنا، خلاص هكلم التليفزيون أخلهم يأجلوا اللقاء لغاية ما تبقى فاضى.

لا أرجوك، ده حلم حياتى، يغور المشوار، المهم لقاء بكرة.

هزرأسه متفهماً ثم قال على الفور:-

خلاص يبقى ننزل الأنسة فى رمسيس، ونروح على عم مليجى البلطى بتاع السمك اللي فى معروف ونكمل كلامنا هناك.

تكلمت الفتاة في هذه اللحظة قائلة بصوت غاضب:-
طب وأنا مش هتغدى معاكم، أنا جعانة أوى وعطشانة أوى.
نظر إليها باستخفاف قبل أن تتغير معالم وجهه في ثانية ويقول غاضباً:-
طب والشغل ده مين هيوديه لشركة الشحن؟
أنا مالى إنتى جعانة ولا شعبانة. هو أنا خلفتك ونسيتك.
ردت الفتاة على الفور ودموعها تترقق في عينها:-
طب أنا عايزة أقبض، أنا ما قبضتش لغاية دلوقتى.
رد عليها قائلاً على الفور:-

بس يا بنت، إيه قلة الأدب اللى بقيتى فيها دى، احترمى نفسك، طب والله لوما
سكتى دلوقتى لأنزلك وأخليكى تكملى المشوارمشى لغاية الشركة.
همهمت ببعض كلمات غاضبة. قبل أن تدير وجهها ناحية نافذة السيارة التى
اقتربت من ميدان طلعت حرب. واقتربت من هدف فؤاد في هذه اللحظة. محل
أسماك عم مليجى البلطى.

لم أتمالك نفسى من الضحك وأنا أرى فؤاد يقوم بنفسه ليأخذ الطلبات التى
طلبها من محل الأسماك ويرصها بنفسه على المائدة الصغيرة التى جمعتنى معه
على إحدى الأرصفة القذرة التى يتميز بها شارع (معروف) فى وسط البلد والذى
يشتهر بمحلات سمكوية السيارات. والباعة الجائلين، يقع محل عم مليجى فى
منتصف إحدى هذه الأرصفة. على بعد ٥٠ متر فقط من محل أبو طارق أشهر
محل كشرى فى مصر بأسرها، والذى له شهرة عالمية أيضاً وبلا منازع.
بدأ فى تناول الطعام بهم شديد وكأنه يأكل فى آخر زاده، لقد طلب لنفسه
فقط نصف كيلو جمبرى جامبو وسمكتين بلطى ومثلهما قشربياض وطبق كبير
جداً من الأرز وخمسة أرغفة ناهيك عن السلطات التى ملأت المنضدة، ظل يأكل
لعشر دقائق كاملة دون أن يفتح فمه إلا لتناول الطعام فقط.

دكتور..

رفع رأسه عن طبق الأرز الكبير الذى بات على علاقة غير شرعية به، ثم نظر إلى نفس نظرتة المتجهمة وكأنه يرأى لأول مرة، قبل أن يمسخ فمه بظهر كفه ويقول متبرماً:-

إيه، فى إيه؟

أجبتة على الفور قائلاً بلهفة:-

هنعمل إيه بكرة بالنسبة لغلاف الكتاب اللى لسه ما اتعملش من الأصل؟

أجابنى قائلاً بفم مملوء بالطعام بعد أن استمر فى تناوله وأنا أتحدث إليه:-

ممممفففهه، عععثثة، بيكملتتل.

نظرت إليه محاولاً فهم ما يقول، قبل أن أسأله مستفسراً:-

نعم، مش فاهم حضرتك بتقول إيه.

لم يعرنى أى اهتمام حتى ابتلع ما فى فمه تماماً من طعام، ثم شرب وراءه كوبين من الماء وزجاجتين كبيرتين من المياة الغازية، ثم تجشأ بصوت عالٍ ذكرنى بصوت أنين ذكر الضفدع فى موسم التزاوج قبل أن يتراجع فى مقعده ويقول:-

هنحط على الشاشة صورتى أنا وتحته لوجو الدار.

عقدت حاجبى قبل أن أقول:-

إزاي، ده الكتاب بتاعى واللقاء معمول علشانى أنا مش حضرتك.

مال علىّ قليلاً ثم قال ساخراً:-

وهو أنا وانت إيه، مش واحد، ثم إن أى دعاية هتتعلم هتكون ليك إنت وللدار برضه، هنحط صورتى أنا ومعها لوجو الدار، وانت هتطلع على الشاشة، نبقى كده خالصين، هنتكلم عن كتابك باستفاضة زى ما المعد هيقول لك فى كيس اللب

و.....

قاطعته متسائلاً:-

كيس اللب!!! حضرتك تقصد الإسكربت اللى فيه الأسئلة.

لَوَّحَ بكفه في ضجر ثم قال:-

مش مشكلة الأسماء، ليه بنقف عند التفاصيل، المهم إنك فاهم قصدى إيه، طبعًا هتذكر اسم الدار بتاعتي بكل خير وإنها من أفضل دور النشر في مصر في الوقت الحالى، ولازم طبعًا تذكر اسمى قبل أى حاجة، وكمان تتكلم عن التعب اللى الدار تعبته في كتابك علشان يخرج بصورة مشرفة للوسط الثقافى، لو عملت اللى بقول لك عليه مش هاخذ منك باقى الفلوس اللى عندك، وقبل الميعاد بتاعك بنص ساعة هكون مجهز الريسيفر بتاعى علشان أسجل لك الحلقة، علشان نرفعها بعد كده على صفحة الدار على الفيس بوك، وكمان فى الجروبات الثقافية كلها، وانت كمان لازم تعمل كده.

لم أملك إلا أن أوافق على كلماته الحازمة، وانطلق عقلى يعد تصورًا للقاء الغد الذى هو حلم حياتى.

- يا ريس، يا ريس

نادى فؤاد على عم مليحى البلطى وهو يضع يده فى جيبه فأسرعت أقول وأنا أمسك بيده:-

لا والله يا دكتور ما ينفعش الحساب عندى والله.

ابتسم ولم يرد على، ثم التفت إلى عم عبده الذى أتاه مسرعًا وقال:-

عايز ٢ كيلو جمبرى جامبوزى اللى أكلته دلوقتى، و٢ كيلو بورى مشوى، وزيمهم بلطى، وما أوصيكنش على الرز والسلطات والعيش، عايز تظبيطة من الآخر. هز الرجل رأسه موافقًا لكلام الهبط وانطلق ليجيز الطلبات على الفور فى نفس اللحظة التى التفت إلى الهبط وقال مبتسمًا تلك الابتسامة السمجة التى تحتار فى تميزها:-

خلاص هسيبك تدفع الحساب المرة دى، علشان أول مرة ناكل مع بعض.

قلت فى قرارة نفسى، لقد أكلت وحدك فأنا لم أضع يدي فى الطعام منذ أن جلسنا، لقد كنت تأكل وكأنك خلقت لهذا، حتى أنك كنت تقطر عرقًا من سخونة

الجو وسخونة حوارك مع الأسماك، وأصبحت تشبه الحنفية التي ينقصها جلدة كما يقولون فباتت تقطر ماءً طوال الوقت، ولكن كل هذا لم يشغل بالي، ولا حتى المبلغ الباهظ الذي دفعته وقتها، فقد كان ما يشغلني بالفعل هو لقاء الغد، وظهورى على الشاشة الصغيرة، ولكن ما حدث لم يكن في الحسبان، لم يكن ليتوقعه أى مخلوق على وجه الأرض ولا حتى تحت الأرض، لقد كان لقاءً غير عادى.

- الهاتف الذى طلبته ربما يكون مغلقاً.

أكثر من عشر محاولات للاتصال بالفسل، ولا أجد إلا هذه الإجابة السخيفة، لقد كان هذا فى صباحية اليوم الموعد، موعد اللقاء التليفزيونى، لقد جافانى النوم، وقرر أن يللمم أشياءه ويرحل عن عيىنى فى هذه الليلة، فلم يغمض لى جفن، القلق كان رفيقى طوال الليل، وانطلق عقلى يرسم تصورًا للحلقة، واندفعت الأسئلة كالسيل الجارف فى رأسى، هل سأستطيع الحديث أمام الكاميرات وخاصة أن اللقاء كان على الهواء مباشرة، أى كما يقولون (الغلطة بفورة). لقد تحدثت إلى طوب الأرض من عائلتى وأصدقائى وجيرانى وكل من يعرفنى وأعرفه كى يستيقظ مبكرًا حتى يرانى فى التليفزيون المصرى، وعلى الهواء مباشرة، ولقد عرض على الكثير من الأصدقاء بتسجيل الحلقة، فقلت لهم واثقًا، مفيش داعى، متشكر لتعبكم، صاحب الدار هيسجل الحلقة ويتابعها لحظة بلحظة. دا حتى اشترى ريسيفر جديد من اللى بيسجل، علشان يسجل لى الحلقة، وكررت شكرى لهم وكلى ثقة فى وعد المهظ لى بتسجيل الحلقة، جهزت نفسى من السادسة صباحًا، أى قبل اللقاء بحوالى ثلاث ساعات، ولم أتناول إفتارى مبكرًا كعادتى، وارتديت حلة كاملة زرقاء اللون، ورابطة عنق رمادية أنيقة، وركبت سيارة أجرة إلى مبنى التليفزيون، ولأن الشوارع كانت

شبة خالية فى هذا الوقت فقد وصلت سريعًا إلى هناك، وفى تمام الثامنة صباحًا، كنت أخطو داخل ماسبيرو، أقدم خطوة وأترجع بأخرى، ولكننى تمالكت

نفسى، ولقد كان الاستديو في الدور الأرضى، حيث توجد القناة التى ستسجل معى الحلقة، جلست فى غرفة الانتظار، وأنا لا أكف عن الاتصال بالفلس ولكن لم أجد إلا تلك العبارة السمجة التى وضعتها شركات الاتصالات فى مصر لخنق المتصل أو لعقابه على انهيار الاتحاد السوفيتى قديمًا.

تقابلت مع الأستاذ المعد، وألقيت نظرة سريعة على الأسئلة التى سيلقها معى المذيع، قبل أن أعطيها له مرة أخرى، وما هى إلا لحظات حتى جاءت فتاة حسناء وأشارت إلى لأتبعها، فقممت من مكانى وتبعتها حتى وصلنا لباب الضخم فالتفتت إلى وقالت بجديّة:-

- اقفل تليفونك لو سمحت.

أغلقت الهاتف ثم وضعته فى الجيب الداخلى لسترتى، فى نفس اللحظة التى قام فيها أحد مهندسى الصوت بوضع السماعات الخاصة بى، والتى من خلالها ساتواصل مع المذيع، وما هى إلا لحظات إلا ودخلت من الباب الضخم لتقابلنى مفاجأة أخرى زادت من تعقيد الأمر فى هذا الصباح الغريب، لقد استبدل المذيع باثنين من المذيعات، وكان من الواضح مدى الجديّة على وجهيهما، ابتلعت ريقى وتلوت بعض الآيات القرآنية فى أعماقى، قبل أن أنظر إلى الكاميرا، وصوت مهندس الصوت يدوى فى أذنى قائلاً:-

ثرى تو وان

بدأت المذيعّة فى إلقاء التحية على المشاهدين بتلك الطريقة التى تشتهر بها معظم المذيعات المصريات قبل أن ترحب بى وتبدأ فى إلقاء الأسئلة قائلة:-

مممكن حضرتك تكلمنا عن كتابك بيتكلم عن إيه؟

اعتدلت فى مقعدى ثم بدأت الإجابة قائلاً:-

الكتاب بكل بساطة بيتكلم عن ال.....

قاطعتنى قائلة:-

جميل جدًا، طب ويا ترى أحد منك وقت قد إيه علشان يخلص؟

عقدت حاجبي وكيانى كله يغلى من مقاطعتها لى قبل أن أجيب عن سؤالها
الثانى قائلاً:-

الكتاب ده أخذ منى حوالى....

قاطعتنى مرة أخرى قائلة:-

ياه، دا أخذ وقت طويل أوى.

أخذت منها المذبعة الأخرى دفة الحديث لتكمل قائلة:-

طب وياه رأيك فى دور النشر اللى أصبحت منتشرة اليومين دول، وبياخدوا
فلوس من الكتاب علشان ينشروا لهم أعمالهم، وفى النهاية الكاتب ما بياخدش
حاجة من الأرباح ولا حتى بياخد فلوسه؟

قبل أن أجيب على سؤالها، أشارت إلى وقالت وهى تنظر فى اتجاه الشاشة
وتقول:-

ومعانا اتصال من الهظ، صاحب دار نشر الهظ للطباعة والنشر والتوزيع،
نفس الدار اللى نشرت الكتاب اللى معنا النهاردة، ونرحب بصاحبها ونقول له، إيه
رأيك فى كتاب النهاردة وياه هى الخطوات اللى مريبها الكتاب علشان يتنشر على
الرغم من إنه لسه ما خرجش للنور زى ما الكاتب بيقول.

وعلى الفور انقسمت شاشة العرض إلى نصفين، صورة الهظ بإحداها
والنصف الآخر عليه شعار الدار.

تكلم الهظ قائلاً بصوت يغالبه النعاس:-

أنا ما كنتش هنشر الكتاب ده، ورجعته لصاحبه تانى، وقلت له روح عدله
وظبطه علشان نقدر ننشره عندنا، وقلت له يعمل إيه، وكمان حطيت له كام
فكرة كده لما عملهم وسمع الكلام، الكتاب اتغير خالص، فى كل حاجة، وأنا من
هنا بقول إن دور النشر فى مصر عليها عبء كبير أوى فى الفترة اللى جاية، لأن أى
كتاب هيخرج من تحت أيديهم لازم يكون قوى علشان دى سمعة الدار وكل واحد
لازم يحافظ على سمعته، وبعدين إحنا بنتقى الله فى شغلنا، وعمري ما بدخل على

بيتي فلوس حرام، دا أنا حتى بدفع من جيبي، لدرجة إني ممكن أستلف علشان أطلع كتب الناس المتأخرة، ويكون شكلها محترم، ودي رسالتنا ناحية مصر وناحية ثقافة بلدنا، تحيا مصر، تحيا مصر، طب قوم نادى على الصعيدى وابن أخوك البورسعيدى والشباب الاسكندراني، اللمة دي لمة رجال و...

قاطعته المذيعه وهى تشير للمخرج بقطع الاتصال قائلة وهى تبتسم على الرغم منها:-

بنشكر طبعاً دكتور فؤاد صاحب دار نشر الهبط، ونكمل كلامنا مع ضيفنا النهاردة ونقول له، يا ترى إنت منتظر إيه من الوسط الثقافى فى مصر فى الفترة اللى جاية؟

عدلت من وضع رابطة عنقى قبل أن أقول:-

مصر هتكون بخير لوكل واحد، اهتم بنفسه وحاسبها كويس أوى أول بأول، وساب الناس فى حالها، وابتدأ يكتب حاجة هادفة مش أى كلام وخلص، الكتاب يا أستاذة بقى فى كل بيت دلوقتى، لازم نتقى الله فى اللى بنكتبه ونبتعد عن الإسفاف، لوكل واحد من الكتاب عمل كده، صدقيني مصر فعلاً هتبقى قد الدنيا، وطبعاً ده مش هيتم من غير مساعدة دور النشر ووزارة الثقافة.

شكرتني المذيعه قبل أن تنهى الحوار، وقبل أن أغادر المكان ألقيت نظرة أخيرة على شاشة العرض لتقابلني صورة الرجل الذى كان سبباً فى تغيير حياتي فى الفترة القادمة، ولكن إلى الأسوأ، وهو يبتسم ابتسامته الشهيرة التى تجمع بين الخبث والدهاء والسخرية فى نفس الوقت.

غادرت المبنى وأنا أردد قوله تعالى، حسبنا الله ونعم الوكيل، قبل أن أعاود الاتصال بالهبط مرة أخرى ليبرد على هذه المرة على الفور، فبادرني قائلاً:-
نجم والله من يومك، كنت منور الدنيا كلها، بس أنا اتكلمت أحسن منك على فكرة.

سألته مباشرة:-

سجلت الحلقة؟

تثائب وهو يقول:-

مش كلها، أنا جهزت كل حاجة من امبارح وقلت للجماعة يصحونى بدرى، وظبطت المنبة، لكن الواد زقلط ابني الله يسامحه خده وأنا نايم وظبطه على الساعة عشرة علشان يصحى يتفرج على برنامج عالم بميم اللي بيحب يشوفه كل يوم، ولما رن المنبه صحيت على آخر حنة فى البرنامج اللي عملوا معايا فيها المداخلة، روحت مسجلها على طول، وبعد كده على طول الواد شغل البرنامج بتاعه وفصل التسجيل ثم أطلق ضحكته الشهيرة وقال:-

واد ابن عفاريت.

تصارعت شياطين الغضب بداخلى وأنا أقول بصبر فارغ:-

يعنى كل ده وما سجلتش إلا الأربع دقائق بتوعك إنت وبس، حرام والله حرام، ده أنا صاحى من النجمة علشان الحلقة دى، ربنا يسامحك.
تكلم بوقاحة قائلاً:-

إيه يا عمنا، إيه اللي حصل يعنى، وبعدين أنا قلت لك قبل كده أنا وانت واحد، يبقى لزمته إيه الحمقة دى، تتعوض إن شاء الله، الدنيا كلها هات وخذ، وبعدين أنا هاخذك معايا مشوارين مهمين، والله العظيم وحياة ولادى أول مرة أخذ حد من الكتاب معايا فى المشاوير دى، جهز نفسك بكرة الصبح، علشان هوريك اللي عمرك ما شفته، ونهارك زى الفل، سلام.

قال كلماته بسرعة البرق حتى أننى لم أستطع الرد عليه، قبل أن يغلق الهاتف على الفور.

أخذت نفساً عميقاً كي أستطيع السيطرة على أعصابى الثائرة، قبل أن أتخذ قرارى الحاسم، لن أذهب إلى هذا الرجل غداً..
أبدأ.

ولكنني ذهبت معه، فكما يقولون قديمًا، لقد قتل الفضول القط. وهذا ما حدث معي، فعلى الرغم من الموقف القدر الذي فعله معي الهبط إلا أن الفضول كاد يقتلني وأنا أتقلب على فراشي طوال الليل محاولًا معرفة المشوار الذي سيأخذني الهبط إليه باكراً، حتى أن زوجتي أشفقت عليّ عندما استيقظت من النوم لتجدني جالسًا في الشرفة وحدي أحسبى قدحًا من القهوة وعقلي هناك مع فؤاد، وضعت كفها على كتفي فانتفضت في مقعدى قبل أن تجلس أمامي وتقول:-

إيه اللي مصحكك لغاية دلوقتى؟

أدرت وجهي ناحيتها ثم ابتسمت في إرهاق قبل أن أقول:-

ما تشغليش بالك، قلقان شوية وهدخل أنام دلوقتى.

تكلمت على الفور وقالت:-

يعنى إيه ما أشغليش بالى، مالك بجد؟

قمت من مقعدى والتقطت كفها ودخلنا إلى الحجر مرة أخرى وأنا أقول

بلهجة مطمئنة:-

المفروض بكرة إن شاء الله هروح مشوارهم مع الهبط، قال لى إنه هيراضيى بيه، وهيعوضنى عن الموقف السخيف اللى حصل فى التليفزيون، وما رضيش يقول لى إيه هو المشوارده.

ابتسمت فى هدوء قبل أن تقول:-

إن غداً لناظره قريب، كلها ساعات وتعرف كل حاجة.

هززت رأسى موافقًا لكلامها قبل أن أذهب إلى الفراش، وكلماتها تدوى فى

عقلى، ساعات وتعرف كل شىء، ساعات وأحدد هل سأستمر مع هذا الرجل

العجيب، أم سأتهى علاقتى به نهائياً.

أنهيت عملى بالمدرسة، أه ... معذرة لقد أخذنى الحديث على هذا الكائن

البيضوحطاطى ونسيت أن أخبرك يافندم أنى أعمل مدرس فيزياء منذ أكثر من ١٨

قال عبارته ثم انطلق يضحك ضحكات متقطعة غريبة لنصف دقيقة كاملة حتى أنى أبعدت الهاتف عن أذنى حتى انتهى من فعلته قبل أن أقول:-
طب إيه النظام، أنا جبت أكل وقلت أروح أتغدى مع الولاد فى البيت النهاردة، لما لقيتك ما اتصلتش.

ما أن سمع كلمة الطعام حتى تغير صوته على الفور، من المرح إلى الجدية التامة ثم قال:-

لا لا غدا إيه، إحنا عندنا ميعاد النهاردة علشان نستلم الغلاف بتاعك، من عند إبراهيم القرد، وبعد كده هنروح المطبعة علشان تشوف بعينك نوعية الورق اللى اتفقنا عليها، وكمان تشوف المكان وتتأكد من كلامى، علشان الفترة اللى فاتت حسيت إنك فاكرنى بهرج أو بضحك عليك، يا أستاذ أنا فى الشغل ما أعرفش أبويا، وعلى فكرة أنا استعجلت المصحح الأستاذ سيكا الحنين، أحسن مصحح فى الوسط الثقافى كله علشان يخلص كتابك بسرعة، وكلمنى امبارح وقال لى كتابك خالص وأنا بعته لىك على الميل.

دب الحماس فى أوصالى من كلام الهمز المشجع والذى يدل على أنى ظلمته فى العديد من الأمور، فقلت على الفور:-

طب أنا هجيلك حالاً و.....

قاطعنى على الفور قائلاً:-

لأ، تيجى فىن؟ أنا عايزك تقابلنى كمان ساعة فى مدينة نصر، عارفها؟

أجبتة على الفور قائلاً:-

طبعا عارفها، أنا ساكن هناك، عايز نتقابل فىن؟

فى عباس العقاد ولا فى أول مكرم ولا فى سیتی ستارز، ولا سیتی سنترول فى....

قاطعنى للمرة الثانية قائلاً:-

فى مقابر الغفير.

اخترقت عبارته أذنى، كرصاصة قوية فألهبت خلايا مخى الرمادية، قبل أن

أردد كلماته مرة أخرى قائلاً بدهشة عارمة:-

مقابر الغفير!!!

ثم سألته على الفور:-

هى مقابر الغفير فى مدينة نصر؟

أجابنى ساخرًا:-

إيه إنت مش دارس جغرافيا ولا إيه؟ أومال بتقول ساكن فى مدينة نصر إزاي،
هى بالضبط بين المقطم والعباسية لكن أنا بحب أدلعيها علشان كده بقول عليها
فى مدينة نصر، يلا بقى علشان أنا رايح على هناك، ما تروحش هنا ولا هنا تعالى
على طول.

لم أملك إلا الرضوخ لكلامه وأنا أقول للسائق على العنوان، وما هى إلا ثلاث
أرباع من الساعة إلا ووجدته فى انتظارى على أحد مداخل تلك المقابر التى تقع
فى أقصى المنطقة الشمالية من قلعة الجبل، رحب بى كعادته قبل أن يأخذنى
بالأحضان ويقبلنى، وفجأة اختطف منى الكيس الذى يحوى بداخله طعام الغداء
الذى تنتظره زوجتى لأتناوله معها ومع الأولاد، وخاصة أننى أبلغتها بألا تصنع
طعامًا اليوم لأننى سأتى به.

- عنك عنك.

قالها وهو يقرب فى كيس الطعام من الخارج، فتركته له وأنا أتلفت حولى باحثًا
عن أى مخلوق يوحد المولى عزوجل فى هذا الشارع الذى نقف عند أوله، فالتفت
إليه لأسأله عن وجهتنا فوجدته يتشمم كيس الطعام وهو يغمض عينه فى هيام
وتلذذ قبل أن يفتح عينيه الناعستين ببطء ويقول هانمًا:-

الله ينور عليك، ريحة الأكل جنان.

لم أملك إلا أن أقول:-

بالهنا والشفاء، بس إحنا هنمشى منين، أنا شايف الطرق كلها شبه بعض.

أجابنى قائلًا:-

ما تشغلش بالك، تعالى معايا.

تمامًا، له لحية صغيرة في منطقة الذقن فقط، وأنف دقيق، أما فمه فقد كانت بدايته من الأذن اليمنى ونهايته عند أول الشارع، نحيل على نحو مثير للشفقة، يرتدى بيجامة مقلمة بالطول، تشبه كثيرًا جلباب شفيق جلال الذي كان يرتديه في فيلم خلى بالك من زوزو، كان مظهره يجعلك تتعاطف معه لأبعد مدى، وتدعو جميع منظمات حقوق الإنسان والبشرية بأسرها لرعايته والعطف عليه.

لم يكد فؤاد ينتهي من ذكراسمه حتى اندفع ليسلم على بحرارة كأنه يعرفني منذ القدم، قبل أن يتحرك بسرعة ويجلس في منتصف الحجرة وهو يشير إلينا بالجلوس بجانبه، أشار إلى المهبط بالجلوس بجانبه، فجلست وأنا أنظر بين الفينة والفينة إلى القرد، فأجده يبتسم لي وهو يهز رأسه مرحبًا، كان لا يتكلم، فكل حديثه معنا كان بالإشارات والإيماءات، مال المهبط عليه وهو يشير إلى وإلى كيس الطعام، فقام القرد على الفور بالجلوس على فخذي وأخذ يقبلي من وجنتي ورأسى وعيني، لم يترك مكانًا في وجهي إلا وشرفه بالزيارة، قبل أن يفرك كفيه بسرعة وهو ينظر إلى الكيس مترقبًا، ولكن المهبط أغلق الكيس بإحكام ووضع بجانبه ثم قام ببعض الإشارات السريعة التي يستخدمها الناس في التعامل مع الشخص الأبكم.

التقط القرد هذه الإشارات لتنتقلها عينيه إلى مخه الذي ترجمها على الفور فقام على الفور من على فخذي، ووقف في منتصف الحجرة لثانية واحدة وهو يدير عينيه في المكان وكأنه يبحث عن شيء ما، استمر على هذا الوضع لنصف دقيقة كاملة، حتى أنني نظرت إلى فؤاد وأنا أشير إليها مستفسرًا عما يفكر فيه هذا الكائن العجيب، وقبل أن يجيبني تحرك إبراهيم نحو أحد أركان المكان الأربعة ليرفع غطاء زير قديم ويخرج منه ورقة تشبه أغلفة الروايات، فأعطاها للدكتور وهو يبتسم ويختلس النظر إلى كيس الطعام في ترقب، تناول فؤاد منه الغلاف قبل أن يفتر ثغره عن ابتسامة إعجاب ويقول وهو ينظر إليه في فخر:-

الله ينور عليك يا قرد، حاجة زى الفل.

التفت إلى وهو يعطيني الغلاف ويقول:-

ها إليه رأيك؟ ده الغلاف بتاعك، أظن مفيش حاجة أحلى من كده.
التقطت الغلاف من يديه وألقيت نظرة عليه قبل أن تتسع عيني دهشة مما
رأيت في الورقة. فرفعت رأسي عنها وأنا أنقل بصري بين الرجلين في دهول و.....
وفقدت الوعي.

أغمى عليك.
نطقها أشرف مقاطعًا كامل وهو يمسخ دموعه التي سألت مع ضحكاته
العالية. على ما يحكيه مدرس الطبيعة، كان من الواضح أن الحكاية تروق لسيادة
المقدم، فمع كل كلمة يلقيها على مسامعه الرجل كان يضحك بملء فيه، مما يؤكد
أن الرواية تروق له. قبل أن يكمل الرجل حكايته ارتفع صوت طرقات قوية على
الباب، فأذن أشرف لصاحبها بالدخول. وعلى الفور دلف النقيب أحمد إلى المكان
وهو يقول بلهفة:-

رانيا عامر رجعت يافندم.
وعلى الرغم من أهمية هذا الخبر بالنسبة لأشرف إلا أن حكاية كامل يبدو أنها
كانت تروق له إلى أبعد مدى، فقد لوح بذراعه بلا مبالاة وهو يقول:-
خد قوة وروح هاتها يا أحمد، وما تقاطعنيش تانى.
انطلق أحمد مغادرًا المكان، في حين نظر أشرف إلى كامل وقال وهو يبتسم:-
ها، وحصل لك إيه بعد كده.

وأكمل الرجل الحديث، وبلا انقطاع هذه المرة.

فجأة تحولت الدنيا أمام عيني إلى اللون الأبيض الناصع، مددت يدي محاولًا
اختراق هذه السحابة البيضاء، لأجدها تتمزق بين يدي بسهولة ويسر رفعت رأسي
فإذا بي داخل أحد القبور، أما اللون الأبيض فقد كان كفني الذي دثروني فيه
بعناية فائقة، ولكن هل أنا ميت بالفعل؟ ولو كنت ميتًا فما هذا اللون الأبيض

الذى يحيط بى من كل جانب حتى بعد خروجى من الكفن على عكس شدة الظلام الذى تمتاز به القبور، وما هى إلا ثوانٍ قليلة وجاءتني الإجابة على شكل دفقة من المياه الباردة اصطدمت بوجهي لتلقى بى لأرض الواقع مرة أخرى، اعتدلت في مكاني لأجد القرد يجلس أمامي مباشرة ويحدق بعينه الصغيرتين في وجهي باهتمام شديد، وفي يده اليمنى قلة من القلل القناوى، يشرب منها القليل من الماء قبل أن ينثره من فمه على وجهي، بين الحين والآخر، أشرت إليه بأن يكف عن صنيعه، ثم ضممت ركبتي إلى صدري وجلست في مكاني، لأتابع الموقف من جديد، لقد كان فؤاد جالساً على بعد مترين مني، يتناول الطعام بنهم شديد وبلا مبالاة لما حدث لى قبل أن يرفع عينيه عن الطعام ويقول ساخراً:-
إيه، سلامتها أم حسن.

لم ينتظر منى إجابة فأكمل حديثه قائلاً وهو يعود لتناول الطعام مرة أخرى:-
أنا عارف إن القرد بيعمل أغلفة جامدة، لكن مش لدرجة إنك تدوخ وتقع وتفرده مننا كده أول ما تشوف الغلاف، عجبك، صح؟
قبل أن أتكلم أمسك القرد الغلاف وأشار إليه ثم يشير إلى صدره بفخر نظرت إليه ولم أفهم ما الذى يعنيه بهذه الإشارات العجيبة، فنظرت إلى الدكتور وسألته:-

هو يقول إيه؟

أشار الهمز إلى القرد كى يعود لتناول الطعام معه، فأسرع إليه على الفور وبدأ في تناول الطعام مرة أخرى، ليلتقط أحد وركى الفرخة ويلقى به بأكمله في فمه وما هى إلا لحظات وأصبح فى خبر كان، قطع فؤاد تأملاتى للقرد قائلاً وهو يمسح يديه فى التى شيرت الأخضر اللون الذى لا يرتدى غيره:-

بيقول لك إنه تعب أوى فى عمل الغلاف ده، وإن الشغل ده ما بيطلعش غير للحبايب.

أمسكت بالغلاف ونظرت فيه مرة أخرى قبل أن أرفعه أمام وجه الهمز وأقول بصوت يقتله الغضب:-

هوفين الغلاف ده، كل اللي في الورقة نقطة حبر سوداء في وسط غلاف أبيض اللون، فين الفن اللي هنا؟ هه، ممكن تقولى فين التعب اللي تعبته؟
نظر الهظ في عيني بيروود قبل أن يشير إلى الغلاف مرة أخرى ويقول:-
مش الرواية بتاعتك من نوع الخيال العلمى، زى ما بتقول؟
هززت رأسى موافقًا لكلامه فأكمل حديثه قائلاً:-
طب عايز إيه تانى؟ أهم حاجة اليومين دول في الأغلفة هو الرمزية، هو لازم
علشان الرواية خيال علمى يروح راسم لك كائنات فضائية ووحوش وحاجات من
اللى السيمة خربت بيها عقولكم، الغلاف اللي في إيدك ده هيجير القارئ ويخليه
يسأل عن معناه، وهنا نقدر نرد عليه، رد يتوهه أكثر فيشتري الرواية علشان
يقرأها ويعرف سر الغلاف، وبكده تزيد المبيعات وتخلص الطبعة بتاعتك ونعمل
غيرها وغيرها والبلية تلعب، علشان تسرسق البصارى وأنشفك دوغرى.
على الرغم من أنى لم أفهم معنى الكلمات الأخيرة التى تفوه بها الهظ، ولكنى
سألته قائلاً:-

طب ممكن تقولى لى الغلاف ده معناه إيه؟

وأقول لك أنا ليه، ما نسأل اللي عمله أحسن.

قال عبارته وهو يلتفت لإبراهيم القرد ويبدأ فى إرسال إشارات مرة أخرى التى
لم يكده القرد يترجمها حتى قام من مكانه وأخذ يقفز على أربع عدة قفزات قوية،
ثم نام على ظهره ورفع قدميه لأعلى قبل أن يقفز ليتعلق بالنافذة الحديدية مرة
أخرى وهو يطلق أصواتًا غريبة، تشبه أصوات القرود تمامًا، ثم عاد ليقفز إلى
الأرض مرة أخرى ويهرش فى رأسه على نحو سريع ثم ينظر لأصابعه، أكثر من مرة،
وفجأة سكت تمامًا وهو يتبادل النظرات مع الهظ الذى هز رأسه متفهمًا، ثم قال:-
بيقول لك إن الغلاف ده أخذ منه وقت طويل جدًا، لغاية ما لقي الفكرة دى،
ده غلاف رمزى جدًا، بيوصف حال الإنسان بعد هلاك البشرية، وحدث انهيارات
جليدية فى كل مكان على وجه الأرض، وده بيمثله اللون الأبيض، واللى هيجصل

بعد كده إن الإنسان هيتفحم من كتر البرد وقسوته، والإنسان هنا هو النقطة السوداء.

سألته ساخراً:-

يتفحم من كتر الجليد وقسوته، إزاي ده يعنى؟

وضع كفه على كتفى وقال بلهجة حازمة:-

علشان دى رواية خيال علمى يا أستاذ، يبقى لازم الإنسان يتفحم من الثلج.

قال عبارته ثم اقترب من القرد وأشار إليه ببعض الحركات السريعة والتي عرفت بعد ذلك أنها تعنى أن هذا الغذاء الذى طفحوه سوياً هو حق الغلاف الذى قام بالإبداع فيه ذلك الكائن المدعو إبراهيم القرد.

بالغدا ده يبقى حق الغلاف وصلك يا قرد.

ولكن هذا الرجل لم تكن لترضيه هذه الوجبة فوضع إصبعيه السبابة والوسطى على فمه، فأخرج فؤاد من جيبه علبة سجائر من النوع الرديء والتقط منها واحدة وأعطائها للقرد الذى ابتسم فى سعادة وأخذ يقبله من وجنتيه قبل أن يأخذه بين أحضانه ويبكى من فرط السعادة.

ربت الهبط على ظهر القرد وهو يبتسم بحنان وشفقة قبل أن يقول:-

فنان، والله العظيم فنان.

قال عبارته ثم التفت إلى وقال:-

يلايا أستاذ علشان قدامنا مشوار تانى مهم، ولسه الطريق طويل.

أشرت للغلاف وقلت على الفور:-

طب والغلاف ده هنعمل فيه إيه؟ خلاص كده خلص الغلاف يعنى؟

ابتسم الهبط وقال موضحاً:-

دى البروفة، ولسه فى تعديلات كتير عليها، سيبيه دلوقتى والقرد عارف هيعمل إيه.

تركته له، فناوله للقرد وهو يشير إليه ويؤدى بعض الحركات بذراعيه فيما

معناها:-

كده تمام، إعمل الفنش بتاعه بقى، ويللا خرجنا من هنا بقى علشان عندنا مشوار مهم.

أخذ القرد يهز رأسه وهو يتحرك نحو القبر القصير الذى يوجد فى منتصف الحوش، وأزاح إحدى شاهديه بقوة فتحرك القبر بأكمله جانبًا لتظهر درجات سلالم تقود إلى أسفل، أشار فؤاد إلى وقال:-
يلا بينا.

تبدت مكانى وأنا أشير للقبر وأقول والرعب يعصف بكيانى:-
إيه ده؟ إحنا هننزل هنا؟

أمسك المهظ بذراعى بقوة وقال وهو يدفعنى دفعًا نحو القبر:-
ما تخافش ده آخره فى ممر هيخرجنا على الطريق على طول.
تراجعت وأنا أدفع يديه بعيدًا عنى وأقول:-

طب ما نرجع من مطرح ما جينا.
وقف فجأة ثم أشار للقرد وقال:-
هتيجى معايا ولا أسيبك معاه.

نظرت للقرد فوجدته ينظر إلى بحنان ويلعب حاجبيه ويلقى لى بقبالات فى الهواء، فنظرت لفؤاد وقلت وأنا أمسك بذراعه وأقول راجيًا:-
لأ، خدنى معاك، تحت أهون من القعدة مع البنى آدم ده.

بدأنا ننزل درجات السلم بهدوء، حتى أصبحنا داخل القبر، وفجأة أغلق القرد القبر علينا، ليحل علينا ظلام دامس رهيب، لا نكاد نرى حتى أصابع أيدينا من خلاله، بدأت أنتحس طريقي دون أن أترك ذراع المهظ الذى كان يتحرك بهدوء وثقة داخل المكان وكأنه ولد فيه، وفجأة اصطدمت قدمى بأحد الجثث الموضوعة على الأرض، فأطلقت صرخة مدوية، ثم أتبعتهما بأخرى أشد منها عندما ارتفع صوت الرجل قائلاً:-

وحددددددوووووه.

ثم بدأ يجد في السير حتى وصلنا لآخر القبر لنجد حائط كبير، دفعه الهظ
ببطء، فانزاح جزء صغير منه يكفى لعبورنا نحن الإثنين، ومع عبورنا أغشى
أعيننا ضوء قوى مبهر، لنجد أنفسنا خارج منطقة المقابر، في نفس المكان الذى
تقابلت فيه مع فؤاد قبل أن ندخل لإبراهيم القرد.
وقفت ألهث في مكانى، وأنا أبتلع ريقى بصعوبة، ثم صافحت الدكتور وأنا
أقول:-

أنا همشى دلوقتى، مش قادر بجد، أنا حاسس إنى تعبان أوى.
ترك يدى ثم قال:-

رايح فين؟ والمشوار التانى، مين اللى هيروحه معايا؟
لوحث بيدي وأنا أقول:-

مش قادر بجد، روح إنت.
اقترب منى وقال:-

أروح أنا فين؟ لازم تيجى معايا، علشان تشوف كل حاجة وتعرف شغلنا ماشى
إزاي.

وضعت كفى على كتفه ثم قلت:-

أنا واثق فيك، روح إنت مشوارك وسيبنى فى حالى.
ضاقت عيني الهظ ثم قال:-

أيوة بس أنا بقى دلوقتى اللى مش واثق فيك، ولو ما جيتش معايا دلوقتى،
كتابك هينزل السنة اللى جاية، إنت حر.

قالها ثم أولانى ظهره واستعد لعبور الشارع، فأمسكت بذراعه وقلت له:-

خد هنا، إنت رايح فين؟ خلاص هاجى معاك بس عايز أعرف إيه حكاية القبر
ده، وحكاية الراس اللى كان كلها شعروفتحت لنا قبل ما ندخل على القرد.

أشار إلى ميكروباص فتوقف على الفور، صعد إلى الميكروباص وهو يشير لى
أن أحذو حذوه، ففعلت ثم قال وهو يخرج أجرة الميكروباص من جيبه ويعطها
للراكب الذى يجلس أمامه ويقول:-

واحد يا ريس.

قال كلمته ثم التفت إلى وقال وهو يتبسم في سماجة:-

معلش أصل مفيش معايا فكة.

قلت على الفور وأنا أخرج أجرتي وأعطيتها لنفس الراكب:-

ولا همك.

قال الهظ وهو يتراجع في مقعده:-

أنا هحكي لك كل اللي عايز تعرفه واحنا في طريقنا للمعلم بصبوص العترة،

الطريق لسه طويل.

عقدت حاجبي وأنا أردد كلمته:-

بصبوص العترة!!! وده يبقى مين كمان؟

نظر إلى في استخفاف ثم قال:-

هو في حد في مصر ما يعرفش مين بصبوص العترة، على العموم قبل ما أقول

لك هو مين، عايز أقول لك إن القبر اللي كنا فيه ده، هو المكان الوحيد اللي بيحب

يقعد فيه القرد وعمل له مخرج على الشارع علشان لما يتخفق يخرج يتنفس ويرجع

تاني، بيقول إن الوحي بييجي له في المكان ده بالذات، وبيطلع أحسن أغلفة يحكي

ويتحكي بها الناس.

قلت في سخرية مريرة:-

يحكي ويتحكي بها الناس، هي دي أغلفة دي.

ربت على فخذي برفق ومودة ثم قال:-

أصبر بس لما تشوف الغلاف ده لما يخلص، والله وحياتة ولادى ليكسر الدنيا، أما

حكاية الراس اللي طلعت لنا فجأة دي وما لقيناهاش لما دخلت عند القرد، دي يا

سيدي تبقى راس القرد برضه، الواد ده من زمان وهو مخاوى، شوية تلاقية بشعر

وشوية من غير شعر خالص زي ما شوفته كده، شوية هادى وشوية جن مصبور،

وعلى فكرة راس القرد دي اللي اتعمل عليها المثل المشهور اللي كل الناس عرفينه.

عقدت حاجي وقلت متسائلًا:-

مثل إيه؟

ابتسم وهو يدير وجهه ناحيتي ثم قال:-

هو يعنى إحنا ما نجيش إلا عند راس القرد ونشمها.

ابتسمت على الرغم منى قبل أن أقول وأنا أشير إليه بالسبابة:-

على فكرة إنت بتقول المثل غلط، المثل بيقول

ما نجيش إلا عند.....

قاطعتنى قائلًا وهو يضع كفه على فمى ويتلفت حوله:-

الى قلته لك هو المثل الصح، أسكت هتودينا فى داهية.

اجتاح الصمت أفواهنا، حتى وصل الميكروباص إلى منطقة السيدة عائشة،

فنزلنا منه على وجه السرعة، قبل أن نركب ميكروباص آخر متوجهًا إلى منطقة

المنيل، ثم ركبنا آخر إلى الكورنيش، ثم آخر إلى منطقة دار السلام، وفى كل مرة

أقوم أنا بدفع الأجرة إلى السائق. وعندما وصلنا إلى كوبرى دار السلام الشهير،

قال لى المهظ وهو يصعد إلى الكوبرى سيرًا على الأقدام:-

مش هنقدر نركب تانى لإن الدنيا زحمة فى الحتة دى، هنتمشى شوية.

هززت رأسى موافقًا وأنا أصدع معه الكوبرى. وما أن أصبحنا فى منتصفه حتى

اتسعت عيني دهشة وتعجبًا من هول ما رأيت.

جموع رهيبة من البشر، تسير فى شارع ضيق، يتوسطه رصيف صغير ليقسم

الشارع إلى نصفين. نصف ذهاب والآخر عودة، من المفترض أن هذا الشارع تسير

فيه السيارات فى اتجاهين مخالفين، ولكن الأعداد المهولة من البشر كانت تعوق

حركة سير السيارات، التى توقفت تمامًا من شدة الزحام، أما أسفل الكوبرى فقد

انتشرت عربات الباعة الجائلين وبائعى الخضروات. وغيرها وغيرها من السلع

المعمرة وغير المعمرة، لدرجة أنني شعرت أنه في أي لحظة سأسمع عن من ينادى على بيع العبيد أسفل الكوبرى.

نظرت إلى رفيقى وأنا أشير إلى جموع البشر التى تتحرك كأسراب النمل التى تتحرك فى همة ونشاط للبحث عن قوت يومها، قبل أن أقول:-

إحنا هنمشى فى الشارع ده؟

أجابتى قائلاً وهو يجد فى السير:-

المطبعة بتاعت المعلم بصبوص فى آخر الشارع ده، وهو ده الطريق الوحيد علشان نوصل له، يلا بسرعة مفيش وقت.

ثم توقف فجأة والتفت إلىّ ثم نظر فى عيني وقال بجدية:-

إسمع الكلام اللى هقوله لك ده كويس وركز فيه، وحاول تنفذه بقدر الإمكان، الشارع اللى هنمشى فيه ده اسمه شارع فريدة كامل، من أكثر الشوارع شهرة فى دار السلام، وأكثرها زحامًا، دار السلام مساحتها مش كبيرة، وعدد سكانها ٤٦٩٧١٥ نسمة مغطيين مساحتها كلها، يعنى كل واحد له مساحة بيتحرك فيها، وده حقه ونصيبه، منطقة عشوائية، يعنى ممكن تتوقع أى حاجة ممكن تحصل لك فى أى وقت، خلى بالك من نفسك، ولو توهدنا من بعض خيلنا على رنات بقى، معاك رصييد؟

أجبتة قائلاً وأنا أخرج هاتفى من جيبي وأرفعه أمام وجهه:-

أه معايا.

هز رأسه ثم قال:-

طب حول لى عشرة جنية.

لم ينتظر منى أى رد على كلامه، بل أولانى ظهره وسار فى طريقه وأنا خلفه، حتى نزلنا من على الكوبرى واندمجنا مع جموع البشر، كان الليل قد طرق أبواب اليوم واستعد لاحتلاله، واستعد أصحاب المحلات لهذا جيداً فأشعلوا أضواء محلاتهم وأخذ الباعة الجائلين ينادون على بضاعتهم، واختلط الحابل بالنابل على أرض

دار السلام، الفتيات لم تسلم من المعاكسات، ناهيك عن التحرش في الزحام، والشباب المتسكع على جانبي الشارع قاموا بمهامهم جيداً في سرقة عباد الله، وفي غمرة هذه الأحداث وبقوة الدفع ليس إلا، وصلت إلى منتصف الشارع بفضل الله تعالى، ولكنني لم أجد فؤاد، أخذت أتلفت يميناً ويساراً باحثاً عنه ولكن دون جدوى، رفعت تليفوني وطلبت رقمه، استمعت لرنين الهاتف ولكن بلا مجيب، وبصبر الجمال وبراعة ميسى التفتت إلى الخلف وراوغت بمهارة أفواج البشر التي قابلتني وأنا أعود مرة أخرى لأخر مكان تقابلت فيه مع رفيقي، وبعد نصف ساعة من البحث والتقصي، وبعد الغوص في جالونات من العرق سواء كان من الرجال أو النساء أو غيرها من الكائنات التي تمشي على قدميها أو حتى على أربع، وجدته. كان يقف عند أحد محال عصير القصب، يرفع كوباً عائلياً من العصير ويتجرعه مرة واحدة بسرعة البرق، قبل أن يلتقط كوباً آخر ويصنع به ما صنعه بأخيه، وبجانبه يقف رجلاً يشرب العصير بسرعة محاولاً مجاراة الهظ ولكن هيات، لقد كان يواجه ما لا قبل له به، يواجه الهظ رجل آخر الزمان، اقتربت منه لأجده يقول بأعلى صوته وهو يصفع الرجل على قفاه بقوة:-

كده يبقوا تمانية يا قفل، إيدك على عشرين جنية.

لم ينبس الرجل ببنت شفة وهو يضع يده في جيبه ويخرج العشرين جنياً ويعطيها لغريمه الذي التقطها على الفور وأخفاها في جيبه وهو يقول لصاحب المحل:-

الحساب عند الزبون يا معلم حنتيرة، ليلتكم بتضحك.

قال عبارته والتفت ليجدني أمامه، فبادرني قائلاً:-

بقي ده اسمه كلام يا راجل، عمال أدور عليك من الصبح، روحت فين؟ أنا لما زهقت من كتر ما بدور عليك ومالقيتكش قلت أشرب لي كوباية عصير عقبال ما تيجي.

أشرت إلى أكواب العصير الثمانية وأنا أقول:-

كوباية عصير!!! دول تمانية.

أطلق ضحكة عالية ساخرة قبل أن يقول:-

دى مسابقة بي عملها المحل كل أسبوع والهادرة كان ميعادها، والحمد لله
كسبت الواد بصلة، أكثر واحد فى الحنة بي شرب عصير، ولبسته حق الليلة، هو
مش عارف بيلعب مع مين ولا إيه؟
علشان كده كنت مستعجل علشان نيحى هنا بسرعة وكل شوية تبص فى
الساعة.

أشار إلى بسبابته اليمى وهو بيتسم ويجيبى:-

الله ينور عليك، ودلوقتى يلا علشان ما تتأخرش على المعلم بصبوص.

أشرت بيدي إلى آخر الشارع المزدحم بالبشر وأنا أقول:-

مع الناس دى كلها والشارع المमित ده يبقى هنوصل بكرة إن شاء الله.

نطقت عبارتى واليأس يقتلنى كلما نظرت لهذا الجمع من البشر، الذى يشبه
يوم الحشر العظيم، وخاصة عندما وجدت بجانبى شيخاً عجوز مسن يبكى ويرفع
يديه للسماء ويقول:-

يا رب، المرة دى، يا رب المرة دى.

فأشرت للهيظ وقلت له الراجل ده مالاه؟

أجابنى قائلاً وهو يمسكنى من ذراعى:-

ده عم (إبراهيم كده)، كل ما ينزل من بيتهم ما يعرفش يروح من الزحمة، والمرة
دى داخل على أسبوع مش عارف يروح، ربنا معاه، يلا علشان هنتأخر، فى طريق
مختصر هنوصل منه على طول، بص هنخرم من الحارة اللى جاية دى وأخرها
هنلاقي المطبعة.

هبط كلامه على رأسى كالصاعقة ولم أستطع الحديث من بعدها، ما دام فى

طريق مختصر، يبقى ليه نمشى من الشارع الزحمة ده؟

وصلنا أخيراً للمطبعة، التى تقع فى آخر شارع فايده كامل، فى أحد البيوت

المهجورة والتي تمتاز بها هذه المنطقة، وقبل أن ندخل من باب البيت إذا بجائط ضخمة يعترض طريقنا، فتوقفت عن السير وأنا أتطلع إليه لأجد أمامي كائن بشري هائل الحجم يصل طوله إلى المترين ومحيط صدره إلى المتر والنصف يرتدى بنطالاً من الجينز وتى شيرت مقلّم بالعرض يذكرك بالتى شيرت الذى كان يرتديه دنجل دائماً في مجلة ميكي، له رأس صغيرة لا تتناسب مع حجمه، وليس له أى ملامح واضحة، اعترض طريقنا وقال بصوت رفيع حاد عندما تسمعه لا بد أن تضحك:-
على فين يا حلوانت وهو.

تكلم فؤاد وهو يفرد صدره بقوة ويقول بصوت قوى لا يهاب أحد:-
إحنا جايين للمعلم بصبوص في شغل، قول له الهظ، وكلمة السرمال الحلو ماله.

لم يكد الرجل يسمع كلمة السرحتى اختفى من أمامنا لدقيقة كاملة قبل أن يعود مرة أخرى ويقول:-

المعلم بيقول لك، ما جيتاش على باله.
أتم العملاق كلمة السرثم أشار إلينا وقال:-
تعالوا ورايا.

انطلقت أنا وفؤاد خلفه، وهو يسير عبر ممرات طويلة، يخرج من واحد ليدخل في الآخر حتى وجدنا أنفسنا أمام باب حديدي ضخمة، دفعه العملاق بسهولة ثم عبره وهو يشير إلينا بالدخول، فدخلنا من الباب ورفعت بصرى لأجد أمامي مكتب ضخمة من خشب الزان، ومطلى بماء الذهب، يجلس خلفه الرجل الذى تحملنا المشاق كي نصل إليه، المعلم بصبوص العترة، أخيراً رأيته، وباليتمنى ما رأيته.

كل دى غيبة يا واد يا وسخ، وحشتنى والله، فينك وفين أيامك الحلوة.
نطق المعلم بصبوص بهذه العبارة وهو ينظر إلى الهظ والفرحة تملأ عينيه
وكيانه بأكمله.

ابتسم الدكتور ابتسامته الشهيرة وقال وهو يتراجع في مقعده بهدوء:-
مشاغل والله يا معلم، إنت عارف الدنيا تلاهى.
ضحك المعلم حتى بانته لوزتيه ثم قال من بين ضحكاته:-
لسه زى ما إنت، بتحب ترسم الدور على ال...
قاطعه فؤاد كى لا يستمر فى الحديث عنه وعن تاريخه الأسود، قائلاً:-
أحب أعرفك بالأستاذ كامل يا معلم، كاتب جديد بس من النوع الجامد أوى،
عامل رواية جديدة اسمها أحلام هتكسر الدنيا.
تكلمت على الفور مصححاً لفؤاد إسم الرواية:-
رواية أفلال مش أحلام.
لوح بكفه بلا مبالاة، فى نفس اللحظة التى التفت إلى المعلم بصبوص وقال
مرحباً:-
يا أهلاً وسهلاً، نورتنا يا أستاذ.
قال عبارته ولم ينتظر رد ترحيبه بى، بل التفت إلى التين المهاجر الذى فتح لنا
الباب وقال بلهجة أمرة:-
شوف الأستاذ يشرب إيه ياض يا كتكوت.
تكلم كتكوت بصوته الرفيع الذى يشبه صوت صفير البلبل قائلاً:-
حضرتك تشرب إيه؟
وضعت كفى اليمنى على صدرى وقلت وأنا أبتسم:- متشكر جداً يا معلم، الله
يخليك.
وضع المعلم (لى) النرجيلة التى يشرب منها، والذى يشبه خرطوم عربية
المطافى، والذى لم يتركه بصبوص منذ دخولنا عليه، كان يحتضنه وكأنه طفله
الرضيع، وعندما يضع المعلم لى النرجيلة، فلا بد أن هناك أمراً جليلاً سيحدث،
وبالفعل حدث هذا الأمر، عندما قام من مكانه واقترب منى ونظر فى عيني مباشرة
وقال:-

إيه يا أستاذ، إنت بخيل ولا إيه؟ عيب لما تقول كده إنت فى حتتنا، وحقك علينا واجب، لازم تشرب حاجة، فاهم ولا أقول تانى.

ابتلعت ريقى بصعوبة وأنا أنظر إلى عينيه النارتين، وإلى قامته الطويلة وعضلات ذراعيه المنتفخة والتي تبدو واضحة من أسفل الجلباب الصعدي الذى يرتديه، على الرغم من اتساعه، لم أملك أمام هذا الهجوم إلا أن أقول:-
لو ممكن حاجة ساقعة يا معلم، بعد إذلك.

أشار بسبابته اليمى إلى عينيه قبل أن يلتفت إلى الهبط ويقول:-

وانت تشرب إيه يا فؤاد؟

فرك كفيه وقال بسرعة:-

نص فرخة يا معلم، بس خليه يقرص على الشواية شوية، أحسن ما إتغديتش لغاية دلوقتى.

اتسعت عيني دهشة من كذب الرجل، ما دمت تقول أنك لم تتناول غدائك حتى الآن، فمن الذى التهم طعامى هو وإبراهيم القرد، ظللت أنظر إليه فغمزلى بعينه اليسرى، كى لا أتكلم فالتزمت الصمت وأنا أكاد أنفجر غيظًا وكمدًا،
أطلق الجاموس الأبيض المدعو خطنًا بكتكوت ليأتى بالطلبات، فى نفس اللحظة التى التفت فيها بصبوص إلينا وقال بلهجة عملية:-

خير، أنا تحت أمركم.

تكلم فؤاد قائلاً بجدية:-

إحنا عايزين نشوف الورق اللى عندك يا معلم، علشان عايزين نطبع الرواية بتاعت الأستاذ، أخبار ورق التوباكو كوايه؟
أطلق المعلم زفرة حارة قبل أن يقول:-

إنت عارف إن الورق ده بيعجى من بره يا بهظ، والجمارك زادت على الورق ده بالذات للضعف، بيقول لك يا سيدى بعد ما بيلفوا الورق على وراك الفراخ البادرة لازم يفرده تانى على صدور الفراخ الشامورت، وهنا المشكلة بقى، الفراخ

الشامورت في الموسم ده، بقت تعبانة أوى، أول ما تحط عليها الورق علشان تفرده، تفرده منك وتفرفر في ساعتها، وطبعاً ده وقف تصنيع الورق لفترة، حتى الفراخ مبقاش فيها بركة.

زم الهظ شفتيه وقال مفكراً:-

امممم.

ثم غمز بعينه اليسرى للمعلم وقال وهو يبتسم:-

طب مفيش كام روزمة شايهم على جنب للحياب، أنا عارف إنك بتدكن الشغل النضيف لغاية ما الحواجب تلعب من تانى.

صفعه بصبوص على قفاه بود وهو يضحك ويقول:-

طول عمرك لماح يا وسخ، أنا فعلاً عندي شغل مدكنه للحياب، وعلشان الأستاذ أبووش سمح ده مش هعزه عنك، قوم تعالى معايا علشان أوريه لك. لم يعترض الهظ عندما ضربه المعلم على قفاه، بل ابتسم في سعادة. فقلت في نفسى لعلهم أصدقاء، وبين الأصدقاء لا توجد حواجز.

أشار إلينا المعلم كى نتبعه فقمنا من المكان في نفس اللحظة التي وصل فيها كتكوت وهو يحمل الطلبات التي طلبناها، تناولت أنا المياه الغازية، واختطف فؤاد اللفافة التي تحوى بداخها نصف الدجاجة الحزينة، والتي التقطها من اللفافة بسرعة البرق وأمسكها من وركها جيداً بيمناه، وفي يسراه أمسك بكوب من الطحينة الطازجة، وبدأ في اغتصاب الدجاجة المسكينة ثم يتجرع الطحينة من الكوب مباشرة، كان مظهره يدعو للثناء والاشمئزاز في نفس الوقت، ابتسم بصبوص الذي حمل بدوره نرجيلته الحبيبة، وقال وهو يخرج الأنفاس من منخريه باحتراف:-

شكلك جعان بجدياض.

أجابه الهظ بصوت أجش غريب قائلاً:-

مممممفليس، عموممنت.

ضحك بصبوص وقال:-

طب بالراحة، كل بالراحة هتموت.

قال عبارته ثم أولانا ظهره وسار في طريقه، فما كان منا إلا أن تبعناه حتى وقفنا أمام باب خشبي عتيق، فأشار إلينا المعلم بالتوقف والابتعاد لمسافة لا تقل على خمسة أمتار، فقلت وقتها أن هذا الباب لا يفتح إلا بكلمة سر لا يعلمها إلا المعلم، لذلك لا يريدنا أن نراها، ولكن ما فعله بعد ذلك لم يكن في الحسبان أبدًا.

لقد فعل ما جعل دهشتي يرتفع منسوبها بداخلي إلى أعلى معدلاتها، فقد رأيت مع فؤاد عجب العجائب ولكنني لم أكن أتخيل ما صنعه بصبوص في هذه اللحظة، لقد وقف أمام الباب ثم طرقة ثلاث طرقات ثم شرع يطبل عليه كما يفعل أمهرعازي في الدربوكة، استمر نقره على الباب لدقيقتين كاملتين، أخذ فيهما فؤاد يتمايل يميناً ويساراً مؤدياً إحدى الرقصات الشعبية، وانطلق كتكوت يصفق بيديه بمهارة، شعرت وأنا واقف بينهما أنني في أحد الأفراح الشعبية التي تقام في الحواري والأزقة، وفجأة توقف المعلم عن الطرق على الباب، وسكت معه فؤاد وكتكوت وكأن شيئاً لم يحدث، وفجأة تحرك الباب لينفتح أمامنا، فأشار لنا المعلم بأن نتبعه إلى الداخل، وبالفعل دخلت أنا والفسل إلى المكان السري، الذي يحتفظ فيه بصبوص بالورق، ضغط المعلم على زر الإضاءة في جانب الحائط ليغمر الضوء المكان على الفور، ويحيله في ثانية واحدة إلى نهار مشرق بسام، والحق يقال أن الذهول كان هو سيد الموقف والذي يجب أن نرفع له القبعة في هذه اللحظة، لقد كان المخزن خالياً تماماً من أي نوع من أنواع الورق، ولكن ما أثار دهشتي بحق هو تعليق فؤاد الذي ابتسم في رضا وقال:-

الله ينور عليك يا معلم، حاجة زى الفل.

نظرت إليه وقلت مستنكراً:-

هو إيه اللي زى الفل؟ فين الورق؟

لم يعرني أى اهتمام، وهو يلتفت إلى بصبوص ويقول راجياً:-
بقول لك إيه يا معلم، أنا طمعان فى كرمك وكرم أخلاقك، تخلىنى أبات فى
المكان ده. اليوميين دول أحسن أنا تعبت من كتر المرواح والمجى كل يوم، والدارمش
نضيقة. والولية أم السعد مش عايزة تيجى تنضف المكان تانى.

لم يكد المعلم يسمع اسم أم السعد حتى احمرت أذنيه وسال اللعاب من
شديقه فى شيق وتكلم بصوت مبوح قائلاً:-

إنت تقصد أم السعد اللى كل حاجة عندها كبيرة يا واد يا فؤاد؟
غمز بعينه اليسرى وعلت شفثيه ابتسامه خبيثة وهو يجيب المعلم قائلاً:-
هى يا معلم، وعلى فكرة بتسلم عليك، وبتقول لك، العجل هد المصطبة.
انتفخت أوداج المعلم، وغمرت السعادة وجهه وملأت جوانب نفسه وهو
يقول:-

ياه ياه، والله كانت أيام حلوة. بص ياض أنا هعمل معاك اتفاق، كلم أم السعد
تيجى تنظف لى البيت يوم الجمعة، وخالتك أم شاهين هتكون فى البلد، والبيت
هيبقى فاضى، أهومنها أم السعد تنظف البيت ومنها تشوف لى الفنجان زى زمان،
بس خلى بالك، الموضوع ده لو فكس، هركب لك ديل.
هز الهظ رأسه وارتفع صوته قائلاً:-

إلعب يا سمك، حلاوتك يا معلم، أحلامك أوامريا كبير. اعتبر الموضوع ده
خلص، واعتبر النهاردة الجمعة كمان.

ضحك المعلم وقال:-

طب خلاص روح بقى علشان أم السعد زمانها جاية.

ضحك الهظ بدوره وقال:-

طب أروح أجيب ٦ مشبرين؟

ارتفعت ضحكاتها معاً، وأنا أستشيط غضباً فقلت بصوتٍ عالٍ محاولاً جذب

انتباههم لى:-

طب ومشكلة الورق يا جماعة هنعمل فيها إيه؟

عقد فؤاد حاجبيه متسائلًا ثم قال:-

ورق إيه؟؟

اتسعت عيني في دهشة وأنا أردد كلماته في ذهول حتى ضربه المعلم على ظهره

بكف يده الضخمة وقال:-

اصحى يا ض وفوق بقى، الورق بتاع الراجل علشان روايته الجديدة أفلام.

التفت إلى المعلم وقلت مصححًا:-

اسمها أفلال يا معلم، مش أفلام.

لوح المعلم بكفه في ضجرو وقال:-

يا عم بلاش خوته بقى أفلال زى أفلام زى بتنجان، أهو كله بيتقرى اليومين

دول، خليها على الله، المهم الورق بتاعك هناك أهو.

نظرت إلى موضع إشارته فلم أجد إلا عدة زُرْم من الورق لا تكفى لعمل حتى

حلة ورق عنب، فأشرت بيدي إلى الورق وقلت مستهجنًا:-

هو ده الورق؟ ده هيكفى يتعمل به الكتاب.

أجابنى المعلم قائلًا:-

صلى على اللى هيشفع فيك يوم القيامة، البركة فى القليل.

علق فؤاد وهو يلتمهم أخرج قطعة من الدجاجة الحزينة التى أجهز عليها قائلًا:-

الله ينور عليك يا معلم.

ثم التفت إلى وقال:-

ما تقلقش يا أستاذ، أنا هظبط لك الدنيا، ووالله لترجع لأهلك مجبور الخاطر.

أرجع مجبور الخاطر هو أنا كنت م....

قاطع المعلم اعتراضى على كلام فؤاد وقال:-

خلاص إستبيننا، إبعث لى البى دى إكس، بتاع الأستاذ يا بهظ، وبعون الرحمن

نخلص له كتابه، قول يا رب.

يا رب يا معلم، ربنا ما يحرمنا منك، ولا من عطفك وحنانك.
قال المهظ عبارته، والمعلم يتحرك مغادراً المكان، فلحق به وقال:-

كده نبقى خالصين يا كبير.

توقف المعلم وقال متسائلاً:-

قصدك إيه يا ض؟

حرك رأسه يميناً ويساراً وهو يلعب حاجبيه ويقول:-

يعنى المكنة اللي طلبتها، أم السعد يعنى، قدام شوية الورق دول، وصدقني يا كبير، أنا كده أبقي دافع زيادة من جيبي كمان، انت عارف أم السعد دى صعب تروح لأى حد، بس إنت عارف غلاوتك عندي، طب وحياة محبتك لى أنا كنت ب....
قاطع المعلم قائلاً وهو يبتسم:-

خلاص يا روح أمك، إنت هتصيع عليا، أنا موافق، بس خلص وابعتها بسرعة قبل خالتك أم شاهين ما تيجي.

لم أعلم ما الحوار الذي دار بينهما بعد ذلك، ولكنني لم أتمالك نفسي من سؤال رفيقي في طريق العودة عما سيصنعه بكتابي وعن المعلم بصبوص، فقلت له ونحن نركب أول الميكروباصات لمغادرة مدينة الحناكيش التي كنا فيها منذ قليل:-

هنعمل إيه في الكتاب بتاعى؟ والورق ده هيكفى؟

أجابني قائلاً وهو يناول السائق الأجرة قائلاً:-

واحد يا اسطى الله يخليك، معلش أصل مفيش معايا فكة، معايا ورقة بميتين جندي.

وضعت يدي في جيبي وأخرجت أجرتي ونقدتها للسائق وأنا أقول:-

مفيش مشاكل، عادى ولا يهيمك.

لم يلتفت لكلماتي الأخيرة وقال:-

بص يا سيدي بكرة تيجي لى الدار على الساعة ٥ كده، هيكون الأستاذ سيكا

الحنين موجود، عايز أعرفك عليه، وعلى فكرة ده من احسن المصححين في مصر كلها، كتابك عنده من يوم ما مضيت العقد معايا، كنت عايز أعملها لك مفاجأة بس خلاص بقى اضطريت احرقها، الراجل خلص الكتاب وعايز يناقشك في كام حاجة فيه، فقلت له يبجي بكرة علشان تدردشوا مع بعض على رواقه.
صمت قليلاً ليلتقط أنفاسه ثم أكمل حديثه قائلاً:-

كنت سألتني قبل كده عن المعلم بصبوص، معنى إسمه إيه؟ الموضوع ده راجع لجد جد جد جد الكبير باص_بوص، آخر سلالة للفراعنة في مصر القديمة وحلوان، الراجل ده كان صاحب مزاج، كان بيصبص للى رايحة واللى جاية، وكان هو المتحرش الرسمي لمعبد الإله خازوق_مان، كان ياخذ الواحدة من دول وراء المعبد ويعمل فيها الفحشاء والمنكر، وفي الآخر يدور على غيرها، ومفيش واحدة كانت تقدر تفتح بقها، ولا تهتمه بحاجة، كل الكهنة كانوا عارفين حكاياته، لكن محدش كان بيعمل له حاجة لإنه كان ماسك على كل واحد فيهم ذلة، يعنى في مرة شاف كبير الكهنة بيعملها على روحه وهو نايم، والمساعد بتاعه كان ما بيلبسش خيارات داخلية من تحت، وغيره وغيره، فكل دول ما كانش فيهم حد بيقدر يفتح بقة مع باص_بوص، كل ده كان مكتوب في بردية اسمها (نعم للتحرش في كل زمان ومكان)، وعلى فكرة إحنا طبعنا الكتاب ده عندنا، وحقق مبيعات خرافية، وزى ما بيقولوا في المثل (ابن الوز شمام) فالعلم بصبوص اللى إنت شوفته ده، وارث جينات جد الكبير، تجيب سيرة النسوان قدامه، يتغير حاله زى ما إنت شوفته كده.

أخذنا الحديث عن المعلم بصبوص، حتى وصلنا لمفترق الطرق، وتركني وانطلق إلى منزله، على وعد بلقاء الغد، وفي طريق عودتي إلى منزلي، سألت نفسى نفس السؤال الذى سألته لفؤاد ولم يجبني عليه، هل الورق الذى رأيناه عند المعلم بصبوص سيكفى لعمل الكتاب؟

للمرة الثانية لم يتمالك أشرف صابر نفسه من الضحك عندما انتهى كامل من حكايته، فأطلق ضحكاته القوية لتلحق في سماء الحجره، وعلى الرغم من حرارة الجو، ومن المروحة الصغيرة الموضوعه على مكتبه لتبدد القليل من جو الحجره الخانق، والتي طالما صبَّ جامٌ غضبه عليها وعلى الإدارة التي لم توفر له جهاز التكييف الذي طالب به مرارًا وتكرارًا، إلا أنه كان سعيدًا برواية كامل، فطوال سنوات عمره التي قضاها في إدارة المباحث بين القضايا الخطيرة والشائكة إلا أنه لم تقابله قضية بهذه الغرابة، ولا أشخاص كالذين حقق معهم.

التقط نفسًا عميقًا ثم قال وهو يتسم:-

وطبعًا الرواية بتاعتك ما خرجتس من المطبعة.

زوى كامل ما بين حاجبيه ثم قال:-

حضرتك عرفت منين؟

- ولا حاجة، مجرد استنتاج.

- فعلاً الرواية ما خرجتس من المطبعة ولا طلعت من الأصل، المهظ اختفى، اتبخر، تليفوناته مقفولة، وتليفون الدار مرفوع من الخدمة، ولما قررت أروح للدار على طول لقيتها مقفولة والبواب قال إن الدكتور مسافر، فضل الوضع على كده لغاية ما جه معرض الكتاب، وهناك قابلته واتفقت معاها، لكن كان ليه عذر غريب جدًا، زيه بالظبط، قال لى إن مكنة الطباعة إتعطلت وإن شاء الله الرواية هتخرج بعد المعرض، وبعد المعرض اختفى تانى، وخلص عليه العوض ومنه العوض، وبعد كده عرفت بخبر موته.

تكلم أشرف وهو يتراجع فى مقعده بهدوء:-

وطبعًا عايزنى أصدق التهريج والهبل اللى حكيتته لى دلوقتى، إنت إيه بتستخف

بعقلى؟

هَمَّ كامل رأسه وهو يقول:-

أبدًا والله يافندم، ده هو اللى كان بيستخف بعقولنا كلنا.

عقد ضابط المباحث حاجبيه في تساؤل قبل أن يقول:-

يعنى إيه؟

ترجع كامل بدوره في مقعده قبل أن يقول بأسى:-

كان يراقبنا يافندم، اللي عرفناه بعد كده انه كان كل فترة يروح أماكن معينة علشان يوقع صيدة جديدة في حباله، وبعد كده يعمل عليهم فيلم يناسب شخصيتهم، يعنى على سبيل المثال أنا مثلاً بعد ما اتقابلنا في ندوة الخيال العلمي، عرفت إنه عمل عنى تحريات سريعة كده، عرف منها طبيعة شخصيتى، يعنى أنا مثلاً بحب الضحك والتهريج وما بشيلش للدنيا هم، فيدخل لى من الناحية دى، فكانت حكايتى كوميدية لأقصى درجة، وأكبر دليل على صدق كلامى إنه لما اختفى بعد أخر مرة سألت على الناس اللي عرفنى عليهم، إبراهيم القرد، وبصبوص العترة، وغيرهم وغيرهم، لقيتهم مالمهمش وجود من الأصل، وعمل الكلام ده مع ناس كتير أوى، علشان يوصل للى هو عايزه، الفلوس وبس.

مال أشرف على مكتبه ثم استند عليه بمرفقيه وهو بيتسم بسخرية ويقول:-

يعنى عايز تفهمنى إن راجل زى ده، كان ليل نهار عمال يلف على رجله وسايب أشغاله كلها، علشان يوقع الناس دى كلها في الفخ اللي نصبه لهم، ده كلام معقول برضو.

استطرد كامل قائلاً:-

أيوه كلام معقول طبعًا يافندم، لإن هى دى كانت شغلته، يروح مثلاً حفلات توقيع لكتاب شبان ويبدأ يناقشه ويتكلم معاه قدام الناس كلها، ويحاول بقدر الإمكان إنه يستخدم مصطلحات محدش سمعها قبل كده علشان يحرجه ويبين له إنه هو ناشر بي فهم وعارف كل حاجة وممكن يفيده أحسن من الناشر اللي هو معاه، ده غير إنه كان له ساعات معينة بيقعد فيها على الفيس بوك بتكون أغلب الناس موجودة فيها، فيدخل على الجروبات الثقافية وينزل بوستات معينة تجذب الناس وطبعًا ده بعد ما يعرفهم بنفسه، على إنه دكتور فى الأدب، مرة بقى

في الأدب الإنجليزي ومرة في الأدب المقارن وغيرها وغيرها من الهري اللي الناس بتحب تسمعه، وبعد كده الناس تنجذب له وتجيله لغاية عنده.
التقط أشرف نفسًا عميقًا وهو يستمع لكامل الذي بمجرد أن سكت تكلم هو قائلًا:-

وانت بقى عرفت كل الحاجات دي إزاي عنه؟
أجابه وعلى شفتيه ابتسامه تجمع بين الظفر والسخرية:-
أنا قلت لحضرتك قبل كده إنى أنا كمان عملت عنه تحريات كبيرة أوى بعد ما اخفى فجأة علشان أعرف عمل فيا ليه كده، وده اللي قدرت أوصله.
غمز أشرف لكامل بعينه اليسرى وهو يقول:-
وطبعًا قررت تاخذ حقلك منه، وتقتله.
انفرض كامل في مقعده وهو يقول بحدّة وارتيابك:-
لأطبعًا يا أشرف بيه، أنا هضيع حياتي علشان واحد زى ده.
قرر الضابط المحنك أن ينتمز فرصة ارتيابك الرجل فقال مباشرة:-

طب تفتكر مين اللي قتله، ونيس مثلاً؟ ولا عمر؟
- لأطبعًا، لاده ولا ده.
- وإيه اللي خلاك متأكد أوى كده؟
- لأنى عارف الإثنين دول كويس، وعمرهم ما يعملوا كده أبدًا.
لدقيقتين كاملتين تفحصت عينا أشرف كل تفصيلاً في ملامحه، كان من الواضح أنه صادق تمامًا في كل كلامه، لذلك فقد تهدّ يائسًا ثم تراجع في مقعده وهو يشير لكامل بالانصراف قائلًا:-

طب اتفضل دلوقتي قول كل كلامك ده تانى في محضر رسى عند الضابط أحمد، وما تمشيش هبعث لك تانى.

أوماً كامل برأسه موافقًا قبل أن يغادر الحجرة، فالتقط أشرف سماعة

الهاتف وطلب رقمًا قصيرًا ثم قال:-

أحمد، كامل هيبجي لك دلوقتي علشان تاخذ أقواله، ابعت رامز هو وتوفيق
لبيت رانيا عامر خليم يجيبوها معاهم، علشان أستجوبها بنفسى.

وضع سماعة الهاتف دون أن ينتظر إجابة من أحمد، ثم التقط قلمًا وورقة
وكتب فيها أسماء جميع المشتبه فيهم في القضية، ثم بدأ في التخطيط على كل
واحد، ووضع الرابط الذى يربطهم ببعض كان كل واحد منهم عنده دافع للقتل
سواء كان من الكتاب أو الكاتبات، ولكنه حتى الآن لم يعثر على أى دليل يدين
أحدهم، لقد..... انطلق رنين هاتفه الخلوى فى هذه اللحظة، فجفل قليلاً قبل أن
ينظر إلى رقم المتصل وترتجف كل

خلية من خلايا جسده، فعلى الرغم من شهرته الواسعة فى المديرية بأنه يمتلك
قلبًا من الفولاذ لا يتأثر بأى موقف، إلا أنه فى هذه اللحظة فقد لقيه عن جداره،
فاسم المتصل كان يشير إلى رجل عاد من قلب الجحيم كى ينتقم كان الدكتور
فؤاد، القتل.

- هتتغدى معايا النهاردة ولا زى كل يوم.
- معلش يا بابا، عندى شغل كثير النهاردة، غصبت عنى والله.
- ربنا معاكى يا بنتى، خلى بالك من نفسك.
- خلى بالك إنت من نفسك، وما تخافش عليا، بنتك بمية راجل.
- أنا بنتى أحلى واحدة فى الدنيا كلها، نفسى أعيش لغاية ما أشوفك بفرسان
الفرح.

- ربنا يسهل يا بابا، لسه نصيبى ما جاش، وبعدين إنت زهقت منى ولا إيه يا
جنرال، أنا اللى هجوزك

بقى، إيه رأيك فى واحدة مزة ترجعك شباب تانى.

(شهيره، المدير عايزك)

قطعت إحدى زميلاتها حديثها التليفونى مع والدها، فاستأذنت منه، وهى تشير إلى زميلتها

بأنها فى طريقها إليه.

أغلقت هاتفها الجوال ثم هندمت ثيابها قبل أن تنطلق

إلى رئيس التحرير، وهى تدعو الله أن يكون طلبه لها خيرًا، فمن المعروف عن رئيس التحرير، أن من يطلبه بالاسم كى يذهب إليه، فإن ما ينتظره هو أمر جليل، طرقت باب مكتبه بهدوء وهى تتمالك أعصابها، فانبعث صوته قويًا من الداخل، يأمرها بالدخول، ففتحت الباب على الفور وهى تقول:-

- حضرتك طلبتني؟

تراجع فى مقعده وهو يتفحص ملامحها ثم قال:-

- أيوه يا شهيرة، إتفضلى اقعدى.

حاولت الابتسام لتتغلب على توترها الذى بلغ ذروته مع نظرات المدير التى لم تنزل من على وجهها، منذ دخلت إلى مكتبه، وعندما ظل على صمته قررت هى بدء الحوار فقالت:-

خير يافندم.

استند بمرفقيه على المكتب وهو يميل ناحيتها ويقول بحزم:-

أقدر أعرف إنتى ليه ما غطيتيش الجنازة بتاعت دكتور فؤاد؟ ليه كل الصحف الثانية يكون لها سبق الصحفى ده، مع إنك كنتى أقرب واحدة منه ومن عيلته.

- علشان كده ما قدرتش أعطى خبر الجنازة بتاعته لأنى عارفه مراته وأمه، إزاي يافندم عايزنى أصور الجنازة واتابعها واعمل حوارات مع الناس عن إنسان كنت بحترمه وبعزه، بأى وش هقابل مراته بعد كده، ما كنتش هسامح نفسى أبدًا لو عملت كده، الميت له حرمة.

- يا أستاذة مصلحة العمل فوق كل شىء، حتى لو على حساب العلاقات

الشخصية، إزاي صحفية شاطرة زيك تغلط الغلطة دى، إزاي؟

- أنا أسفة يافندم، بس صدقنى كان هيبقى صعب عليا أوى.

- يا خسارة يا شهيرة، ضيعتى على الجورنال وعلى نفسك سبق صحفى هايل.

ساد الصمت المكان بعد حديثهما للحظات، قطعه المدير قائلاً بأسف:-

إفضلى يا شهيرة، ما كانش قدامى غير إنى أحولك للتحقيق، وعلى فكرة دا أخف عقاب قدرت أوقعه عليكى.

قامت من مكانها ثم قالت بصرامة:-

أسفة يافندم مش هحضر التحقيق.

تقافزت شياطين الغضب فى وجهه وهو يقول:-

بلاش عناد، ده مش فى مصلحتك.

اعتدلت وقالت بلهجة من اتخذ قراراً لارجعة فيه:-

أنا عارفه مصلحتى كويس، وعلشان كده أنا مستقيلة.

قالت عبارتها وغادرت المكتب بكل ثقة واعتداد تاركة خلفها رئيس التحرير، عيناه متسعان عن آخرهما كمن تلقى ضربة قوية على أم رأسه فلم يستطع التفوه ببنت شفة، لقد كانت كلماتها حازمة وفاصلة، فضربت بكلامه عرض الحائط وأخبرته بقرارها، الحاسم.

- ألو، بابا تحب تاكل إيه؟

أنا هتغدى معاك النهاردة.

- معقول يا حبيبتي، طب وشغلك هتعملى فيه إيه؟

- بلا شغل بلا وجع دماغ، ما طول عمرنا بنشتغل خدنا إيه يعنى، إنت عندى بالدنيا.

ختمت حديثها مع والدها وهى تغادر مبنى الجريدة نهائياً.

رانيا عامر

- أهلاً رانيا، إتفضلى اقعدى.

استجابت فتاة فى أواخر العقد الثانى من العمر رقيقة، جميلة، لها عينان بلون السماء وأنف مستقيم وبشرة بلون الحليب لأمر أشرف، ثم تنهدت وقالت:-

ممكّن أعرف أنا هنا ليه الأول؟

أجابه وهو يبتسم بهدوء:-

سؤالين وهتروحي على طول. اندفعت قائلة بلوم:-

أشرف إنت عارفنى كويس وعارف كل حاجة عنى بحكم إنى صديقة مراتك، وبيننا ود واحترام متبادل أعتقد لو كانوا السؤالين دول بصفة ودية عندى فى البيت كان هيبقى أحسن.

قلب شفّتيه وهو يقول:-

أنا فعلاً كنت هعمل كده بس إنتى كنتى مسافرة، وبعدين الموضوع مش مستاهل التوتر ده كله، الأول قولى لى سمعتى الصوت ده فىين قبل كده.

قال كلماته وهو يضغط على زر معين فى هاتفه النقال لينبعث منه صوت أشرف وهو يقول:-

ألو.

أجابه صوت محدثه قائلاً بسخرية:-

المهله قريت تخلص يا حضرة الظابط، وإنت ما إتحركتش خطوة لقدام.

تكلم أشرف قائلاً:-

مين معايا؟

ازدادت سخرية المتحدث وهو يقول:-

أكيد مش هتعرف صوتى لأنك ما سمعتهوش قبل كده، لكن كل اللى أقدر أقوله لك، المهلة قريت تنتهى ولازم تعرف مين اللى ارتكب الجريمة، وإلا هتندم أشد الندم، سلام.

- دكتور فؤاد.

نطقت رانيا بكلماتها فوضع أشرف هاتفه جانباً ثم قال:-

إحنا حاولنا نتتبع رقم التليفون لكن مع الأسف مالحقناش، لكن إزاي؟ ده أنا حضرت جنازته بنفسى وشوفت جثته وهى بتنزّل القبر، يبقى إزاي يرجع للحياة تانى، مستحيل.

- أنا متأكدة من الكلام اللى بتقوله، لكن ده فعلاً صوت دكتور فؤاد.

استمع لعبارتها والتفكير يأكل خلايا مخه، قبل أن يحرك رأسه يميناً ويساراً ثم يقول:-

ماشى خلى الموضوع ده دلوقتى ولو إنى متأكد إن فى حد بيلعب بينا وعايز يقنعنا إن فؤاد لسه عايش، ولازم أعرف هو مين وإيه هدفه من كل ده، لكن دلوقتى ياسمين قالت لى إنك طبعى كتاب عند فؤاد، عايز أعرف التفاصيل بتاعة الموضوع ده من أوله لآخره.

ملأت رثتها بهواء الحجرة الحارثم استطردت قائلة:-

إنت عارف إنى من زمان بحب أكتب خواطروأبيات شعرية وكنت بخلى المقربين منى يقروا اللى بكتبه ويقولوا لى رأيهم، وفى يوم أشارت عليا واحدة من صاحباتى إنى أنشر الخواطر دى فى كتاب وكل الناس تقرأها وخاصة إن الناس كلها كانت بتعجبهم كتاباتى.

صممت قليلاً لتلتقط أنفاسها ثم تابعت وعيني أشرف تتابعها فى اهتمام:-

سمعت عن دارنشر ظهرت في الفترة الأخيرة وبقي لها إسمها في فترة قصيرة، سألت عنها وعرفت إن صاحبها دكتور محترم ومهذب وبيخاف ربنا، استشرت باسمين فوافقت على الموضوع وطلبت منها تيجي معايا وحددنا ميعاد مع صاحب الدار بعد ما وافق على نشر العمل بتاعى.

نفث أشرف دخان سيجارته ثم قال وهو يشير لها بالتوقف عن الكلام:-

الكلام ده كان من حوالى قد إيه؟

أغمضت عينها وعقدت حاجبها محاولة تذكر المدة الزمنية

قبل أن تفتح عينها وتقول:-

من حوالى ٣ شهور تقريبًا.

هز رأسه ثم أشار إليها بالاستمرار فتابعت قائلة:-

روحنا هناك والراجل رحب بينا جدًا، كان محترم وذوق فى التعامل معانا، لغاية ما أخذ الفلوس بتاعت طباعة الكتاب منى، ووعدنى بإن الكتاب هيكون فى المكتبات بعد إسبوعين لكن مع الأسف لغاية دلوقتى الكتاب ما خرجش من المطبعة.

- ده لو كان دخلها أصلًا، هو المبلغ اللى أخده منك كام؟

- عشر تلاف جنية.

- والكتاب حجمه قد إيه؟

- هو قال لى هيكون ١٠٠ ورقة.

١٠٠ - ورقة بعشر تلاف جنية. يعنى الورقة تقف ب ١٠٠ جنية.

يا بلاش.

- تقصد إيه؟

- باختصار يا رانيا، إنتى إتنصب عليكى، زى ما اتنصب على كتاب كتير نشروا

كتهم عند الجرامى ده.

- بس ده دكتور محترم جدًا ومش ممكن يعمل كده.

- أولاً ده مش دكتور ده طلع معاه دبلوم صنايع وكان معرف الناس كلها إنه دكتور وراسم نفسه على الناس كلها، ثانيًا إنتى واثقة أوى فيه كده ليه؟ ده أكثر من نص الناس اللى حققت معاهم قالوا عنه إنه نصاب.

- كلامه وأسلوبه كان راقى جدًا.

- وده يأكد كلامى، النصايين بيععرفوا يضحكوا على الناس كويس، والمثل بيقول طول ما المغفلين كتير، النصايين بخير.

تجهم وجهها ولم تستطع الرد عليه، بعد أن أصابتها خيبة أمل كبيرة فى إرجاع نقودها أو خروج كتابها إلى النور، ولكن أشرف نظر إليها نظرة ثاقبة قبل أن يقول بلهجة مباغثة:-

رانيا، الراجل ده طلب منك فلوس؟

هزت رأسها موافقة لكلام أشرف وهى تبتلع ريقها بصعوبة، الذى تابع قائلاً بلهجة حازمة:-

طلب منك كام؟

تلعثمت وهى تقول:-

١٠٠ ألف جنية.

اتسعت عينها أشرف دهشة من المبلغ المطلوب ثم قال:-

إوعى تقولى إنك إديتيله له المنبع ده كله.

حركت رأسها موافقة لكلامه للمرة الثانية فتابع قائلاً:-

ليه؟ هو وعدك بإيه علشان تديله المبلغ ده كله؟

تكلمت بصوت خفيض قائلة:-

وعدنى بالجواز، إنت عارف إن سنى كبير على الجواز، ولما لقيت ده إنسان محترم وفيه مواصفات كتير كويسة وافقت عليه وقررت أساعده بأى حاجة علشان أسهل له الطريق لما بيعى يتقدم لى.

- إنتى أكيد إجتجنتى، إنتى ما تعرفيش إنه متجوز، والإسطوانة اللى قالها لك دى

قالها لبنات كثير غيرك، لغاية ما ياخذ غرضه منهم وبعد كده يرميهم. قال عبارته الصارمة التي ذبحت رانيا بسكين صدره، فلم تستطع أن ترد عليه، فقامت تترنح كالذبيحة، واستأذنت من أشرف أن تذهب إلى البيت لأنها تشعر بالتعب، فتركها ترحل بعد أن أمر إحدى سيارات الشرطة بتوصيلها لمنزلها كي يطمئن عليها، وبينما هي تدخل منزلها، دخل أحمد على أشرف وقال:-

مش فاضل غير ونيس، هنعمل معاه إيه؟

زفر بارهاق ثم نظر إلى المروحة التي لم تعد ريشاتها تبعث له بأى هواء جديد إلى الغرفة مما زاد من سخطه على القضية بأسرها، فأشار إلى أحمد قائلاً:-

هاته خلينا نخلص من وجع الدماغ ده.

وما هي إلا دقائق عشر، حتى جاء أحمد وبصحبتة ونيس، الذى بدا عليه التعب والإرهاق من طول انتظاره فى حجرة النبطشية، فجلس أمام أشرف بعد أن أذن له بذلك وبعد الدباجة الرئيسية التي يبدأ بها سيادة المقدم عادة تحقيقاته، لم ينتظر الرجل ليبدل بكل ما لديه عن فؤاد ليزيح عن كتفيه هذا الهم الثقيل، و... وكانت حكايته مختلفة عن صديقيه تمام الاختلاف.

مدحت

هات لى ربع زيبب يا إسحاق.

ألقي إسحاق إسكندر نظرة سريعة على صاحب الطلب، فوجد عينيه بلون الدم، والإرهاق بادٍ في جميع قسّمات وجهه، حتى شعره الذى كان يهتم به ويعقّصه خلف رأسه دائماً، فى هذه المرة تركه نائراً كأنه شيطان، كان من الواضح أنه لم يذق طعم النوم منذ أكثر من أربعة أيام على الأكثر، وكان ذلك واضحاً من الهالات السوداء الكبيرة الموجودة أسفل عينيه، جاءه إسحاق بالطلب فأخذه منه وصب لنفسه كأس كبيرة ثم جرّعها مرة واحدة، وبينما هو يصب الثانية إذا بإسحاق يقول:-

مالك يا أستاذ مدحت، فى حاجة مضايقاك؟

جرع مدحت الكأس الثانية كسابقتها، فتحول وجهه إلى كتلة حمراء قانية قبل أن يلتقط أنفاسه ويقول بضجر:-

مفيش حاجة.

اقترب إسحاق منه وقال:-

يا إبني أنا زى أبوك، شكلك تعبان، وأنا خايف عليك، إنت زبون دايم عند خمارة إسحاق وأنا بحب زباينى وبخاف عليهم، لوفى مشكلة عندك قولى، فضفض، ممكن أفيدك بحاجة.

ضرب مدحت الكأس بقوة على المنضدة فتهشمت

فلم يتحرك إسحاق من مكانه قيد أنمله، فقد اعتاد ما هو أكثر من ذلك من زبائن المحل منذ ما يقرب من العشرين عاماً، ولكن مدحت زاد على فعله بأن دفع إسحاق بيده بعيداً وهو يقول:-

إبعد عني دلوقتي يا أبووش عكر.

سقط العجوز أرضاً، فعقد مدحت حاجبيه خاصة عندما اندفع عمال المحل ليساعدوا إسحاق على النهوض، نهض معهم، فقام مدحت من مكانه وأزال بعض الأتربة التي علقت بملابس إسحاق وهو يقول أسقاً:-

ما ترعلش مني يا إسحاق، أنا أعصابي تعبانة ومش عارف عملت كده إزاي.

جلس العجوز على مقعد مجاور لمنضدة مدحت ثم قال بوهن:-

ولا يهملك، ياما شوفنا من زباين عندنا أكثر من كده بكتير، المهم إحكي لى مالك وإيه اللي مضايقتك.

اغرورقت عيناه بالدموع وهو يصب لنفسه الكأس الثالثة ليرتشف منها رشفة قليلة ثم يقول بحزن:-

أحكي لك على إيه ولا إيه، دا اللي جوايا محتاج سنين وسنين علشان يتحكي.

ابتسم إسحاق مهدوء وقال:-

أحكي اللي إنت عايز تقوله، إحكي من أى حنة تعجبك، علشان ترتاح ونفسك

تهدي، وما تحملهاش أكثر من طاقتها.

تطلع مدحت إلى قسماات العجوز التي نحتها سنوات عمره الستون، ثم طأطأ رأسه أرضاً، قبل أن يرفعها ويجرع ما تبقى من زجاجته الموضوعة أمامه، ثم مسح

فمه بكفه، وبدأ في سرد حكايته ولكن من

الجزء الذي أراد أن يحكيه، وليس غيره.

البقاء لله، شد حيلك.

ألقى إسحاق بتعازيه على مدحت الذى أنهى حكايته ثم انخرط فى بكاء مرير،
حتى أن البارمان ربت على كتفه مواسياً، فرفع الشاب عينيه السابحتين فى بحر
من الدموع وهو يقول:-

الشدة على الله.

ابتسم إسحاق ابتسامة حزينة وهو يستطرد:-

كل ده علشان صاحبك مات.

هز مدحت رأسه بأسى وهو يقول آسفاً:-

دا ما كانش صاحب يا إسحاق، دا كان كل حاجة أخ وصاحب وصديق وحبیب،
الله يرحمك يا فؤاد.

- بس التحريات وصلت لإيه دلوقتى؟

- ولا حاجة، لسه الظابط اللى ماسك القضية بيحقق مع كل اللى له صلة
بالمرحوم، لكن لسه ما بعثليش، شكله مخلينى للأخر.

- ربنا ما بيسيسش يا ابني، وعندكم فى الإسلام مقولة بتقول (من قتل يقتل،
ولو بعد حين)، يعنى القاتل هياخذ جزاؤه وهيقع يعنى هيقع.

انتفض مدحت فى مكانه مع كلمات إسحاق الحاسمة وظل ينظر إليه لدقيقة
كاملة وكأنه يراه لأول مرة، قبل أن يبتلع ريقه ويقول بصوت خفيض:-

عندك حق يا إسحاق، من قتل يقتل ولو بعد حين.

- إطمئن يا مدحت روح صاحبك هترتاح قريب إن شاء الله.

فجأة قام الشاب من مكانه تاركًا المكان بأكمله دون حتى أن يستأذن من
إسحاق، الذى ضرب كفاً بكف وهو ينادى على مدحت الذى أسرع بالخطى حتى
غاب عن عيني العجوز فزم شفتيه فى ضيق ثم قام من مكانه ليزاول مهنته التى
اعتادها منذ أكثر من خمسون عامًا، أما هو فقد أخذ يهرول مبتعدًا عن المكان
كان بداخله بركان يغلى وخوف بلاحدود من المجهول، فما حدث له لم يكن فى

الحسبان، فطوال حديثه مع إسحاق كان يتفادى الجانب المظلم في حمايته مع فؤاد، كان يسرد له الجزء الأخير من الحكاية. أما البداية فقد كانت منذ زمن بعيد، لقد....

حاسب، حاسب يا اسطى.

ارتفع ذلك الصوت فجأة على بعد أمتار قليلة من مدحت وتردد في كل مكان من حوله من عدة أشخاص على جانبي الطريق، فالتفت الشاب إلى مصدر الصوت ثم أدار رأسه إلى الناحية الأخرى ليجد أمامه مباشرة سيارة نصف نقل تندفع نحوه بأقصى سرعتها لتطيح به أمامها لعدة أمتار قبل أن تلقى به على جانب الطريق، التف الناس حوله محاولين إسعافه، وأمسك أحدهم بهاتفه محاولاً طلب سيارة الإسعاف، أما هو فقد كان يعيش حالة من الوعي واللاوعي وسائل الحياة يسيل من عدة مناطق متفرقة من جسده، ورفرف ملك الموت بجناحيه على المكان، واستعد ليقتنص روحًا جديدة حان موعدها من بنى البشر.

ونيس فضل

- هتروحي حفلة مادي بكرة؟
- مش عارفة عندي ميتنج الصبح وهروح عند مامي بالليل.
- وانا كمان المفروض هسافر شرم بكرة الصبح ومش عارفه هرجع إمتي.
- بس إنتي عارفه لو ما روحناش لمادي هتزعل وهي بتتلكك علشان تعمل زعلانة. كان هذا الحوار يدور أمامي يوميًا تقريبًا. لدرجة أن الملل أصبح ملازمًا لي كلما أتيت إلى النادي في فصل الصيف، كانت الشلة التي أعتبر عضوًا أساسيًا بها، تتكون من أربعة أفراد أنا خامسهم، لمياء وسها ومديحة وشوقي، كنت أشترك معهم في نشاطاتهم العديدة من مساعدة الفقراء وتكوين الجمعيات التأسيسية في النادي وغيرها وغيرها من الأعمال الخيرية التي تعاهدت أنا وأصدقائي على المداومة عليها كي نكون مؤثرين في مجتمعنا العزيز، تثابنت في إرهاق وأنا أدقق النظر في الفتاة القادمة نحونا. كانت شهيرة فكري صديقتي العزيزة، والتي أعرفها منذ كانت صحيفة صغيرة تكتب مقالات بالقطعة للعديد من الجرائد بأجر رمزي، ولأنها نشيطة فقد استطاعت أن تتفوق على نفسها وتثبت مكانتها بين الجميع، لم تكن وحدها بل كان يصاحبها رجل متوسط الطول، قمحي اللون، يرتدى بنطلون جينز واسع جدًا غير مناسب لبنينته الضئيلة، وقميص بنفسجي اللون يصلح للنساء عن الرجال، يبتسم ابتسامة عجيبة تجمع بين البلاهة والحماسة في نفس

الوقت، لوحت لى بكفها مرحبة فلوح لى هو أيضاً وكأنه يعرفنى منذ زمن بعيد،
بادلهم التحية، من مكانى لأرحب بهما، صافحتها بحرارة، قبل أن تعرفنى على
الرجل فقالت وهى تبتسم:-

أحب أعرفك على دكتور فؤاد، صاحب دار المهظ للنشر والتوزيع. ثم قالت
وهى تقدمنى للرجل:-

ونيس فضل واحد من اهم وأعز أصدقائى، وكمان صاحب أكبر فريندز على
الفيسبوك، وصاحب أحلى مؤلفات كوميدية قريتها فى حياتى.
صافحتى بحرارة ثم دعوتهم لمنضدة منفردة كى نظل بمفردنا بعيداً عن صحب
الثلة الذى لايتهنى. جلسنا ثم طلبت الجرسون وأخذت منه قائمة الطعام
والمشروبات وقدمتها لهما، راقبت عيني الرجل الحائزين بين الأصناف العديدة
التي تملأ القائمة، فابتسمت فى قرارة نفسى قبل أن أقول:-

ها تطلب إيه يا دكتور؟

رفع عينيه إلیّ وهز رأسه فى حيرة ثم قال:-

مش عارف.

قررت أن انقذه مما هو فيه فطلبت لنا جميعاً قهوة إكسبريسو وتشيز كيك،
فسألنى والنادل يغادرنا كى يأتى بالطلبات، عما هو التشيز كيك فأخبرته بأنه كيك
الجبنة، وكم كانت دهشتى عظيمة عندما أخرج من جيبه رغيف خبز أسمر اللون
والذى يوجد بالأفران وثمنه خمسة قروش فقط، نفض الرغيف بيده ثم فتحه
وهو يقول:-

ما دام فى جبنة يبقى نجهز كل حاجة علشان أول ما تيجى أفطر على طول.

ثم أخرج من الجيب الخلفى لبنطاله الواسع خيارة مسحها بطرف كفه قبل أن
يقضم منها قضمه صغيرة وهو يبتسم فى سعادة.

أشرت لسمية بطرف خفى عما فعله صديقها، فابتسمت بدورها ثم قالت:-

هو فؤاد كده، عايش على طبيعته، ودى أحسن حاجة فيه.
لم أنطق بحرف بعدها حتى وصل الجرسون بالطلبات ووضع الطبق الخاص
بالرجل أمامه، التقطه على الفور وأخذ قطعة الكيك بيده ووضعها في رغيف
الخبز ثم شرع في التهامه وهو يقضم معه قضمات صغيرة من الخيارة التي كان
يعدها لذلك، أتى على الرغيف بسرعة البرق ثم تجشأ بصوت عال وهو يبتسم في
سعادة بالغة وكأنه قد حاز الدنيا بحذافيرها.

تجاوزت هذا الموقف ثم استمعت إلى سمية التي قالت:-

إيه رأيك يا ونيس لو المواقف الكوميديا اللي بتكتبتها مع نفسك وعلى الفيس
ينشرها لك الدكتور. وتبقى في كتاب وكل الناس تقرأه؟

أعجبتني الفكرة ولكنني تمهلت قليلاً وطلبت مهلة للتفكير، بعد ذلك جاء
ميعاد ماتش الكورة الذي اعتدنا لعبه في هذا الوقت من اليوم، دعوت فؤاد للعب
معنا ولم يمانع، وعندما وجهته لغرفة تغيير الملابس، فاجأني بأن خلع ملابسه
على الفور، لتتضح الصورة المخزية، كان يرتدى كلسون أبيض صعيدي وفانلة
بيضاء وأخذ يقفز في المكان ويؤدي بعض التمارين الرياضية السريعة، لم اتمالك
نفسى من الضحك من هذا المشهد المؤسف، تم تقسيمنا إلى فرقتين، وبالطبع
كان الدكتور من ضمن فريقى، بدأت المباراة، في البداية كان يعدو في الملعب في
كل الاتجاهات ومع أى فريق من الفريقين، وفي إحدى الهجمات على فريقنا أخذ
الكرة ببراعة من مهاجم الفريق الأخر ثم أتى بأمر عجيب، لم أره من قبل في عالم
كرة القدم، لقد راوغ حارس مرمى فريقنا ثم ضرب الكرة بقوة ليحزرها هدفاً داخل
مرماه، انطلق فريقنا بأكمله نحوه يريدون الفتك به، ولكنه وقف بثبات وهو
يبتسم ابتسامته الشهيرة التي تجمع بين البلاهة والحماسة، وقال بهدوء:-

يا جماعة واحدة واحدة، بالراحة، مش المفروض اننا نجيب جون؟

أجابه الجميع بصوت جهورى واحد:-

أيوه.

لَوْح بذراعه وهو يقول وكأنه يلقي محاضرة لمجموعة من الطلبة:-

طب ما هو ده اللي أنا عملته، إيه اللي يخلينا نروح لغاية هناك علشان نجيب جون، ونجربى ونتعب نفسنا، يا جماعة الموضوع أسهل من كده بكتير الإنسان دايماً بيدور على الشئ اللي يتعبه ويعمله مشاكل في حياته، الجون اللي إنت قريب منه دخل فيه علطول، وبكده هيبقى معانا اسكور كتير يكفيننا كلنا، خد الحكمة دى منك له، سمعتها قبل كده من الواد سيد عجينة لما كنا بنلعب زمان في الكفر بتاعنا، كان دايماً يقول (رَبِّحْ رَكْبَكَ وَكَلِّمْهَا، هيبجي وقت وترفعها).

قال خطبته العصماء ثم ترك الفريقين في حالة ذهول ثم أخذ يلهو ويلعب بالكرة وحده ويحرز الأهداف

هنا وهناك، والعجيب أن الجميع قد بلغ منهم التعب مبلغه، ولكنه لم يتأثر ولا حتى ذرف قطرة عرق واحدة، كان إنساناً عجيباً من نوعية لم أقابلها من قبل، انتهى اليوم ومازالت صورة هذا الرجل أمامي، أضحك كما لم أضحك من قبل كلما تذكرته، ولأننى أحب المغامرة فقد اتخذت قرارى بنشر أعمالى الكتابية معه، فاتصلت بشهيرة كى تحدد لى موعداً مع الدكتور لمقابلته وتوقيع التعاقد على نشر أول أعمالى الأدبية، رحبت بالفكرة وقالت لى إن هذه خطوة ناجحة على طريق طموحاتى وأحلامى، فزادت كلماتها من حماسى وتفاؤلى بالموضوع، وماهى إلا نصف ساعة حتى كانت تتصل بى مرة أخرى لتخبرنى أن فؤاد قد حدد يوم الخميس القادم للمقابلة، والذى أطلقت عليه فى ذلك الوقت اسم الخميس الموعود.

* * *

تم توقيع العقد بعد أن أصرَّ هو على عدم قراءة العمل قانلاً:-

هو احنا هنطلع إيه جنب الآلاف اللي عندك، مش هم قالوا رأيهم قبلنا وعجبهم الكتابات، خلاص نتوكل على الله ونوقع العقد.

اشتمل العقد على بنود كثيرة أصرَّ على وضعها بيده كان أغلبها فى صالحه،

ولكننى لم ألقِ بالألها فقد كان همى الأساسى هو نشر الكتاب ومشاهدته بين
يدى الجميع، ولقد أوفى الناشر المحترم بوعده وتم نشر الكتاب، ولكن لم تكن
هذه هى المشكلة، المشكلة أنه لم يلتزم بعدد الطبعات التى اتفقت معه عليها، مما
أدى لعدم تواجد الكتاب فى العديد من المكتبات فى معظم المحافظات وكذلك فى
أغلب الدول العربية. وعندما واجهته بالموقف أجابنى إجابة غريبة وعجيبة وغير
متوقعة.

- الحل الوحيد، إننا نضرب الكتاب.

- نضرب إيه؟ نضرب الكتاب ليه؟

- إسمعى، لما الكتاب ينضرب هيبقى فى كل حته فى مصر، على الأرصفة وفى
المكتبات وفى أهم سوق ثقافى فى مصر، سور الأزبكية، أنا تعمدت أخلى كتابك
شاحج من السوق علشان يتسأل عليه
مرة واتنين وتلاتة. ولما الناس تسأل عليه هيبقى له قيمة بين الكتب.

- طب وهنعمل إيه علشان الكتاب ينضرب؟

- ما تقلقش، أنا لى سكة فى الموضوع ده، الواد إبراهيم روزمة عنده الحل،
هروح له وهروق معاه والدنيا هتبقى زبادى.

لم أفهم العديد من الكلمات التى كان يقولها فى وقتها ولم أحاول أن أسأله،
واعتبرت هذه العبارات هى شفرة أوسيم بينه وبين الكثير من العاملين فى الوسط
الثقافى، وبالفعل تم ضرب الكتاب، وصدق فؤاد، لقد أصبح الكتاب فى كل مكان،
وفى يد الجميع، وعندما جاء وقت الحساب، حاسبنى بما يرضى الله، ولكن ليس
على جميع الطبعات لقد كنت أتابع طبعات كتابى والتى فوجئت أنها وصلت
للطبعة العاشرة فى أربعة أشهر فقط، وهذا يعتبر فتح مبين فى عالم الثقافة
والأدب، فأخبرته بعدد الطبعات فاندعش وقتها ثم قال بأن الأمور صعبة معه
والحالة المادية ليست على ما يرام، صدقته ولكننى اشترطت عليه أن يحدد لى
موعدًا ثابتًا للمحاسبة، ولكن كما يقولون فى المثل القديم

(ديل الكلب عمره ما بيتعدل ، ولو علقوا فيه قالب) ،
اختفى تمامًا ولم يعد له أثر ، وانتشرت الأخبار والإشاعات بأنه قد صفى الدار ،
وهناك من يقول بأنه سيقوم بجولة في جميع المعارض المصرية وغيرها حتى يتوفر
الكتاب في كل مكان في الجمهورية. لم أستطع العثور عليه بعد ذلك. ومن بعدها
علمت أنه قد قتل في مقر الدار.

تهند أشرف صبحى بعمق بعد أن انتهى ونيس من حكايته مع فؤاد. ثم طرقت
أصابع يده وهو يقول:-
يعنى كلكم بتجمعوا على إنه بمجرد ما بياخد الفلوس منكم بيتهرب ويختفى
خالص.

أوما ونيس برأسه موافقًا للكلام أشرف الذى أشار لأحمد بإحضار رفيقيه. وعلى
الفور أحضرهما الرائد إلى المكتب، الذى دعاهما ضابط المباحث للجلوس فيه ثم
فرق بإصبعيه لأحمد، الذى ناوله هاتفه المحمول. فضغط زر إعادة ما سجله
الهاتف الذى كان موضوع فى الدرج الخاص بمكتب الرائد والذى قام بتسجيل
الحوار الذى دار بين الأصدقاء الثلاثة داخل مكتب أحمد.

امتعت وجوههم عندما انسابت أصواتهم من الهاتف الصغير، والى كشفت
الكثير من الحقائق التى لم يفصحوا عنها خلال التحقيق معهم. انتهى التسجيل
فأغلق أشرف الهاتف ثم أدار عينيه

فى وجوه الكتاب الثلاثة قبل أن يقول بلهجة حازمة:-

إيه رأيكم فى الكلام ده؟

اندفع ونيس يقول:-

الى حصل إننا إتقابلنا مع بعض واتفقنا على إننا نروح نتكلم مع فؤاد
ونواجهه بكل اللى جوانا من ناحيته، ونهى تعاقداتنا معاه. ونشوف هيكون رده
إيه على كل واحد مننا.

قطع عمر حديثه قائلاً:-

كنا بنقول إنه مش هيقدر ينكر أى حاجة من كلامه مع كل واحد مننا لما نواجهه واحنا مع بعض. نظر أشرف إلى كامل الذى لم ينطق بكلمة واحدة منذ دخل إلى حجرة ضابط المباحث، كل ما فعله هو أن أخذ يفرك يديه فى توتر ثم يقضم أظافره، قبل أن يهرش فى رأسه، ولم نغيب كل هذه التغيرات عن عيني صقر مثل المقدم أشرف الذى قال وهو ينظر فى عينيه مباشرة ليزيد من توتره:-

وانت ما عندكش حاجة تقولها؟

حرك رأسه بعصبية ثم قال:-

لأ يافندم مش أكثر من اللى قالوه، لكن صدقتى والله العظيم إحنا ما قتلنا هوش ولا حتى ليننا يد فى قتله، والكلام اللى كان بينا فى مكتب الرائد أحمد كان كلام عادى، بس كل الحكاية إنى كنت خايف وهم بهدونى.

عقد أشرف حاجبيه فى تساؤل وهو يقول:-

خايف من ايه؟

أجابوه وهو يقترب منه:-

منكم، أنا عندى عقدة خوف من رجاله الداخلية يا باشا.

ابتسم أشرف على الرغم منه، من بساطة الإجابة ثم أشعل إحدى سجائره النفاذة الرائحة ونفث دخانها فى وجوههم قبل أن يقول بفراغ صبر:-

تقدروا تتفضلوا، بس لواحتجت لكم، هجيبكم تانى.

شكره الثلاثة قبل أن يسرعوا بمغادرة هذا المكان المخيف بعد كل ما تعرضوا له خلال الأربعة وعشرون ساعة السابقة، أما ضابطى المباحث فقد نظرا إلى بعضهما البعض بقلة حيلة، قبل أن يقول أحمد:-

هنعمل إيه دلوقتى يافندم؟

ترجع أشرف بظهره إلى الوراء ثم حملق فى سقف الحجرة لنصف دقيقة كاملة قبل أن يعتدل ويقول بحماس:-

لازم نعمل جولة ميدانية، أنا وانت يا أحمد.
جلس أحمد على المقعد المقابل لأشرف ثم قال متسائلاً:-
جولة ميدانية !! تقصد إيه يافندم؟
تنهد أشرف ثم قال:-

هنفتش مكان الجريمة مرة ثانية، لكن لوحدنا، أنا حاسس إنى هلاقي حاجة
هناك توصلنا لشخصية القاتل. وصدقنى يوم ما هقبض عليه، هعمل له بنفسى
احلى حفلة توقيع فى حياته. ولم يعترض أحمد، ولم يضع أشرف ثانية واحدة.

أشرف صابر

استمر المصعد في طي الطوابق حتى وصل إلى الطابق العاشر حيث مقر دار
الهيظ التي أغلقت الشرطة بابها حتى ينتهى التحقيق في القضية، فتح أشرف الباب
ودلف منه إلى الداخل وتبعه أحمد بعد أن حصل على إذن من النيابة بفتح الشقة
مرة أخرى. كانت الدار غارقة في الظلام فمد أحمد يده إلى زر الإضاءة وضغطه
فاشتعلت الأضواء بأكملها لتحيل المكان إلى نهار صحو. استمر الضابطان في
البحث والتفتيش لأكثر من نصف ساعة في الصالة فلم يجدا شيئاً مثيراً للاهتمام
كان هناك هاجس يعربرد في عقل أشرف بأن هناك شئ في الدار لم تلاحظه قوات
الشرطة وهي تفتش المكان بعد وقوع الجريمة مباشرة، شئ سيفيده في التحقيق
والوصول لشخصية القاتل ولكنه مع الأسف لم يجد ما يثير الاهتمام، فأشار إلى
أحمد أن يتبعه إلى إحدى الغرف الجانبية، تحرك أشرف إلى الحجرة بهدوء وهو
يدير عينيه في الصالة ليلقى عليها نظرة أخيرة ويده تدفع باب الحجرة ويدلف إليها
بخطوات واثقة وفجأة أحس بحركة خافتة في المكان فأسرعت يده إلى زر الإضاءة
وهو يشير لأحمد إشارة ذات معنى فاستل مسدسه وتبع زميله إلى الداخل بحذر.

- اثبت مكانك، ولا حركة.

أطلق أشرف هذا التحذير الصارم وهو يحملق في الرجل الجالس أمام جهاز
كمبيوتر نقال ويعبث في أزرارها باهتمام، وقف الرجل مطيعاً لأمر الضابط، ومن
خلف قناع (فينتيدا) الذي يرتديه ارتسمت ابتسامة ساخرة على شفثيه فاقترب

منه الضابطين بترقب ومسدسهما مشهورين في وجه الرجل، وبينما هما يتجهان نحوه إذا برنين هاتف أشرف النقال يطلق رنيناً قويا فجفل الضابط للحظة استغلها الرجل أحسن استغلال، فألقى بمنفضة السجائر الصغيرة الموضوعة بجانب الحاسب الآلى في وجه أشرف

ثم انتزع شيئاً صغيراً من الكمبيوتر، يبدو أنه كان ينتظره حتى ينهى عمله على الجهاز، ثم قفز بكل جرأة من النافذة الكبيرة التي تقع خلفه مباشرة، وفي هذه اللحظة أطلق أحمد الرصاص على الرجل لتصيب رصاصاته أطار النافذة ثم تنحرف عنها دون أن تصيب الهدف، الذى تبخر فجأة من الحجرة ولم بعد له أى أثر.

كانت كل خلية في جسد أشرف وزميله تنتفض غضباً بعد أن غافله الرجل واستطاع الهرب منه بكل سهولة، فانطلق إلى النافذة وهو متوقع أن يجد جسد الرجل وقد تحول إلى أشلاء بعد أن قفز بإرادته من هذا الارتفاع، ولكنه وجد مالم يتوقعه أبداً.

لقد وجد الرجل حى يرزق وهو يواصل نزوله بسلام ولكن قفزاً على وحدات التكييف الخارجية التى تعلق على العمارات من الخارج، أعجب أشرف بجسارة الرجل، وثقته بنفسه، فأشار لأحمد أن ينزل بأقصى سرعة ليستقبل الهارب أسفل العمارة، بعد أن يأخذ معه اللاب توب، بينما قفز هو من النافذة ليلحق بالرجل وليثبت لنفسه أنه لا يقل جرأة عن الهارب.

استمر الرجل في النزول بنفس الطريقة وأشرف يلهث محاولاً اللحاق به بأى شكل من الأشكال، وبينما الرجل يقفز على آخر وحدة إلى الشارع كان أحمد قد خرج من باب العقارب بسرعة الصاروخ وهو يحمل بين يديه الكمبيوتر المحمول ويصرخ في الناس بالابتعاد عن المكان وساعده عبده البواب في إبعاد البشر الذين تجمعوا لمشاهدة هذه المطاردة المثيرة، والذين اعتقدوا أنها مشاهد تصوير لأحد أفلام الصيف.

صَوَّبَ أحمد مسدسه نحو الهدف وهو يصرخ فيه بالاستسلام، ولكن الهدف لم يسمع لتهديدات الضابط الهمام، بل قفز من مكانه لمهبط فوقه وهو يعاجله بضربة قوية من قبضته سقطت على أنف أحمد فهشمته تمامًا، فسقط أرضًا وقدم الرجل تضربه بقوة في رأسه، قبل أن يهشم اللاب توب بقبضتيه تمامًا، ولم ينتظر ثانية بعد ذلك بل انطلق بسرعة الصاروخ إلى إحدى الدراجات النارية ليعتليها ويغادر المكان بلا رجعة.

أما أشرف فلم يكذب يرى أحمد وهو ملقى أرضًا بعد هجوم المقتنع عليه ثم هروب الرجل من المكان حتى قفز آخر قفزة إلى الأرض وهو يلقي نظرة على زميله الذى أشار إليه أنه بخير، فاندفع إلى سيارته ثم أدارها بسرعة وانطلق مغادرًا المكان وهو يطلق عدة أعيرة نارية من مسدسه ليتفرق الناس مبتعدين عنه وهو يدير عجلة القيادة للحاق بغريمه الذى أثار غضبه عدة مرات في دقائق معدودة. كانت مطاردة مثيرة في شوارع منطقة الأهرامات أثبت فيها الهارب أنه بارع بحق في قيادة الدراجات النارية، وأثبت فيها أشرف أيضًا أنه لا يقل عنه براعة ومهارة في قيادة السيارات، ولكن كان لخفة الدراجة البخارية عامل كبير

في سرعة هروب الرجل المقتنع، لقد كان يقفز بمهارة فوق الأرصفة ويتفادى الشوارع الواسعة ليمر من الحواري الضيقة والتي من الصعب على أشرف اللحاق به فيها لكبر حجم سيارته، ولقد أدرك الضابط البارع هذا بسرعة، فترك سيارته وأخذ يجرى بسرعة الصاروخ وراء الدراجة النارية، وعندما كرر الهارب فعلته مرة أخرى وقفز فوق أحد الأرصفة ثم إلى جزء مائل لأعلى ليطيح من فوق رؤوس البشر إذا بأشرف صابري صوب رصاصته بإحكام نحو إحدى إطارات الموتوسيكل، التى استقرت بداخله وأفرغت هوانه المضغوط بقوة، وعندما عادت الدراجة مرة أخرى إلى الأرض لم يحتمل الإطار الفارغ الارتطام بالأرض، فانقلب الموتوسيكل رأسًا على عقب، وعندما دفع الرجل الحطام عنه واستعد للهروب

مرة أخرى إذا به يندفع إلى الأمام بقوة بعد أن تلقى ضربة قوية على مؤخرة رأسه من مسدس أشرف، الذى أخرج أصفاده الحديدية وقيدها بأيدي الرجل خلف ظهره، ثم انتزع عنه قناعه بقوة، وهو يقول بصوتٍ لاهت:-

وربني وشك كده يا روح امك.

وعندما نزع القناع ظهرت الحقيقة المخيفة، لقد كان الرجل الذى أمامه هو نفس الرجل الذى رأى جسده بنفسه وهو يوارى التراب، لقد كان فؤاد بشحمه ولحمه.

فريد

- أنا عايز أعرف كل حاجة، من البداية لغاية دلوقتي، إزاي إنت عايش وأنا شوفت جثتك بعيني الإتنين. ومشيت في جنازتك لغاية ما إتدفنت قدام الناس كلها، إزاي بقى تبقى قاعد قدامي كده حتى ترزق؟

ألقى أشرف سؤاله على الرجل الجالس أمامه والذي كان من الواضح أنه قد تلقى تعذيبًا بما فيه الكفاية، من جراء اعتدائه على أحمد ومحاولات هروبه من الضابطين، ابتلع الرجل ريقه بصعوبة ثم قال بوهن:-

أنا مش فؤاد.

اندفع أحمد نحوه وصفعه صفعه قوية زادت من آلامه، قبل أن يقول بغضب:-

نعم يا روح أمك، أومال انت تبقى مين؟

نظر أشرف إلى زميله معاتبًا، لعدم تحكمه في أعصابه، ثم وجه كلامه إلى الرجل قائلاً وهو يشير إلى وجهه:-

أمال ده وش مين اللي محاوط جمجمتك ده؟

- أنا مش فؤاد، أنا أخوه التوأم، فؤاد ما إتقتلش.

حدَّق الضابطين في وجهه بدهشة عارمة قبل أن يقول أشرف بصرامة:-

أخوه التوأم !! يعني إيه؟

هز الرجل رأسه موافقًا ثم استطرد قائلاً:-

إحنا ثلاثة توأم فؤاد وفريد وفهيمى. اتسعت عيننا أشرف وهو يتبادل نظرات
دهشة مع أحمد الذى احتبست الكلمات فى حلقه، فأصابته بغصة مؤلمة، أما
أشرف فقد جلس على مقعده ببطء وهو يقول:-

إحكى لى الحكاية من الأول بقى كده يا حلو، وإوعى تنسى أى حاجة، فاهم؟
أوما فريد برأسه موافقًا ثم بدأ حكايته هو وأخويه.

ست الحسن

انطلقت صرخة هائلة، شقت سكون ليل أحد القرى المصرية، كانت الصرخة لامرأة في أواخر العشرينات، قرر وليدها أن ينزل إلى الدنيا في هذه الساعات القليلة قبل الفجر، كان من الواضح أنه قرر أن يذيق أمه أشد العذاب مقابل أن يمنحها لقب أم، فقد كانت آلامها مبرحة إلى أقصى مدى، ولتخفيف الآلام عنها نادت القابلة بأعلى صوتها على من بالبيت لإحضار بعض الماء الساخن وبعض الخرق الصغيرة، التي تستخدمها مع الماء في زيادة حدة نبضات الرحم كي تصنع ما يسمى بالطلق، والذي يساعد بشكل كبير في إتمام عملية الولادة. أطلقت السيدة صرخة أخيرة قوية، لتمتزج معها صرخة المولود الصغير، الذي قرر أخيراً التواجد في عالم البشر، قامت القابلة بقطع الحبل السرى بسرعة ومهارة وأخذت المولود لتزيل عنه بقايا الدماء العالقة به وتنظفه حتى تعيده إلى أمه مرة أخرى، ولكنها فوجئت بالأم تعاود الصراخ من جديد، فتركت الصغير وذهبت إليها لتساعدها، كان من الواضح أن الأم لم تنتهى من ولادتها، وأنها في طريقها لوضع توأمها الثانى، الذى أنك قواها تماماً، ولكنه فى النهاية استسلم لقدره وأطلق صرخته الأولى فى عالم البشر، كانا صبيين آية فى الجمال، جعلتا عيني القابلة تنطقان بالسعادة والفرح وهى تقول:-

بسم الله، ماشاء الله، ولدين زى القمر.

ولكن الأم لم تُعربها أى اهتمام وهى تطلق صرختها الثالثة والأخيرة والتى معها خرج التوأم الثالث إلى الحياة. وتراخى جسد الأم تمامًا بعد هذه المعركة الشرسة للبقاء فى هذه الدنيا.

اقتربت القابلة منها وأسعفها سريعاً ثم ابتسمت عندما فتحت المرأة عينها مرة أخرى، فقالت القابلة:-

ألف حمدلله على سلامتك يا ست الحسن.

ردت عليها قائلة بوهن:-

الله يسلمك، الأولاد عاملين إيه، يا أم سيد.

ألفت القابلة نظرة على التوأم الثلاثة، لتجد واحدًا منهم يتناوب بقوة ثم يطلق عدة صرخات قوية متتالية فابتسمت أم سيد وهى ترفعه وتبدأ فى تنظيفه سريعاً قبل أن تأخذ الثالث وتصنع به نفس ما صنعت بأخويه، وعندما استقر الثلاثة متجاورين، ألفت عليهم أمهم نظرة حانية قبل أن تذرف عينها الدموع وهى تقول بخفوت:-

الله يرحمك يا تيسير، كان نفسه يعيش علشان اللحظة دى.

ربتت أم سيد على كتفها وقالت مواسية:-

الله يرحمه، ربنا يصبرك يا اختى.

ثم قرنت قولها بأن التقطت أحد الصغار، والذى ما زال يطلق صرخات قصيرة وناولته لها وهى تقول:-

سمى كده وخدى رضى الأولانى عقبال ما أجهز لك الإتنين التانيين، ألا صحيح هتسميم إيه؟

التقطت منها الولد وقالت وعلى شفيتها ارتسمت ابتسامة حانية، وهى تتذكر ذكرى قريبة:-

هسميم فؤاد وفريد وفهى، زى ما أبوهم الله يرحمه كان موصيتى.

ابتسمت القابلة ابتسامة حزينة وهى تلتفت إلى الصغيرين قبل أن تقول:-

أنا هخرج أفرح الناس اللي بره، أحسن هيموتوا من القلق عليكى.
أمسكت ست الحسن بيد أم سيد وهى تقول راجية:-
طب ما تخليش حد يدخل على طول، علشان أنا مش ناقصه قروحسد.
ربتت أم سيد على كتفها برفق وقالت:-
من عيني حاضر.

تركتها وفتحت الباب لتلقى بالخبر السار على أهل القرية وانطلقت الزغاريد
في كل مكان بالبيت، تحمل الفرحة والسعادة للأولاد الثلاثة، فعادت عيني ست
الحسن تذرفان دموع الفرحة والحزن معًا، الفرحة على ما رزقها الله به، والحزن على
زوجها الذى تمننت أن يكون بجوارها في هذه اللحظة، مررت يدها على أطفالها
الثلاثة لتحتسسهم وتشعر بنبض قلوبهم في نبضات كفها، وبينما هى على حالها،
لاحظت أن نبض اثنين من الصغار قد توقف تمامًا، وأن عينهما ظلت شاخصة في
السماء، بينما الثالث يتحرك بهدوء.

أطلقت صرخة فزع وهى تنادى على أم سيد، التى اندفعت إلى الحجره وتبعها
بعض نساء القرية وأقارب ست الحسن لتستقبلهم بعينين دامعتين وهى تقول:-
العيال ما بتنطقش، إلحقونى.

وضعت القابلة أذنها على صدر المولود الأول فوجدت قلبه قد توقف بالفعل
عن النبض، فوضعت بجانب أمه ثم التقطت الثانى وفعلت به نفس ما فعلت
بأخيه فوجدته قد حذا حذو أخيه، فوضعت بجانب أمه وهى تتطلع بأسف إليها،
فأطلقت الأم صرخة ألم وحسرة على ولديها، الذين فقدتهما قبل أن تفرح بهما،
وكان القدر قد استكثر عليها الفرحة والسعادة.

أشارت إلى من بالحجره وهى تقول:-

سيبونى لوحدى، مش عايزه حد هنا.

أطاعها الجميع على الفور، وكان آخرهم هى أم سيد، التى نادت عليها ست
الحسن قائلة:-

خليكى إنتى يا أم سيد.

أطاعتها على الفور وهى تغلق الباب خلف الجميع، فرفعت ست الحسن رأسها إليها وقالت:-

شوفى يا أم سيد الدنيا قاسية عليا إزاي، مستكترة عليا إنى أفرح حتى بأولادى اللى رزقنى بهم ربنا، يا رب ليه كده يا رب. احتضنتها القابلة وهى تقول:-

وحدى الله، ما تكفريش يا ست الحسن، قولى يا رب عوضنى عنهم خير، وأكيد ربنا هيستجيب لك.

أبعدتها الأم عنها برفق وهى تنظر إلى الصغيرين، وعندما همت بالتعقيب على كلام أم سيد انطلقت فجأة صرختان قويتان للصغيرين معًا، لقد عادوا للحياة مرة أخرى بإرادة الخالق عزوجل، لا أحد يعرف ما الذى حدث، ولكنها إرادة الخالق عز وجل، لقد أراد أن يختبر إيمان الأم بحرمانها من المولودين، ولكنه أشفق عليها مرة أخرى فأعادهم إليها كي تفر عينها ولا تحزن.

احتضنتهما أمهما معًا وانفجرت بالبكاء وهى تبتسم وتقول:-
الحمد لله، ياما إنت كريم يا رب.

همت أم سيد بإطلاق زغرودة تعبريها عن سعادتها بعودة الولدين للحياة مرة أخرى. ولكن ست الحسن أمسكت بيدها وقالت:-

اسكتى يا أم سيد، إوعى تقولى لحد على اللى حصل دلوقتى.
- إزاي يا ستى، دى حاجة تستخى!!!.

ردت القابلة بعبارتها السابقة فقالت ست الحسن:-

اقعدى يا أم سيد واسمعى اللى هقول لك عليه وتنفيديه بالحرف.
هزت المرأة رأسها موافقة فأكملت ست الحسن قائلة:-

إنتى عارفه إنى طول عمرى بخاف من الحسد موت، وطول عمرى وأنا بتحسد من القريب قبل الغريب، لغاية ما الحسد جاب جوزى الله يرحمه الأرض، وقضى

عليه من إخواته وأنا ما عنديش استعداد ولادى يروحوا منى زى ماهوراح، اللي حصل دلوقتي له حكمة كبيرة عند ربنا، وعلشان كده أنا وانتي هنخبي حكاية إن الولاد رجعوا للدنيا تانى، يعنى قدام الناس أنا خلفت ثلاثة ومات منهم اتنين.

تكلمت أم سيد قائلة على الفور:-

طب والولدين هنعمل فيهم إيه يا ستى.

تهدت ست الحسن وقالت:-

هتاخد فيهم تربيتهم إنتى يا أم سيد، إنتى جوزك مات الله يرحمه وما كانش له فى

الخلفة، هتاخدى العيلين

وتزلى على مصر، هتعيشى هناك، وأنا هبعث لك كل شهر مصاريفك ومصاريف

العيال، دا غير أجرة

السكن اللي هتعيشى فيه، أنا من زمان عارفه إنك عايزه تعيشى فى مصر

أم الدنيا، وإنك كمان زهقتى من شغلانة الدايرة دى، وأن الأوان ترتاحى من وجع

القلب.

تلعثت أم سيد التى أطلقت القرية عليها هذا اللقب لأنها لم ترزق بأى مولود

منذ تزوجت من سنوات طويلة، فقالت:-

أصل يا ستى....

قاطعتها ست الحسن قائلة:-

لا أصل ولا فصل، يلابسرعة قبل ما حد ياخذ باله، روحى لعبد الحميد وخدى

الولدين معاكى من غير ما حد ياخذ باله وأنا هفهمه كل حاجة، يلا مفيش وقت.

ترددت أم سيد قليلاً، ولكنها فى النهاية استسلمت لرغبة سيدتها وأخذت

الولدين ودترتهما جيداً فى ثياب ثقيلة ثم تسللت إلى خارج المنزل لملاقاة عبد

الحميد الذى كان يذوب عشقاً فى ست الحسن منذ كانت صغيرة، فهو ابن عمها

وكاتم أسرارها، والذى كان يتمنى أن يجتمع بها تحت سقف واحد، ولكنها كانت

تحب تيسير ابن عم داوود الخولى منذ وعت عينها على الدنيا، وقررت أن تتزوجه

رغم معارضة أهلها لهذه الزيجة، ولكن عبد الحميد كان يملك روحًا رياضية بل والأهم من ذلك، كان يحب ست الحسن التي كان لها نصيب كبير من اسمها، وكان يتمنى لها الرضا لترضى لذلك فقد كان عبد الحميد هو الإنسان الوحيد الذى تثق فيه وتأمنه على سرها.

ولم يخيب الرجل ظنها فقد هاتفته بمجرد خروج أم سيد من عندها وشرحت له كل شيء في كلمات قصيرة، ولقد تصرف بحكمة وحكمة بالغة. فقد قام بدفن دمييتين صغيرتين بدلاً من وليدى ست الحسن، ثم أعطى رزمة مالية كبيرة لأم سيد وسهل لها الخروج ليلاً من القرية، قبل أن يخبر حبيبته بأن الأمور تمت كما أرادت، شكرته وتمنت له دوام الصحة والعافية، ثم ارتدت ملابسها السوداء على من فقدتهم، حتى نسيت القرية تمامًا حكايتها، وأطلقت هي اسم فؤاد على المولود الذى ظل معها وفريد وفهمى على الصغيرين التى تغمدتهما أم سيد بالرعاية والحماية، وظلت تزور طفلها كل فترة لتطمئن عليهما من أن الآخر.

استخرجت أم سيد لهما شهادتى ميلاد وظلا في كنفها حتى أصبحا شابين يافعين.

استمرت ست الحسن تزور الولدين وبصحبتهما أخيم فؤاد طوال سنوات عمرهم وفي إحدى الأيام سألتها ابنها فريد، لماذا تركهم هنا ولا تأخذهم معها ليعيشوا في القرية، فقالت له بأنها تطمئن عليهم هنا أكثر من القرية، ولم يناقشها أولادها في هذا الأمر مرة أخرى وإن لم يقتنعوا بإجابتها في هذه الأثناء. حرصت على أن ينال أبناءها الثلاثة نفس الدرجة من التعليم ولكن شاء القدر أن يكون نصيبهم هو التعليم المتوسط، ولكنها لم تلتفت إلى ذلك فقد كان همها الأكبر هو أن يظل الإخوة الثلاثة على علاقة وثيقة ببعض، ولأنها لم تعرف شيئاً عن التوائم المتماثلة فقد كانت دهشتها عظيمة عندما حكى لها أم سيد عن العذاب الذى لاقته في تربيتهم وفي ترابطهم معا في كل شيء حتى في المرض، فعندما كان يمرض

أحدهما يتأثر الآخر بالمضاعفات، فقارنت ست الحسن بين ما تحكيه لها القابلة وبين ما عانتها بدورها عند تربية أخيمم الثالث فؤاد، نفس الألام، نفس المشاعر والأحاسيس، ولكن كان الله رحيماً بهم وبأمهم فقد تعبت في بداية حياتهم حتى استقرت الأحوال.

فرك الطبيب المعالج لحالة ست الحسن عينيه وهو يراقب حالتها بعد أن وقعت في غيبوبة عميقة ليس لها تفسير، بعد أن عادت من دفن ابنها، لقد شاهد الطبيب دموع غزيرة تسقط من عيني المرأة العجوز وهي في برأسحقيق يعلم الله متى تعود منه إلى عالم الواقع، فأشار إلى الممرضة التي كانت تضع المحاليل لها وقال:-
مش دى دموع، ولا أنا نظرى ضعيف.

نظرت إلى ست الحسن فوجدت دموعها تغرق وجهها الذى كان يحمل يوماً
جمالاً يخطف الأبصار ثم قالت متعاطفة:-

أيوه يا دكتور، دى بتعيط وهى نايمة.

مطَّ الطبيب شفتيه ثم قال:-

الواحد ياما هيشوف فى الشغلانة بتاعتنا دى.

قال عبارته ثم كتب بعض الأدوية التى ستوضع لست الحسن فى المرحلة القادمة ثم ترك الحجرة وذهب لممارسة مهنته فى غرفة أخرى ومع مريض آخر، ولكن لو قدر له أن يدخل إلى رأس ست الحسن فى هذه اللحظة، لوجد إجابة لدهشته، لقد كانت هذه المرأة تتذكر حياتها السابقة مع فلذات أكبادها الثلاثة، وبقدها لأحدهم، ولحياتها معه.

فؤاد

- مش هتشتغل إخوانك معاك زى ما اتفقنا.
انتظرت والدة فؤاد إجابته على سؤالها، فنظر إليها بضجر وهو يقول:-
وهى الفلوس اللى بياخدوها كل شهر مش مكفياهم؟
أجابته أمه هذه المرة وهى تتهد:-
لأ يا ابني مكفياهم الحمد لله، بس مش ده اللى أنا عايزاه، أنا عايزاهم يشتغلوا،
تحطوا إيديكم فى إيد بعض وتبقوا كيان واحد محدش يعرف يكسره.
التقط علبة سجائره الأجنبية وأخذ منها واحدة أشعلها على الفور، ثم أطلق
سحب الدخان من فمه قبل أن يقول وهو يشير بسبابته لأمه قائلاً:-
بصى يا أمى، أنا عملت نفسى بنفسى، كافحت واشتغلت علشان أعمل كل
الفلوس والمستوى
اللى أنا فيه ده، أه أخذت دبلوم صنایع زى إخوانى، لكن أنا ما رضيتش بكده،
لا أنا اشتريت دكتوراة فى الأدب زى ما كتير فى بلدنا بيعملوا، وبعد كده عملت
علاقات كتير أوى مع صحفیین ونقاد ومفكرین وكتاب، علشان فى الآخر أفتح دار
النشر اللى إنتى شايفها دى، وما عنديش استعداد إنى أخسر كل ده، مهما كان
التمن. التمتع نظرة عتاب فى عینی ست الحسن وهى تغمغم:-
بقى كده يا فؤاد يا ابني، دى آخرتها برضو، إنت نسيت انى قلعت حتتين
الصيفة اللى حيلتى وإديتهم لك علشان تبدأ المشروع بتاعك، ولما قلت لك خلى

إخواتك يشتغلوا معاك عملت لى الموشح ده كله، ليه كده يا ابني، دا إنتوا مالكوش غير بعض وأنا لو عيشت لكم النهاردة مش هعيش لكم بكرة خلى بالك من إخواتك يا فؤاد، إنتوا إتريبتم بعيد عن بعض وأن الأوان تبقوا إيد واحدة، وتعوضوا كل اللي فاتكم.

التقط فؤاد آخر نفس من سيجارته، قبل أن يلقيها أرضاً ويدهسها بقدمه، ثم قال بنفاد صبر:-

حاضر يا أمى، هشغلهم معايا.

اشتغلنا معاه، لكن من غير ما حد يشوفنا، ولا يتعرف علينا، كنا بنعمل له الأعمال الإدارية، ونخلى الورق على إمضائه، وهو ييجي يمضى على الجاهز بعد ما يراجع اللي عملناه، وزود لنا المرتب الشهرى اللي كان عامله لنا، علشان يرضى أمى. لغاية ما جه يوم عزمنا فى الغرزة اللي كنا متعودين نسهر فيها كل خميس يومها كلمنا بصراحة عن اللي بيحصل له الأيام دى، والمشاكل اللي الدار اتعرضت لها فى الفترة الأخيرة. قاطعه أشرف قائلاً:-

غرزة إيه؟

أجابه فريد قائلاً:-

غرزة فوزية بيجو، اللي فى الدويقة.

هز أشرف رأسه موافقاً، ثم أشار له بالاستمرار فى الحكاية. فاعتدل فى مقعده ثم عاد للسرد مرة أخرى وبكل استفاضة.

وضعت سيدة فى أواخر العشرينات، متينة البنيان، خميرة البشرة، ترتدى جلباب حريمى أسود اللون ستان ضيق يبرز مفاتها بصورة فجّة، طاسة الفحم أمام فؤاد ورفيقه ثم قالت بميوعة:-

ألف هنا وشفا. أطلق هو ورفاقه ضحكات سريعة متقطعة قبل أن يبدأ فى السعال بقوة ثم بصق على الأرض وقال بصوت متحشرج:-

تسلى لى يا غالية.

رفعت حاجبها الأيسر بدلال ثم قالت:-

تسلم يا ملك، إيه جاي ولا الدور الجاي؟

ابتسم فؤاد بحنان وقال:-

لأخلمها الدور الجاي يا فوزية، أحسن فكرى مشغول حبتين.

بادلته الابتسام وهي تقترب منه وتقول:-

طب ما تيجى وأنا أخلى مزاجك عال العال، طب والنبي وما لك عليا حلفان،

أخلى فكرى نفسه يركع تحت رجلك.

عاودته موجة الضحك مرة أخرى قبل أن يقول:-

معلش خلمها وقت تانى.

قامت من مكانها وهي تقول بحسرة:-

براحتك، بس خلى بالك ممكن تيجى وأنا رافعة الراية الحمراء، وقتها الموضوع

هيكون خرج من إيدى ومش هعرف أعمل لك حاجة.

- ولا يهكم تتعوض إن شاء الله.

قال عبارته وهو يتابع خطواتها المتبعدة عنهم، وعينيه لا تفارقان أردافها

المتلثة والتي تهتز

يميناً ويساراً بقوة، ثم سحب نفساً كبيراً من النرجيلة التي بين يديه وقال:-

قال وبيقول لك اقتصاد البلد واقع، دى مصر عالية أوى، وهفضل على طول

في السما.

كانت هذه هي فوزية البيجو، أشهر فتيات الدعارة في المناطق العشوائية

والتي اعتاد هو ورفاقه المجيء إليها بحثاً عن الراحة الزائفة سواء كانت في قطعة

حشيش أو في نطفة يلقيونها في رحمها أو رحم صديقاتها، كانوا يلقبونه في هذا البيت

بالمملك وذلك لكرمه الزائد مع كل رجل أو امرأة في هذا المكان سواء كان من النقود

أو قطع الحشيش التي لا تغادر جيبه إلا لتشتعل فقط. وفي هذه الليلة اجتمع فؤاد

مع توأميه لوضع حل لإعادة سمعة الدار إلى وضعها الأول، بعد أن تكاثرت الأقوال عن ابتزازه للكتاب والنصب عليهم، كان فهمي أول من تحدث قائلاً:-

وبعدين يا فؤاد هنعمل إيه في الحكاية دي؟

عقد الهبط بين حاجبيه مفكراً ثم قال:-

والله ما أنا عارف، الدنيا إتلخبطت خالص وحصل حاجات ما كانتش في

الحسبان.

لوح فريد بكفه في ضجر ثم قال:-

اللى ليه حاجة عندنا بييجى يخدها، إحنا ما ضربناهمش على أيديهم علشان

ينشروا عندنا.

نظر إليه فؤاد نظرة جانبية ثم افترثغره عن ابتسامه ماكرة ثم غمغم:-

بس هم لهم، ولهم كثير كمان.

قال عبارته ثم تابع التليفزيون الذى يعرض أحد الأفلام الاجنبية، وعند مشهد

معين ترك فؤاد نرجيلته وهو يتابع المشهد باهتمام بالغ حتى أن فهمي قد لفت

انتباهه تركيز أخيه مع الفيلم فقال بصوت عالٍ:-

إيه يا نجم، عاجبك الفيلم أوى؟

أشار إليه أن يصمت، فابتلع لسانه وهو يحرك رأسه بلا مبالاة، وعندما انتهى

المشهد، أدار وجهه لرفيقه ثم قال:-

لقيت الحل يا ض إنت وهو، بس لازم تكونوا معايا، هنتحرك إحنا التلاتة مع

بعض، وخلقى بالكم، الغلطة بفورة، يعنى اللى هيغلط هيضيعنا كلنا. الحكاية كلها

إننا إحنا التلاتة هنكون نفس الشخص، الدكتور فؤاد، هنتبادل الأدوار، يعنى

إنتم هتكونوا أنا طول الوقت. نفث فهمي دخان نرجيلته ثم قال:-

يعنى إيه، أنا مش فاهم حاجة؟

أشار إليهما فؤاد وقال:-

طب خلوا بالكم معايا وركزوا كويس فى الكلام اللى هقوله، الحكاية كلها إنى

هسافر إنجلترا بعد إسبوع من دلوقتى، ومش هرجع مصر تانى، دار النشر إنتوا
الى هتديروها فى غيابه، طبعا محدش هيعرف يفرق بيننا إحنا الثلاثة أبداً، فريد
هتبقى مسؤول عن الكتاب والكاتبات العرب والأجانب، وفهمنى هتكون
مسؤول عن الكتاب والكاتبات المصريين، وبعد فترة هتبدأ يا فريد تبيع الأملاك
بتاعتى فى مصر واحدة واحدة من غير ما حد يعرف، وكمان أى عقود هتعملوها
مع أى حد من الكتاب، وهبعت لك رقم حساب بنكى علشان تبعت لى الفلوس
هناك، بعد كده ولما الدنيا تستقر تانى هتبيعوا الدار نفسها وفى نفس اليوم اللى
هتخلصوا فيه كل حاجة هبعت لكم تذاكر الطائرة علشان تحصلونى على هناك،
ونعيش مع بعض بقى يا ولاد كفاية إننا إتحررنا من بعض طول السنين دى.

سأله فريد وهو يعقد حاجبيه بقوة:-

طب وأمك ومراتك هتعمل معاهم إيه؟

أجابه فؤاد وهو بيتسم ابتسامة خبيثة:-

ما تقلقش، أنا هظبط كل حاجة، المهم تتصرفوا

زى ما قلت لكم بالظبط، ومحدش يتصرف أى تصرف من غير ما يقول لى،

فاهمين؟

أوما الإثنين معاً برأسهما موافقين لكلام فؤاد وتم تنفيذ الخطة.

وبعدين حصل إيه؟

استحث أشرف الرجل بسؤاله على إتمام حديثه فرفع فريد رأسه إليه وقال:-

مممكن سيجارة؟

ناوله أحمد سيجارة وأشعلها له، ثم قال:-

ها، حصل إيه بعد كده؟

التقط فريد نفساً طويلاً من السيجارة، قبل أن يطلق سحب الدخان فى هواء
الحجرة ليختلط مع زفرات أشرف الغاضبة وهو ينظر إليه مترقباً فأكمل حديثه

قائلاً ببطء وهو ينظر إلى سقف الحجرة وكأنه يستعيد ذكرى قريبة:-

كل حاجة مشيت زى الفل، لغاية ما فهمى عمل اللى عمله.

سأله أحمد:-

عمل إيه؟

صمت فريد قليلاً ثم قال:-

عمل علاقة مع واحدة صحفية على إنه فؤاد، الصحفية دى إسمها شهيرة

فكرى، كانت بتحب

فؤاد جداً وهو كان بيسايرها علشان تخلص له شوية مصالح، يعنى تعمل

تغطية صحفية لحفلة توقيع أو تكتب مقالة عن الدار، أى مصلحة وخلص، لما

فهمى شافها عجبته أوى، وقرر ينام معاها بأى شكل، طبعاً من غير ما فؤاد يعرف،

وقتها قلت له كده غلط، ولو فؤاد عرف هتبقى مشكلة، قال لى وهو هيعرف منين،

وفعلاً بدأ يجرناعم معاها، وهى طبعاً ما صدقت لأنها كانت بتحبه، لغاية ما عمل

معاها علاقة جنسية كاملة ووعدها بالجواز لما الدنيا تتظبط والدار تقف على

رجلها.

قاطعه أشرف وهو يعقد حاجبيه:-

معنى كده إن اللى اتقتل يبقى فهمى، أخوكم الثالث.

هز فريد رأسه موافقاً لكلام الضابط، قبل أن يقول:-

وعلشان كده اتفتت أنا وفؤاد إننا نعرف مين اللى قتل فهمى علشان ننتقم

منه، وخاصة بعد ما أمى وقعت فى غيبوبة من بعد ما رجعت من جنازة فهمى وهى

فاكراه فؤاد.

صمت قليلاً ليلتقط أنفاسه وليستطيع أن يسيطر على أعصابه، ثم قال

بغضب دفين:-

روح للشفقة وحملت كل اللى سجلته كاميرات المراقبة وقت الجريمة لغاية ما

عرفت مين القاتل.

تبادل الضابطين نظرات سريعة ثم استطرد أشرف:-

إيه حكاية الكاميرات دى، ومين اللى قتل أخوك؟

رفع فريد رأسه ونظر إلى أشرف بثبات ثم قال:-

فؤاد فى الفترة الأخيرة كان خايف من الناس كلها وكان عنده هوس بإن الكل متربص له وعايزين يضره بأى شكل، علشان كده حط كاميرات صوت وصورة فى كل حطة فى الدار، فى أماكن مستحيل أى حد يكشفها، مهما عمل، ولما الجريمة حصلت قالى روح فضى التسجيلات بتاعة الكاميرات واعرف مين اللى قتل فهى ولما حضراتكم هاجمتونى هناك، كنت عرفت مين القاتل، والجريمة حصلت إزاي، وحملت كل ده على فلاشة صغيرة معايا، بعد ما بعث له التسجيلات على النت.

- فىن الفلاشة دى؟

سأله أحمد على الفور، فأخرج فريد من جيبه فلاشة صغيرة أعطاها للمقدم أشرف، الذى التقطها بلهفة ثم أسرع إلى اللاب توب الخاص به والموضوع بعناية فوق مكتبه، ووضع فيه الفلاشة وما هى إلا لحظات وبدأت تظهر محتوياتها ولتضح شخصية القاتل، التى حيرت الجميع منذ بدأت هذه القضية، والحق يقال أن القاتل كان مفاجأة للجميع، وبكل المقاييس.

فهيمى

كانت محتويات الفلاشة توضح لقاءات فهيمى مع الكتاب والكاتبات وتوقعه للعقود معهم ثم تتابعت المشاهد حتى وصلت لليلة وقوع الجريمة، ليظهر فى الصورة وهو يرتدى روبًا حريميًا أحمر اللون، ولا يرتدى أسفله أى شىء، كانت الحجرة الموجود بها هى الحجرة الجانبية ف الدار والتي أعدها للمذاته ولمزاجه الخاص، أدار موسيقى هادئة، وأعد كأسًا من الخمر تجرعه مرة واحدة فاحمر وجهه حتى أصبح كلون الطماطم الصابحة، ثم أشعل سيجارة من الحشيش الأفغانى، والتي لا تفارق جيبه أبدًا، ومع انتشار الدخان الأزرق فى المكان، وارتفاع مزاج فهيمى إلى أعلى معدلاته دق جرس الباب، فذهب ليفتح الباب، ليجد أمامه شهيرة فكرى، التي دخلت على الفور ثم اتجهت مباشرة إلى الحجرة الداخلية وهو يتبعها على مهل، ثم احتضنها من الخلف وهو يقول بصوتٍ حنون:-

وحشتينى. ولم يضع وقتًا بعد هذه الكلمة فأخذ ينزع عنها ملابسها ببطء وهى تساعده وتتمايل يمينًا ويسارًا، وطوال ساعة كاملة، مارس معها كل ألوان وأنواع الجنس، وعندما انطفأت شهوتهما أخبرها أنه ليس أمامه إلا عدة أيام ليعقد قرانه عليها سرًا كما اتفق معها من قبل ففرحت وقبلته قبله طويلة قبل أن تودعه وكلها أمل فى أن تقترب الأيام حتى تصبح زوجة الرجل الذى دق قلبها من أجله، وقبل أن تنصرف كشفت كتفها وقالت:-

ينفع كده، عورتنى، إنت إيه وحش!!!

قبلها من رقبتها وهو يعيد ثوبها إلى مكانه ويقول بصوت خافت:-
حد يشوف الجمال ده كله وما يبقاش وحش وستين وحش كمان، يا ابيض
انت ياللى بتنور فى الضلعة.

انصرفت شهيرة فأخذ هو ينظر إلى جلدها الرقيق الذى علق جزء صغير جدًا
منه بأظفاره، وهو يتمتم:-

دا أحلى تذكارك منك يا مقلوظ. وبعد انصرافها برع ساعة فقط دق جرس الباب
مرة أخرى فاعتقد فهمي أنها نسيت شيئاً ما وأتت لتأخذه، فقام ليفتح الباب وهو
لم يبدل ثيابه بعد ويلوك فى فمه قطعة من التفاح، وفى يده كأس الويسكى يتناول
منه جرعات صغيرة. فتح الباب ليجد أمامه آخر شخص يتوقع وجوده فى هذه
اللحظة، لقد كان مدحت هانى دعاه للدخول، فدلف إلى الشقة وهو يدير عينيه
فى كل مكان فيها ثم توجه مباشرة إلى الحجرة التى كانت تضم العاشقين منذ قليل
فلحق به وهو يقول:-

إيه يا أختينا، رايح على فين؟

بادره مدحت قائلًا:-

هى راحت فين؟

أجابه غاضبًا:-

هى مين؟ وبعدين البيوت لهما حرمة.

ابتسم ساخرًا وهو يقول:-

حرمة!!! هو انت تعرف حرمة البيوت، شهيرة فكرى اللى كانت معاك من

شوية، إيه مش عارفها؟

- وانت عرفت إزاي إنها كانت هنا؟

أجابه مدحت بأن أخرج من جيبه جهاز صغير يشبه (البيجر) ضغط على زر

صغير به لتظهر

كل تفاصيل اللقاء الغرامى الذى كان بين العاشقين منذ قليل، فانتسعت عينا روميورعبًا ثم قال:-

إنت جيت البتاع ده منين؟ إنت بتتجسس عليا؟
أغلق مدحت الجهاز ثم وضعه فى جيبه وهو يقول:-
إنت تقريبا نسيت إنى أنا اللى عامل لك الكاميرات اللى فى الدار كلها بحكم شغلى وإنه مش هيكون صعب عليا إنى أعرف إنت بتعمل إيه فى أى وقت. خبط فهمى قدمه فى الأرض بعناد بالأطفال وهو يقول:-
بتتجسس عليا ليه؟
فجأة رق صوت مدحت وهو يقول:-

علشان بحبك يا غبى، بحبك من زمان وعمرك ما حسيت بيا، عملت كل حاجة علشانك وإنت ولا هنا، كنت تحت رجلك اللى تؤمرنى بيه بعمله، وفى الآخر بتخونى. أولاه فهمى ظهره وهو يقضم قطعة تفاح من التفاحة التى فى يده ثم قال:-
والله الإتفاق اللى كان بيننا أنا وفيت بيه أكثر من مرة معاك، وأنا شايف إن لغاية كده وكويس أوى.

اشتعلت نيران الغضب فى عيني مدحت مع كلمات فهمى الحاسمة، فأمسكه من كتفه وأدار وجهه إليه وهو يخرج سكينًا ماضيًا من جيبه الخلفى ويغرسها حتى منبتها فى صدر صديقه ثم قال بصوتٍ خافتٍ بأنى:-
إنت غبى. وعمرك ما هتفهم أبدًا، واللى زيك خسارة إنه يعيش.

ثم انهال عليه بعدة طعنات فى الصدر والبطن حتى أن فهمى لم يجد الوقت ليصرخ، فاحتبست الصرخة فى حلقه مع بقايا التفاحة التى كان يأكلها، استمر مدحت فى طعنه حتى وصل به إلى الفراش فتركه يسقط هناك وقد تعرى تمامًا من الروب المنزلى الذى كان يتمتع به منذ قليل، خلع مدحت عنه الروب وهو يتطلع إلى عينيه اللتان لم تفارقا الحياة بعد، ثم مال على الجزء السفلى منه وقال وهو يشير إلى عضوه الذكرى ويقول بغل:-

مش هو ده اللى فرحان بيه أوى، وبتخونى بيه كمان، أنا هريحك منه خالص.
قرب السكين الطويل من النصف السفلى لفهمنى وهو يراقب حركاته التى بدأت تخمد قليلاً، ثم قطع العضو الذكرى فجأة فاتسعت عينا الرجل عن آخرهما والدماء تتدفق أنهارًا على الفراش، وعينييه تثبتان فى سماء الحجرة لتغادر الدنيا وما فىها.

مسح مدحت الدماء من على السكين بكل هدوء، ثم وضع العضو الذكرى فى روب القتيل الذى كان يرتديه منذ قليل، ووضعها فى طيات ثيابه، بعد ذلك أشعل جهاز الكاسيت وزاد من قوة الصوت حتى آخرها، ثم اتجه إلى جهاز لاب توب صغير موضوع على المكتب وأشعله ثم بدأ، يعبث بمحتوياته، كان يريد أن يمسح ما سجلته الكاميرات والميكروفونات المنتشرة فى كل مكان بالدار حتى يقضى على الدليل الوحيد لإرتكابه الجريمة، ولكن القدر لم يمهله، فقد لمح ظل رجل يقترب من الباب ويقرع جرسه وهو ينادى على فؤاد قبل أن يدخل الشقة ويتجه إلى غرفة النوم، فى نفس اللحظة التى كان ينتزع فيها مدحت مقبس الكهرياء من الجهاز حتى لا يلاحظه الرجل ثم تسلل إلى خارج الشقة، ومعه الكمبيوتر وصعد بسرعة ليختبئ فى الطابق الذى يعلو الدار خرج عبده البواب من الشقة بسرعة الصاروخ وهو يصرخ ويولول كالنساء، ليخبر سكان العقار بمقتل دكتور فؤاد، فى نفس اللحظة التى هبط فيها مدحت إلى الطابق مرة أخرى ومن حسن حظها أن المصعد الذى صعد به البواب كان مازال فى مكانه فاستقله على الفور ونزل به إلى الطابق السفلى ثم إلى خارج العقار ولقد ساندته الحظ مرة أخرى عندما لم يصل خبر مقتل فؤاد لسكان الطابقين الأول والثانى، فلم يشعر أى أحد بمدحت وهو يفر من مكان الجريمة.

بالطبع توقفت رواية فريد عند اللحظة التى فر فيها مدحت من الشقة ولكن سيادة المقدم استنتج باقى قصة الهروب التى كانت صحيحة بنسبة كبيرة، فتنفس الصعداء ثم قال موجهاً كلامه لأحمد:-

هنتحرك دلوقتى على محورين، أولاً هناخذ إذن من النيابة باستخراج جثة القتيل وهنعيد تشريحها مرة ثانية علشان نتأكد من إن هو وفريد لهم نفس الشريط الوراثى، لإن اللى أعرفه إن التواء المتماثلة بيكون لهم نفس فصيلة الدم ونفس الحمض النووى ال DNA وده اللى إنت هتعمله يا أحمد، ثانيًا هروح بنفسى للقاتل علشان أواجهه بالحقيقة، واقبض عليه، بعد كده فى مشوار مهم لازم أعمله علشان أقفل القضية دى بالضبة والمفتاح.

ولم يعد هناك ما يقال بعد قول سيادة المقدم أشرف صابر.

مدحت

إتفضل يا فندم.

تحرك أشرف نحو الحجرة الصغيرة في قسم الكسور بأحد المستشفيات الحكومية، عندما دعاه أحد الأطباء للدخول على الشاب المصاب في حادثة السيارة منذ الليلة الماضية، كان الطبيب قد حذر الضابط من كثرة الحديث مع المصاب حيث أنه لم يتمثل للشفاء بعد، وأن حالته مازالت تحت الملاحظة، امتثل المقدم لأوامر الطبيب ودخل على الشاب الذي لم يكن إلا مدحت هانى، كانت حالته يرئى لها فقد كانت إصاباته بالغة، عدة كسور في الساقين والذراعين والرقبة، بالإضافة إلى عدة كدمات في الوجه والرأس.

اقترب منه أشرف وناداه قائلاً:-

مدحت، مدحت.

فتح عينيه ببطء وقال بصوت واهن:-

مين؟

جلس أشرف على مقعد مجاور لفراش الشاب ثم قال:-

مقدم أشرف صابر، من المباحث العامة، كنت عايز أدرش معاك شوية بخصوص قضية مقتل الدكتور فؤاد.

غمغم مدحت وسحابة من الدموع تترقرق في عينيه قبل أن يقول بحزن:-

الله يرحمه.

ابتسم أشرف بسخرية ثم قال:-
سبحان الله، أول مرة في حياتي أشوف القاتل ببيترحم على اللي قتله.
حرك المريض رأسه نافياً اتهام أشرف المباشر له ثم قال:-
أنا ما قتلتهموش بالعكس أنا كنت بحبه جداً.
ابتسم أشرف ساخرًا وهو يقول:-

ومن الحب ما قتل، بص من الآخر كده إحنا عرفنا كل حاجة، عرفنا إنك إنت
اللي قتلت فؤاد، بعد ما كان مع شهيرة فكرى، وبعد كده حاولت تمسح محتويات
الكاميرات والميكروفونات اللي سجلت كل حاجة من أول ما دخلت الشقة لغاية
ما خرجت منها لما عبده البواب جه وانت لسه هناك، أنا ليا سؤالين وبس، وعزيز
إجابة عليهم دلوقتي حالاً، ليه قتلت فؤاد؟ ووديت فين عضوه الذكرى؟
زاغت عيني مدحت ولم يستطع الدفاع عن نفسه مع كلمات أشرف الحاسمة،
فصمت قليلاً ثم قال:-

أنا كاتب من الكتاب، أول مرة قابلت فؤاد كانت في الدار عنده لما سمعت عنه
وعن جدعنته مع الكتاب الشباب، روحت له ومعايا أول رواية ليا كنت طابعها
على ورق، أخذها منى ورحب بيا ووعدنى إنه هيقراها ومهتم بيا، وفعلاً كان
صادق معايا، وعجبته الرواية جداً بس طلب منى فلوس علشان ينشرها، إديت
له اللي هو عايزه، وبعدها الرواية نزلت المكتبات فعلاً، وأنا من فرحتى قربت منه
أكثر وأكثر، كنت عارف إنه بيستغلنى في أعمال الكمبيوتر علشان الدعاية بتاعة
الدار، وأنا ما كنتش بتأخر عنه عملت له الكاميرات اللي هو عايزها في كل مكان في
الشقة، وفي أماكن سرية، الجن الأزرق نفسه ما يعرفش مكانها فين، وقتها سألته
بتعمل الحاجات دي ليه، قال لى إن في ناس كتير بيتيجى الدار هنا بتحقد عليه
وكارهه له الخير، ده غير إنه شاكك إن في منهم حرامية، صدقته وعملت له اللي هو
عايزه، لغاية ما لاحظت إن في شبه علاقة بينه وبين شهيرة فكرى، راقبتهم لغاية
ما إتأكدت من الشكوك بتاعتي، وقتها اتجننت وقررت إنى أقضى عليه، لأنه كان

خاين علشان كده كان لازم يدفع التمن، قتلته، أيوه قتلته وكملت انتقامى منه لما قطعت له عضوه الذكرى وخليته عندى فى البيت فى شوية فورمالين، كان بنى آدم غبى، وما كانش عايز يفهمى.

ارتفع رنين هاتف أشرف المحمول فى هذه اللحظة فأشار إلى مدحت بالصمت ثم أجاب المتصل الذى كان الرائد أحمد، استمع إليه بانتباه قبل أن يقول:-
كنت متوقع، خلاص خليك عندك وأنا هخلص كلامى مع مدحت وهستناك
علشان تيجى.

أغلق هاتفه على الفور ولم ينتظر ردًا من زميله بل وضع الهاتف جانبًا ثم قال وهو ينظر إلى مدحت:-

الى إنت ما تعرفهوش إن اللى قتلته مش فؤاد، اللى اتقتل ببقى أخوه فهمى التوأم، لسه أحمد مبلغنى إن نتيجة تشريح الجثة للمرة الثانية طلعت إيجابية
يعنى كلام فريد طلع صح وفؤاد لسه عايش.

ردد مدحت الأسماء التى قالها أشرف ثم عقد حاجبيه وقال:-

مين الناس دى؟ أنا مش فاهم حاجة.

أجابه أشرف مستطردًا:-

أنا هفهمك كل حاجة.

وطوال نصف ساعة كاملة قص ضابط المباحث على مدحت الحكاية من البداية حتى لحظة القبض على فريد واعترافه بالحقيقة، لم يتمالك الشاب نفسه مع كلمات أشرف القائلة، والتى معها شعر مدحت بأنه قد تعرض لخدعة العمر، والتى معها فقد كل شىء، حياته ومستقبله، وحتى الانتقام الذى خطط له منذ زمن طويل ذهب أدراج الرياح، لم يجد ما يقوله فظل صامتًا حتى أتى أحمد إلى المكان فتركه أشرف مع القاتل حتى يتم القبض عليه رسميًا، ثم ذهب إلى السيدة التى ستكمل له اللوحة وتضع عليها إمضاءها.

مديحة

طرق أشرف باب شقة مديحة زوجة فؤاد عدة مرات دون أن يجيبه أحد ففتحت إحدى جاراتها باب شقتها وقالت:-

مين اللى بيخبط؟

أدار أشرف وجهه إليها وقال:-

أنا المقدم أشرف من المباحث، هي الست مديحة مش هنا؟

أجابته السيدة على الفور:-

دى مشيت من هنا، من بعد ما دفنت المرحوم، قفلت الشقة وخذت معاها ابنها وما قالتش رايحه على فين.

قال لها أشرف وهو يشعل السيجارة المائة منذ بدأ التحقيق في هذه القضية:-

بصى يا ست إنتى، أنا ما عنديش وقت أضيعه معاكى، سؤال واحد ومش

هكرره تانى، مديحة راحت فين؟

ارتجفت أوصال المرأة مع تهديد أشرف الواضح فقالت وصوتها يرتجف خوفاً:-

والله العظيم يا باشا معرفش هي راحت فين، من ساعة جوزها ما مات وحمايتها

دخلت المستشفى وهي أحوالها إتغيرت، ما بقتش بتكلم حد وفجأة لقيناها سابت

الدنيا ومشيت وعرفنا بعد كده إنها باعت الشقة بالعفش بتاعها. كان من الواضح

أن المرأة صادقة، فلم يُطل معها الحديث، بل تركها على الفور ثم غادر المكان

وبينما هو يتجه نحو الإدارة إذا بهاتفه النقال ينطلق برنينه المميز فنظر إليه ليجد رقم أحمد فأجابه على الفور قائلاً:-

ألو، أيوه يا أحمد، تصور إن مديحة سابت البيت ومشيت ومحدث عارف مكانها ..

قاطعته صوت أحمد المتوتر قائلاً:-

مديحة مين دلوقتي، إحنا في المصيبة اللي حصلت، مدحت انتحريافندم، دبح نفسه.

ارتفع حاجبا أشرف حتى لامسا منبت شعره دهشة قبل أن يقول بصوت متحشرج:-

إيه، بتقول إيه، إزاي ده حصل؟

أجابه أحمد وهو يحاول السيطرة على توتره:-

كل اللي حصل إن حضرتك بعد ما سيبتنا، جه الدكتور علشان يتابع حالته وطلب مننا نخرج بره بعد شوية خرج وأنا قعدت أتكلم معاه عن حالة مدحت وإمتي هنقدر نستجوبه رسي، في نفس الوقت خليت عسكري الحراسة واقف على باب الأوضة، بعد ربع ساعة دخلت عليه لقيت السرير غرقان دم ومدحت ماسك في إيده مشرط التمريض الصغير، هنعمل ايه دلوقتي يافندم؟

- خليك عندك لغاية المعمل الجنائي ما يجيلك،

وأنا هروح لفريد، هو الوحيد اللي هيقول لنا على مكان فؤاد.

قرن قوله بالفعل واتجه مباشرة إلى الإدارة ليتحدث إلى الفرد الوحيد الذي بين يديه الآن، والذي سيعرف منه كل شيء، وبالتفصيل.

فريد

- فريد، إسمعى كويس دلوقتى مفيش غيرك قدامى علشان أقفل القضية دى، أولًا القاتل انتحر، يعنى مات كافر وأخذ جزاؤه، ثانيًا عايز أسألك كام سؤال ولازم تجاوبنى عليهم.

لمعت دمعته حزن فى عينى فريد بعد أن علم بانتحار القاتل، ولم يعطر يديه بدمه، كى ينتقم لمقتل أخيه، لكنه تماسك بأعجوبة ثم قال بهدوء يحمل بين جنباته عاصفة عاتية:-
تحت أمرك يا فندم.

ابتسم أشرف مشجعًا ثم سحب مقعدًا وجلس أمام فريد، وأشعل إحدى سجائره ثم ناول إحداها لفريد الذى اعتذر بهدوء، فقال الضابط:

عايز أعرف جبت رقم تليفونى منين؟

وليه كنت بتهددنى بقتل مراتى وابنى؟

ابتسم فريد بسخرية وقال:-

ومين اللى قال إنى جبت رقم تليفونك يا باشا، فى بلدنا دى ممكن بمبلغ صغير تجيب تليفون أى حد إنت عايزه وفى أى وقت، وأعتقد يا باشا إن اللى عمل كده كان عايز يشغلك عن القضية لسبب معين.

ظل أشرف يتطلع إليه وهو يتكلم ثم قطع حديثه بصفحة هائلة على خده الأيمن، ألقت به من فوق الكرسي على الأرض، ولم ينتظركى يستعيد توازنه مرة أخرى، بل انقض عليه وأمسكه من شعره بقوة ثم أعاده لمقعده، ونظر في عينيه بقسوة وهو يقول:-

هتصبع عليا يا ابن الكلب، إنت اللي كنت بتكلمنى فى التليفون، رانيا عامر عرفت صوتك.

مسح فريد خيط الدم الذى سال من جانب شفته ثم عاود الابتسام بسخرية وهو يقول:-

عرفت صوتى ولا صوت فؤاد، أنا اللي عندى قلته يا سعادة البيه، وما عنديش غيره.

أسقط فى يد أشرف ولم يستطع أن يتكلم مع جراحة فريد، فعاد لمقعده مرة أخرى ثم التقط أنفاسه وقال:-

فين أرقام الحسابات اللي كنت هتبعبت لفؤاد الفلوس عليها، وكنت هتسافر له إزاي وإمتى؟

عادت الابتسامة الساخرة لترتسم مرة أخرى على شفتى فريد وهو ينظر فى عيني أشرف بثبات ويقول:-

لو إنت فاكراىنى هقول لك على أى معلومة تخليك تعرف مكان فؤاد تبقى بتعلم يا باشا، دا ماليش

غيره دلوقتى بعد اللي راح.

بأدله أشرف النظرة المتحدية ممزوجة ببعض الشراسة وهو يقول ببطء مخيف:-

أخوك نصاب وحرامى، ولازم أقبض عليه حتى لو قضيت اللي باقى من عمري فى مطاردته، فالأحسن تقول لى على مكانه لأن كل دقيقة بتفوت بتضر نفسك قبل ما بتضره.

- إنسى يا باشا.

هوت قبضة أشرف على أنف فريد لتحوّله في ثانية إلى كومة من اللحم المفري والعظام المهشمة، وبينما تندفق دماؤه بغزارة من أنفه الذي أصبح لاحول له ولا قوة، إذا بباب المكتب يفتح فجأة ويظهر على عتبته ظل لرجل في العقد الخامس من العمر وسيم، طويل، متين البنيان، خط الشيب فوديه فمنحه مظهرًا وقورًا، يدل على القوة والشكيمة، ما أن رآه أشرف حتى عدل من هندامه ووقف بثبات ثم قال:-

سيادة اللواء، أهلاً وسهلاً.

لم يرد اللواء مندور رئيس جهاز المباحث تحية أشرف بل أشار إلى فريد الذي كانت حالته يرثى لها ثم قال بصرامة:-

الرجل ده بيعمل إيه هنا؟

ألقى أشرف نظرة لامبالية على فريد ثم قال:-

دا أخوفهى القتيل، وأنا بحقق معاه علشان أعرف فؤاد هريان فين.

اكتسى وجه مندور بمسحة من غضب كاسح وهو يقول:-

القضية خلصت يا أشرف، والقاتل اعترف قبل ما ينتحر، واللى بتعمله ده مش قانونى، وهيعرضك للمساءلة.

اندفع أشرف يقول مدافعاً عن نفسه وهو يعقد حاجبيه:-

ياقندم، فؤاد لسه عايش، وده نصاب محترف، ولازم أقبض عليه بأى شكل،

دى قضيتى ومش هتنازل عنها أبداً، مهما كان السبب.

رفع مندور سبابته في وجه أشرف محذراً ثم قال:-

أنا قلت كلمة واحدة ومش هكررها تانى، بعد نص ساعة من دلوقتى مش عايز

أشوف الراجل ده هنا، فاهم؟

تصارعت شياطين الغضب في وجه أشرف وهو يلقى نظرة سريعة على فريد

الذى وجدته بيتسم بسخرية، مما زاد من احتراق آخر كمية من الماغنيسيوم في

خلاياه، فاحمرت عيناه واندفع نحو فريد يريد الفتك به، و....

- أشرف.

صرخ اللواء مندور باسم أشرف، فتوقف الأخير على بعد سنتيمترات قليلة من فريد الذى لم تختفى ابتسامته الساخرة من على شفتيه، فتابع مندور قائلاً بحزم:-

تعالى معايا على المكتب.

قال عبارته الصارمة ثم ترك المكان، فتبعه أشرف صاغراً حتى مكتبه، وهناك بادره اللواء قائلاً:-

خلى بالك يا أشرف اللى إنت بتعمله ده هيعرضك لمشاكل إنت مش قدها، القضية خلصت وانتهت.

تكلم أشرف بلهجة تحمل الكثير من الرجاء:-

يافندم، القضية دى أنا تعبت فيها جداً لغاية ما وصلت للى وصلت له، لو

سببت الواد ده يمشى يبقى هخسر

كل حاجة، أرجوك يافندم، أرجوك.

وضع مندور كفه على كتف أشرف وقال بلهجة حانية:-

يا أشرف إفهم، إنت زى إبنى، وأبوك الله يرحمه كان صاحبي، القضية دى

شغلت رأى العام لفترة، وكنا مستغلين الضجة دى علشان نغطى على بلاوى كتير

بتحصل فى البلد، ودلوقتى لازم نغطى على القضية

دى بحاجة تانية، تشغل الناس، هى الدنيا ماشية كده.

- يافندم أنا هنفذ اللى فى دماغى، وهجيب فؤاد، يعنى هجيبه مهما كان التمن.

كان هذا رد أشرف على كلام رئيسه، الذى احمرت عيناه من فرط الغضب

فقال محذراً:-

أنا نهتك وإنك حر، لكن لو هنتكلم بشكل رسمى، تبقى غلطان يا حضرة

الظابط، تقدر تقولى إيه الجريمة إالى فريد ارتكها؟ دا راجل كان بيدور على اللى

قتل أخوه زيد بالطببط، وحتى بعد ما عرفت القاتل، لسه بتدور على فؤاد ليه بعد ما عرفت إنه ما إتقتلش.

أجابه أشرف قائلاً:-

ياقندم فؤاد ده نصاب، والكتاب كلهم شهدوا بكده.

اقترب منه مندور وقال وهو ينظر في عينيه مباشرة:-

عندك دليل على كلامك، هات لى واحد قدم فيه بلاغ ولا رفع عليه قضية، يا أشرف ما تضيعش مستقبلك، لأن عندك هيدمرك.

لم يملك أشرف أمام تهديدات اللواء مندور إلا أن ينفذ التعليمات ويطلق سراح فريد على مضض، ولأنه يملك إصرار أسد هصور وعناد نمر وحشى فقد قرر بينه وبين نفسه أن يواصل البحث عن فؤاد بصفة غير رسمية، لذلك فلم يكذب يخرج من مكتب رئيسه حتى أسرع بالذهاب إلى المستشفى المحتجزة بها والدة فؤاد بعد أن استطاع الحصول على عنوانها من فريد أثناء التحقيق معه، وهناك قابل الطبيب المعالج لها والذي ألقى إليه بمفاجأة أخرى عندما أخبره بأن أحد أقاربها قد أخرجها أمس من المستشفى كى تكمل علاجها في الخارج، وهنا أحس أشرف بنار الهزيمة تأكل ثنايا عقله، لقد أدار فؤاد اللعبة بمهارة، لقد لَقَّنَهُ درسًا لن ينساه طوال عمره، وعلم في آخر اللعبة أنه ما هو إلا قطعة صغير مهملة في رقعة الكبار.

ربط فريد حزام مقعده في الطائرة الخاصة التي كانت تنتظره فور خروجه من المديرية، والتي انطلقت على الفور لإحدى الدول العربية، وبينما هى تحلق في السماء مغادرة أرض الكنانة، ابتسم الرجل وهو يتذكر حديث أخيه فؤاد في آخر حوار دار بينهما عبر الإنترنت، لقد قال له وقتها وبلهجة أمرة (اسمعى يا فريد إحنا كده عرفنا مين اللى قتل فهى ولازم ياخذ جزاؤه، ودى هتكون مهمتك، لو قدرت تنفذها أو ما قدرتش، هيكون في خطة علشان تمشى من مصر كلها، في رقم

هديهولك دلوقتي، بمجرد ما تتصل به هتكون الطيارة الخاصة جاهزة علشان تنقلك لمكانى أنا ومراتى وابنى، وأول ما هتكون فى السما هتكون ماما وصلت عندى علشان تكمل علاجها هنا، مش عايزك تخاف ولا تهز قدام الضابط ده بالذات، كل خطوة أنا عامل حسابها كويس).

- تشرب حاجة يافندم؟

أفاق فريد من ذكرياته على صوت المضيفة الحسنة، فابتسم بهدوء وهو يسترخى فى مقعده ويقول:-

ليمون بالنعناع.

أومأت برأسها، وذهبت لتحضر له طلبه، فأغلق عينيه باسترخاء، وهو يحلم باللحظة التى تهبط بها الطائرة على الأرض التى تضم أحبائه، فالوطن هو المكان الذى يضم الأحباب، ولا شىء غيرهم.

تمت بحمد الله

القاهرة فى ٢٠١٦/٩/١٨

التعريف بالكاتب

محمد عبد الرازق محمد، من مواليد الجيزة، يعمل بمجال التدريس.

صدر له حتى الآن ثمانية روايات هي:-

- المجهول ج ١
- قاهر المستحيل ج ٢
- انتقام قلب
- كلاكيت
- الشيطان
- أغلال
- تربة الزعفران
- عيرج ١

للتواصل مع الكاتب:

Maelrazek15173@yahoo.com

Maelrazek15173@gmail.com

[Mrazek3@facebook.com](https://www.facebook.com/Mrazek3)

جميع حقوق الطبع والنشر محفوظة للناشر



noon_publishing@yahoo.com
0235860372 - 01127772007